

কমলাকাণ্ডের স্ব

To talk of many things
Of shoes and ships and sealing wax
Of cabbages and kings.

১৩৩৪

রামেশ্বর এণ্ড কোং

চন্দননগর

প্রকাশক
শ্রীচারুচন্দ্র রায় এম-এ,
চন্দ্রনগর ।

পরিবর্ধিত দ্বিতীয় সংস্করণ
আশ্বিন, ১৩৩৪

~~দ্বিতীয়~~ চার আনা ।

প্রিণ্টার—শ্রীশান্তকুমার চট্টোপাধ্যায়
বাণী প্রেস,
৩৩এ, মদন মিত্রের লেন, কলিকাতা

বিজ্ঞাপন

দ্বিতীয় সংস্করণ প্রকাশিত হইল। প্রথম সংস্করণের ৩০খানির উপর আরও ১৩খানি পত্র সম্মিলিত হইল—তন্মধ্যে “যদি” ও “দূর নাহি দেখ তা” “ভারতবর্ষে” ও অবশিষ্ট “আত্মশক্তি”তে প্রকাশিত হইয়াছিল। মানুষের কলেবর বৃদ্ধির সঙ্গে মূল্য বৃদ্ধি না-ও হইতে পারে, কিন্তু পুস্তকের কলেবর বড় হইলে মূল্য বাড়িতে বাধ্য—সুতরাং মূল্য বাড়িল।

সমালোচক কমলাকান্তকে ঝাঁটার সঙ্গে তুলনা করিয়াছেন—সে ঝাঁটার বতই প্রয়োজন হউক, কাহারও গায়ে লাগিলে “ঘাট ঝড়ের নাম” বলিতেই হয়; সম্মার্জনীর ছাওয়াও বার গায়ে লাগিবার নুস্তাকর্য আমি তাহাকে অগ্রেই বলিয়া রাখি, তচ্ছ—“ঘাট বেটের নাছা!”

প্রকাশক

প্রথমবারের বিজ্ঞাপন

বার “মুখবন্ধ” লেখবার কথা ছিল তার মুখ এখন বন্ধ; আমি স্মরণ এই পরিচয় দিবই ক্ষান্ত হব বে, “কমলাকান্তের পত্র” এই নামে প্রবন্ধগুলি ধারাবাহিক ভাবে “নবসঙ্ঘ” ও “আত্মশক্তি” পত্রে প্রকাশিত হয়েছিল; একটি “নিবন্ধ” পত্রেও প্রকাশিত হয়। পর পর যেমন ছাপা হয়েছিল, এ পুস্তকে প্রবন্ধগুলি সেই পর্যায় রক্ষা করেই ছাপা হ'ল, কোন প্রকার ওলটপালট বা পরিবর্তন করা হয়নি।

“মানুষটা নিতান্ত ক্ষেপিয়া গিয়াছে”—কমলাকান্ত সহস্রকে খোসনবীণ জুনিয়ার প্রদত্ত এ সংবাদটা সত্যও হতে পারে; কিন্তু সে মরেনি এটা ঠিক। যুগে যুগে সে বেঁচে থাকবে—আর তার বক্তব্য তারই মতন করে বলে' যাবে, তার ভুল নেই।

This fellow's wise enough to play the fool ;
And, to do that well, craves a kind of wit.
He must observe their mood on whom he jests
The quality of persons, and the time ;
And *not* like the haggard, check at every feather
That comes before his eye. This is a practice,
As full of labour as a wise man's art :
For folly, that he wisely shews, is fit ;
But wise men folly-fallen quite taint their wit.

—*Twelfth Night. Act 3. Scene 1.*

The people whose hearts are always aching
are the ones who joke most.

—*Mother by Maxim Gorky.*

সূচীপত্র

১।	প্রসন্ন গোয়ালিনীর বাড়ী পূজা	১
২।	বিজয়া	৫
৩।	স্বপ্নলক রক্ষাকবচ	৮
৪।	মেকি	১৪
৫।	আটকুড়ী	১৯
৬।	সেবা	২৬
৭।	অভিফেন ব্রত	৩২
৮।	“বাবা মেয়ে”	৩৯
৯।	পাশলের সভা		...	৪৪
১০।	খোদার উপর খোদকারী	৫১
১১।	আবিষ্কার না বহিষ্কার	৫৭
১২।	নিরুপদ্রবী	৬২
১৩।	যেহেতু আমরা তাই তাই	৬৬
১৪।	সাবধান!	৭০
১৫।	বিজ্ঞান ও বিজ্ঞাপন	৭৬
১৬।	ঐহিক ও পারত্রিক	৮৩
১৭।	বাস্তব	৮৮

সকলেই বেশী দেখে ; আর দুধে অনেক জল ঢেলেচ বা অমেক জলে দুধ ঢেলেচ, তাতে পরস্য করেচ কি না তা জানি না—তবু না হয় একবার মা'র পূজা কল্লে—তাতে ক্ষতি কি, পূজার পুণ্য আছে ত ?” প্রসন্ন রাগিয়া বলিল—“তুমিও আমার পরস্য দেখচ, হা কপাল !” তখন আমি বললাম—“তবে এক কাজ কর, ঠাকুরখানার ত এখনও মুণ্ড বসেনি, ওটা একটা কাঠামই ধরিয়া লও—ওটাকে উনানজাত করিয়া ফেল, আপদ মিটে যাক !”—প্রসন্ন বলে, “তা কি হয় ?”—আমি বললাম—“এ-ও না ও-ও না—পূজা কর্তেও ইচ্ছে আবার না-কর্তেও ইচ্ছে, এতে আর আমি কি বলি বল ।” প্রসন্ন বলে—“আমার যখন ইচ্ছে হয় তখন করবো, লোকে আমার ঘাড়ে চাপিয়ে দিয়ে জোর করে' পূজা করাবে এ কি কথা ?”—তখন আমি বললাম, “দেখ প্রসন্ন তুমি গয়লার মেয়ে সে তত্বকথা তুমি বঝবে কিনা জানি না—তবে আজকালকার সব পূজাই একরকম ঘাড়ে চাপিয়ে দেওয়া পূজা বা ফেলা পূজা ; তোমার পাড়াপড়শি তোমার বাড়ী ঠাকুর ফেলে দিয়ে গেছে, আর সব না হয় তাদের পূর্ব পুরুষরা তাদের ঘাড়ে ফেলে দিয়ে গেছে এইমাত্র প্রভেদ,—মা'র রূপ, মা'র শক্তি, মা'র ঐশ্বর্য্য সম্যক হৃদয়ে ধারণ করে' না'র আরাধনার কাল বহুদিন বাংলা দেশ থেকে চলে' গেছে, তা তুমি আর ছুঃখ কর' না—ভক্তিতরে পূজা করগে, তোমার গয়লা-বংশ উদ্ধার হয়ে যাবে । তবে একটা কাজ কর্তে হবে, একবার উকিল বাড়ী যেতে হবে—”

প্রসন্ন আশ্চর্য্য করে বলে—“পূজা করব ত উকিল বাড়ী যাব কেন ?—পুরুত বাড়ী বলছ বুঝি ।”

আমি বললাম—“না না, আমি নেশার ঝোঁকে কথা কইচি না,

উকিল বাড়ীই যেতে বলছি।” প্রসন্ন হাঁ করে’ রইল—আমি বললাম,—“হাঁ করে’ থেকে’ না, মুখটি বুজে’ আমি যা বলি তা কর—এরাজ্যে পূজার প্রথম ব্যবস্থা উকিল-মোস্তাফারই করে’ থাকে, তারপর পূজারীর কাজ সম্ভব হয়।” তখনও হাবা গয়লার মেয়ে বোঝে না, বলে, “উকীল বাড়ী পূজার ব্যবস্থা ত এই আমি নূতন শুনলাম।” আমি বললাম—“কালোহয়ঃ নিরবধিঃ বিপুলো চ পৃথ্বী—প্রসন্ন, যে রাজ্যের যে ব্যবস্থা, আর যে কালের যে রীতি, দশপ্রহরণধারিণী যা আমার সাক্ষোপাঙ্গ নিয়ে তোমার বাড়ী বিদেশ বিভূ’ই থেকে আসবেন—তার একটা পয়সার করে’ না রাখলে শেষে বিপদে পড়বে।”

“তোমার কথাবাত্তা আমি ত কিছুই বুঝতে পারচি না” বলে’ সে গালে হাত দিয়ে বসে’ বইল। আমি বললাম—“প্রসন্ন, তুমি যদি এত সহজে আইনের কথা বুঝতে পারতে তা’হলে আইন করাই যে কথা হ’ত—তা বুঝ না। বুঝিয়ে বলি শোন—এই যে দেশটি দেখচ, যার একদিকে পুণ্যতোয়া জাহুবী আর তিনদিকে পগার তেলা—এইটা দেশ, আর এর বাইরে যে বিশাল বাংলা দেশটা পড়ে’ আছে মোটা বিদেশ, সুদূর হিমালয়েব ত কথাই নাই ;—সেই দূর হিমালয়-গৃহ থেকে যে মা নেমে তোমার বাড়ীতে আসবেন, তিনি ত বিদেশিনী বলেই পরিগৃহীতা হবেন—এই দেশে প্রবেশাধিকার লাভ করতে হলে তাঁর একটা ছাড়-পত্র চাই ; তারপর তিনি সাক্ষোপাঙ্গ সঙ্গে করে’ আসবেন, বিশ জনের অধিক হলেই ত আইনের খেলাপ হয়ে যাবে। তার উপর আবার তিনি দশপ্রহরণ দশহাতে ধারণ কবে’ আসবেন, অস্ত্র-আইনের মধ্যেও পড়তে পারেন, এ সকল জটিল কথার মীমাংসা করবার জন্ত একবার উকিলের বাড়ী যেতেই হবে।

আমি। কোন্টা নির্জন মনে হচ্ছে ঠিক বুঝতে পারছি কি ?
—মনের ভিতরটা, না ঘরের ভিতরটা ?

প্রসন্ন। কি জানি ! আমার ছেলে নাই মেয়ে নাই—অঁচল
দিয়া প্রতিমার চরণ যখন মুছাইয়া লইলাম, তখন আমার বৃকের
ভিতর যে কি রকম করিয়া উঠিল, তাহা আমি বলিতে পারি না—
যেন আমারই মেয়ে আমার গৃহ শূন্য করিয়া স্বামীর বাড়ী চলিয়া
যাইতেছে। সে কষ্ট কেমন তাহা, আমি মা নই, ঠিক বলিতে পারি
না, তবে আমার মনে হয় ঐ রকমই। আমার মনে হইল, মা'র
চোখেও যেন জল দেখিলাম ! পাড়ার মেয়ে শশুরঘর করিতে চলিয়াছে,
মা'র চোখে জল, মেয়ের চোখে জল, দেখাদেখি আমারও চোখে জল
আসিয়াছে, কিন্তু এমনতর কষ্ট তো তখন হয় নাই। এখন বৃকটা
যেন কাটিয়া যাইতেছে ; সব যেন শূন্য মনে হইতেছে।

আমি। এতগুলো টাকা যে বাজে খরচ হইয়া গেল, প্রসন্ন ! সেটা
কি একবারও মনে হচ্ছে না ?

প্রসন্ন। মোটেই না। আমার মনে হইতেছে টাকা দিয়া কেনা
বার, না এমন একটা-কিছু ভাগ্যক্রমে পাইয়াছিলাম, আজ তাহা
হারাইয়াছি, আর বৃদ্ধি তা কখনও ফিরিয়া পাইব না।

আমি মনে মনে এই মাতৃপূজার প্রবর্তক মহাপুরুষকে কোটি
কোটি প্রণাম করিলাম। বলিহারি তোমার রচনা। এই 'আভাসা'
গয়লার মেয়ের মনকে কি আশ্চর্য্য উপায়ে তোমার শিক্ষা-পদ্ধতি
জার এই দুনিয়ার চূড়ান্ত ঐশ্বর্য্য ধনসম্পদের আবির্ভাব হইতে
উত্তোলন করিয়া প্রকৃত ঐশ্বর্য্যের দিকে তুলিয়া লইল ; এ গয়লার
মেয়ে স্বল্পকালের জন্মও তোমার অদ্ভুত সৃষ্টি-কৌশলে এমন এক

কথা—শরীর-মনের দেবতা যদি ঔষধ গ্রহণ করিলেন ত ঔষধ ফলিল—আর না গ্রহণ করিলেন ত সব ঔষধ ভাসিয়া গেল। তাঁহাকে প্রসন্ন করিয়া ঔষধ গ্রহণ করান যখন মানুষের সাধ্য নাই—তখন মাদুলিও যা আর বিজ্ঞানসম্মত ঔষধও তাই। প্রসাদ প্রসাদ বলে' জীবনদেবতাকে প্রসন্ন কর, আর মাদুলি পর—এই প্রকৃষ্ট উপায়।

• প্রসন্ন। তোমার সব কথা আমি বুঝতে পারি না—মিছে রাগ করিয়াই বা কি করি বল—প্রসন্ন হতাশ হইয়া বসিয়া বহিল।

আমি প্রসন্নকে বলিলাম—প্রসন্ন, বাংলার দেশে বিজ্ঞান রসায়ন ইত্যাদির বহু ক্ষুরণের ফলস্বরূপ গতবৃদ্ধে শত শত লোক মরিল—তাহাদের দেশে প্রতিদিনের কার্যো, গৃহস্থলাতে, সমাজে, রাষ্ট্রীয়-ব্যাপারে, যুদ্ধক্ষেত্রে, ঘোড়দৌড়ের মাঠে, বেচাকেনার মধ্যে কত টোটকা, পদক, রক্ষাকবচ, Mascot ব্যবহার হয় তা তুমি জান? তুমি একেবারে বিজ্ঞানভক্ত বিদুষী হইয়া উঠিয়াছ, মানুষ বতদিন না নক্ষত্রশক্তিমানের যুড়া হইয়া উঠিতেছে, ততদিন এসব চলিবেই চলিবে, তা কি তুমি জান? রোগ হইলে ডাক্তার ডাক—আমি দ্বিরাচক্ষে দেখিতে পাই, ডাক্তারটা একটা চলতি রক্ষাকবচ মাত্র, রোগমুক্ত হওয়া-না-হওয়া বে দেবতার অনুগ্রহ, তাঁহার সহিত পরিচয় ডাক্তার বাবুর নাই, তবে তিনি উপস্থিত হইলে তুমি বেশী একটু বল পাও. একটু ধৈর্য্য ধরিয়া থাকিতে পার এইমাত্র; সব টোটকার উদ্দেশ্যও তাই—তোমাকে বল দেওয়া, ধৈর্য্য দেওয়া, দেবতার অনুগ্রহ লাভের জন্য অপেক্ষা করিয়া বসিয়া থাকিবার অধ্যবসায় দেওয়া ইত্যাদি।

প্রসন্ন এতক্ষণ হাবুডুবু খাইতেছিল, এখন একেবারে তলাইয়া গেল, কোন্ দিগন্তে দৃষ্টি নিবদ্ধ করিয়া একেবারে চূপ হইয়া গেল।

আমি বলিলাম—“প্রসন্ন, অমন চুপ করিয়া থাকা ত তোমাদের স্বধর্ম নহে, যা-হয় একটা-কিছু বল, নহিলে দিক্‌বিদিক জ্ঞানশূন্য হইয়া বাই।” প্রসন্ন একেবারে মুখে ওলপ দিয়াছিল।

আমি বলিলাম—প্রসন্ন, দেখ তোমার বিজ্ঞানসম্মত ঔষধ দেওয়ায় বিপত্তিও আছে—অনেক সময় চিকিৎসাবিভ্রাটও হয়, বিপরীত চিকিৎসাও হয়—মাতুলি বা টোটকায় সে আশঙ্কা একেবারেই নাই। লাগিল যদি ত দৈবানুগ্রহে একেবারে রাতকে দিন করিয়া দিল—আর না লাগিল যদি ত কোন আশঙ্কা নাই। বিরুদ্ধ কিছু হইবার আশঙ্কা মোটেই নাই। একটা বিজ্ঞানের চেউ আসিয়াছে বটে, কিন্তু আমাদের দেশ সনাতন ধর্মের দেশ, অনেক চেউ কাটাইয়া আমরা আজ তিন হাজার বৎসর বাঁচিয়া আছি—এ চেউটাও কাটাইয়া উঠিব। এই দেখনা সমগ্র দেশটার যে অহঙ্কম রোগ ধরিয়াছে, ভালমন্দ কিছুই পরিপাক হইতেছে না—দিন দিন শীর্ণ হইয়া পড়িতেছে, তাহার বিজ্ঞানসম্মত ঔষধ প্রয়োগ করিতে গিয়া যখন বোমা ফাটিল তখন একে আর হইয়া দাঁড়াইল। এখন দেশের মাথা ধারা, তাঁরা সকলেই বুঝিলেন যে বিজ্ঞান সম্মত হইলে কি হয় ওটা আমাদের ধাতুসম্মত নহে, অতএব পরিত্যজ্য। সে পথ ত্যাগ করিয়া দেশের রাজাকে বৈজ্ঞানিক উপায়ে তৈলাক্ত করিয়া (constitutional agitation) কার্য্য হাসিল করিবার ধুম পড়িয়া গেল—তাঁহার ফলে নূতন কাউন্সিল গড়িয়া উঠিল, তাহাও আজ মাকাল ফল বলিয়া পরিত্যজ্য মনে হইতেছে, যে হেতু সেটাও আমাদের শরীর ধাতুর (constitution) অনুকূল নহে। কিন্তু এইবার যে পথ আবিষ্কৃত

তাকে বললাম, হ্যাঁগা তোমার এসব লক্ষীছাড়া খাবার কেউ কেনে ? সে বলে, 'বাবু জন্মালে মৃত্যু আছেই, ও-গুলা লক্ষীছাড়াই হ'ক আর লক্ষীমন্তই হ'ক যখন জন্মেচে তখন মরবেই।' তোমাকেও তাই বলি জন্মালে মৃত্যু আছেই ; এ আজব দুনিয়া ; যখন টাকাটি জন্মেছে, আর চলে' চলে' এতদূর এসেছে, তখন আরও অনেক দূর যাবেই।

তবে মেকিকে মেকি বলে' সত্য সত্য জানলে আর চলে না। মেকি বলে' জেনেচ কি অচল। এই বিশ্বব্রহ্মাণ্ড মেকি বা মারা বলে' বুঝেছ কি আর বিশ্বপ্রপঞ্চ তোমার কাছে না-থাকার সান্নিধ্য ; তুমি যে-মুহুর্তে টাকাটাকে মেকি বলে' সন্দেহ করেচ অননি তোমার কাছে সেটা আর টাকা নয়, টাকার রূপ থাকলেও সেটা টাকা ছাড়া আর-কিছু।

এখন কথা হচ্ছে টাকাটি তোমার কাছ পর্য্যন্ত পৌঁছিল কি প্রকারে। হয় কেউ মেকি জানিতে পারেন নাই নচেৎ না-জানার ভান কবিয়াছেন, আর নাচা টাকার দলে মিশাইয়া অন্ধকারে চলাইয়া দিয়াছেন। এই রকম করিয়া তোমাকেও চলাইতে হইবে। এই রকম করিয়া কত বড় বড় মেকি চলিয়া গেল। গেলিলিও অন্ধ পাতিয়া জানিলেন যে পৃথিবী স্থিরা নহেন ; কিন্তু বতর্কণ না তাহা না-জানার ভান করিলেন, ততর্কণ তাঁর অন্ধতমসচ্ছন্ন কারাগৃহ হইতে অব্যাহতি হইল না। পৃথিবী অচলা এই বিশ্বাসের ভান করিবামাত্র তিনিও আলোর মুখ দেখিলেন, আর চিরদিনের মেকি মতটাও চলিতে থাকিল।

তোমরা বে টিপ পর, কাজল পর, পাতা কাট, আলতা পর, গহনা পর, রঙীন শাড়ী পর—এটা কতখানি মেকি চলাইবার সুরঞ্জাম

মত ধেই ধেই করতুম? আচ্ছা আমাকে বল দেখি—তোমার ক'টি ছেলে?

প্রসন্ন। একটিও না।

আমি। ক'টি মেয়ে?

প্রসন্ন ককশ-কণ্ঠে বলিল—একটিও না—তা বলে' কি আবাগীরা আমাকে অ'টকুড়ী বলবে? ছেলে-মেয়ে হওয়া-না-হওয়া কি 'রান্ধুষের হাত?

আমি। হাত বারই হ'ক, হয়নি যখন তখন হয়েছে বলা ত আর চলে না? তোমাকে কেউ যদি পুত্রবতী, জেয়'চ বলে—সেটা তুমি গালি বলে' না নিলেও বিদ্রূপ বলে' নিতে ত? বিদ্রূপ ত গালাগালিরই ছোট ভাই। সেইটাই বা কি করে' সহ করতে?

প্রসন্ন। তাই এ বলবে কেন?

আমি। তবে কি বলবে? ছেলে হয়েছে ত বলবে না, হয়নিও বলবে না! তোমার একটা স্বরূপ বর্ণনা ত আছে?

প্রসন্ন। তুমি যেমন ঝাকা! ছেলে হয়নি আর অ'টকুড়ী বুঝি এক কথা?

আমি। ঠিক এক কথা নয় বটে; হয়নি বলে' তুমি যেন একটু ছোট, যেন একটু অপরাধিনী, অভাগিনী; আর যিনি বলেছেন, তাঁর ছেলে হয়েছে বলে' তিনি একটু বড়, একটু ভাগ্যবতী, এট্টে যেন তিনি তোমাকে স্পষ্ট করে' বুঝিয়ে বলেছেন, এট্ট? কিন্তু গোড়াকার কথাটা ত সত্য?

প্রসন্ন। সত্যি হলেই বুঝি সব হ'ল? বলার কি একটা ধরণ নেই?

আমি। ধরণ আছে বৈ কি? কিন্তু ধরণটা চাঁচাছোলা^১ করবার জন্তে ত আর সত্যটাকে ডুবিয়ে দেওয়া চলে না।

প্রসন্ন। তা বলে' কানাকে কানা, আর খোঁড়াকে খোঁড়া বলে' তাদের মনে কষ্ট দেওয়া বুঝি তোমার শাস্ত্র?

আমি। না তা নয়, খোঁড়াকে দেখলেই—ওরে খোঁড়া, আর কানাকে দেখলেই—ওরে কানা বলে' সম্বোধন করতে হবে, তা বলচি না; কিন্তু তাদের স্বরূপ বর্ণনা করতে গিয়ে ধরণের খাতিরে কানাকে ত পদ্মলোচন, আর খোঁড়াকে গিরিলজ্জনকারী বলা চলে না। সেটা বিদ্রূপও বটে অসত্যও বটে।

প্রসন্ন। তা বলে' কাটখোটার মত কেবল লোকের বুকের উপর দিয়ে চাবুক চালালেই বড় বাহাদুরী হয়, না? লোকে চোরাড বলবে না?

আমি। হয়ত বলবে। কিন্তু লোকে যদি বিচার করে' দেখে ত দেখবে, সৃষ্টির আদি থেকে আজ পর্যন্ত দুনিয়া বিনীতদের হাতে বত ঠেকেচে চোরাডদের হাতে তার সিকির সিকিও ঠকে নি, চোরাডদের চিনতে, তাদের বক্তব্য হৃদয়ঙ্গম করতে, আবশ্যক হ'লে তা হ'তে আত্মরক্ষা করতে, এক মুহূর্ত বিলম্ব হয় না; কিন্তু বিনীতের মোলামতের অতলম্পর্শ ভেদ করতে গিয়ে অধিকাংশ সময়েই হাবুডুবু খেতে হয়, অনেক সময়ে তলিয়ে যেতে হয়। • আমি বিনীতদের বড় ভয় করি—তারা বিনয়ের chloroform দিয়ে আমার কোন মর্মান্বলে ছুরিখানি বেমালুম চালিয়ে দিয়ে বসবে, আমি জানতেও পারব না। সরলতাই যাদের বিনয়, তাদের কথা বলছি না। সাধারণতঃ বিনয় মানে, সবটা না-বলা বা বিষম ঘুরিয়ে বলা :

প্রসন্ন । মেয়েমানুষকে বিয়েই করতে হবে, আর ছেলে বিয়াতেই হবে, তারই বা মানে কি ?

আমি । প্রসন্ন, আমার মত বড়ো ভূশুণ্ডীকে, আর ও-প্রসন্ন কর' না ; অর্কাচীনদের ও হেঁয়ালি বলে' ধাঁধা লাগাতে চেষ্টা কর' । সাত পাক দিয়ে বিয়ে করতে হবে কি না হবে, সেটা সমাজ বুঝবেন ; কিন্তু মেয়েমানুষকে বিয়ে করতেই হবে—তা সাত পাকেই হ'ক, বিনি. পাকেই হ'ক, আর বিপাকেই হ'ক । আর যতদিন পুরুষের উরুদেশ ভেদ করে' সন্তানের জন্ম, ও তর্জনী হ'তে দুহুঙ্করণ উপন্যাসের পৃষ্ঠা হ'তে নেমে এসে এই বাস্তবজগতে সত্য হ'য়ে না উঠবে, ততদিন মেয়েমানুষকে ছেলে বিয়াতেই হবে, আর ওটা একমাত্র তাদেরই রুত মধ্যে পরিগণিত থাকবে ।

প্রসন্নর চোখ তখন আবার জলে ভরিয়া উঠিল ।

সে বলিল—তবে কি যার ছেলে হ'ল না সে একেবারে দুনিয়ার বার হ'য়ে গেল ? অনেক পুত্রহীনা কত সদাব্রত, কত দেউল, কত পুষ্করিণী করে' দিয়েছে, তা'তে কি লোকের উপকার হয় নি ? কত পুত্রহীনা নারী ধর্মের পথে, লোকহিতের পথে, কত কীর্তি রেখে গেছে সেগুলো কি অপুত্রক বলে' ধন্তব্যের মধ্যে নয় ?

আমি । তা কেন ? এই তুমি, অ'টকুড়া হয়েও বা হয়েচ বলেই, এই যে নিরালস্য বৃদ্ধ ব্রাহ্মণের পরিচর্যা করছ, তাতে কি আমার উপকার হচ্ছে না, না তোমারই পুণ্য সঞ্চয় হচ্ছে না ? যদি কচিং ফলঃ নাস্তি ছায়া কেন নিবার্য্যতে—আমার এই দিগন্তবিস্তৃত বিদগ্ধ জীবন-মরুপ্রান্তরে তুমি যে ফলহান রসাল, একক আমার মাথার উপর রোদ্রে শিশিরে পল্লবাস্তরণ বিছিয়ে দাঁড়িয়ে আছ, তার

একেবারেই বিচলিত হয় নাই। ফেলা-ঠাকুরের পূজা যেন তাহার মৌলিক প্রথাই হইয়া গিয়াছিল, এবং প্রত্যেক পূজাটাই সে খুব সমারোহের সহিত করিয়াছিল, গ্রামস্থ লোককে ভূরিভোজনে পরিতুষ্ট করিয়াছিল। হঠাৎ তাহার কষ্টার্জিত পয়সার প্রতি সে কি জ্ঞান এত নিশ্চয় হইয়া উঠিল তাহা বুঝা গেল না; তবে ইহা বেশ বুঝা গেল যে ঠিক কত পয়সার মালিক চোরেও তা'র সন্ধান পায় নাই নতুবা এই বোরান উপায়ে তাহার সংকার করাইতে হইত না।

কিন্তু এত করিয়াও পাড়ার লোকে প্রসন্নকে নিশ্চিন্ত হইতে দিল না। যে সকল ষণ্ডামার্ক যুবকদের দল তাহার প্রতিমা পূজায় সহায়তা করিয়াছিল—মেরাপ বাধিয়া, তালপাতার ঘর করিয়া দিয়া, রক্তন পরিবেশন ইত্যাদি ভূতের মত, রাত নাই দিন নাই, খাটিয়া ঠাকুর-সেবার সহায়তা করিয়াছিল—তাহারা এখনও প্রসন্নকে ছাড়ে না—বলে, তাহাদের একদিন ভাল করিয়া না সেবা লইলে তাহার সব পূজা পণ্ড, পাঠ পণ্ড, লোক-সেবা পণ্ড; যেহেতু তাহারা না থাকিলে তাহার এত করিত কে?

মোল্লার দৌড় মসজিদ অবধি, অর্থাৎ স্বর্গদ্বার পর্যন্ত নয়। অতএব আমি আফিংএর মোতাতেই থাকি আর সজ্ঞানেই থাকি, আর আমার দ্বারা তাহার পরিত্রাণ সম্ভব হউক আর না হউক, প্রসন্নর মাথা আটকাইলেই আমার কাছে ছুটিয়া আসিবেই আসিবে। তাই দুধ দিবার সময় ব্যতীত অন্য সময়ে তাহাকে আসিতে দেখিলেই আমি বুকিতাম—প্রসন্নর মাথা আটকাইয়াছে।

ঠিক-দুপুর বেলা প্রসন্ন এক পাল পাড়ার ছেলে লইয়া আমার উঠানে আসিয়া উপস্থিত।—ব্যাপার কি?

সেবার এই ব্যবস্থা করলুম, সেটা কি প্রকাশভাবে,—পৃথক করে’
—পরিষ্কৃত করে’ স্বীকার করা উচিত নয় ?

প্রসন্ন নিস্তব্ধ হইয়া বসিয়াছিল। আমি বলিলাম—সেবাকার্যের
সবটাই তোমরা করেছ—এই তো তোমাদের কথা ? কিন্তু মনে
কর, প্রসন্ন যদি প্রথম খড়-জড়ান মূর্তিটা উনানের ভিতর দিত,
তা হ’লে তোমাদের দেশসেবার অবসর কোথা থাকত বাপু ?
প্রসন্ন যদি তার মুখে-রক্ত-ওঠা-পয়সা একটিও না ছাড়ত, তা হ’লে
শুধু উঠান চেষ্টে, সেই উঠানে উপবিষ্ট অতিথির মুখে সবুজ ঘাস
আর মাটির ডেলা ভিন্ন কি দিতে বাপু ? গয়লার মেয়ের কি
সুবুদ্ধিটা তোমরা দিয়েছিলে ? তার মাথার-ঘাম-পায়ে-ফেলে একটি
একটি করে’ রোজকার করা টাকা যদি জলের মত সে ঢেলে না
দিত, তবে তোমরা সুধুহাতে অষ্টরস্তা ছাড়া আর কি কা’কে
খাওয়াতে বাপু ? আর দেশের লোকের সঙ্গে কি পরিচয়ই হ’ত
বাপু হে ? অতএব পরিষ্কৃত করে’ যদি কিছু স্বীকার করতে হয়,
তবে আগে স্বীকার কর—প্রসন্নের হৃদয়, প্রসন্নের অর্থদান, প্রসন্নের
ত্যাগ। তারপর পরিবেশন ও পরিচর্যার কথা তুলো। সেটা
ভাড়াটে রাধুনি বামুনের মেয়ের দ্বারাও হ’ত। একজন কেবল পাকা
ভাঙারীর ওয়াস্তা বৈ তো নয় ? আর হাঁড়ির খবর নিতে যদি
সত্য সত্যই ব্যগ্র হ’য়ে থাক, তা হ’লে প্রতিদিন প্রতিমুহূর্তে ত সে
কাজ করতে পার। তা’র জন্ত ত বাবা, এত উঠান চাঁচার দরকার
নেই—অত জল বেড়াবেড়ি করবার দরকার নেই।

ওন্ন বুবা। আপনি বলেন কি ? ভাড়াটে লোক দিয়ে দেশসেবা ?
Horror of horrors !

আফিমের যে কি শক্তি তা আমাদের প্রাতঃস্মরণীয় গভর্ণমেন্ট বেশ জানেন ; আসাম তরাইএর দুদাস্ত নাগা কুকী প্রভৃতি জংলা-গুলোকে, বংসর বংসর আফিম সওগাং দিয়ে, বেশ শাস্ত শিষ্ট করে' রেখেছেন ; তাদের পশুবন্ধি গিয়ে তারা লক্ষী হ'য়ে আফিম খাচ্ছে আর কিম্বাচ্ছে । পঞ্জাব সীমান্তে পাঠানগুলোকে এখনও আফিম ধরাতে পারেন নি বলে', তারা সেই ইতিহাসের অরণোদয়ের সময় যে পশুবৎ ছিল এখনও তাই আছে ; ছোট ছোট আফিমের গুলিতে যে শুভকার্য সম্পন্ন হ'ত, বড় বড় কামানের গোলাতেও তা হচ্ছে না ; তারা যে-জংলা সেই-জংলাই হ'য়ে গেছে—কুদিত শাদ্দুলের মত ভারতবর্ষীয় মেবের পালের উপর পড়ে' নিয়তই হাঙ্গামা বাধাচ্ছে । চীনেরা ততদিন বেশ নিষ্কিবাদে আফিম সেবন করত ততদিন কেমন নিষ্কিবাদে শুড় শুড় করে' সব ইউরোপীয় পাদরী, ও তাঁদের পদাঙ্ক অনুসরণ করে' ইউরোপীয় বণিকসঙ্ঘ চীনের সমুদ্রতীরে, চীনের main artery ইয়াংসি নদীর উভয় পার্শ্বে, ভাল ভাল জায়গা গুলি দখল করে' বদবার অবসর পেয়েছিলেন ; কেননা তখন চীন ছিল অহিংস ও অহিফেনসেবী । এখন চীন আফিং কিছু কম খাচ্ছে ও সেই সঙ্গে কিছু কম অহিংস হ'য়ে উঠেছে ; Boxer rebellion থেকে শুরু করে' হিংসা বেড়েই' চলেছে—foreign devil গুলোকে আমল দিতে বড় রাজী হচ্ছে না ।

কিন্তু গোড়ায় গলদ হ'য়ে গেছে ! এমন নিষ্কিবোধী মোলায়েম জিনিষটার কিনা নাম রাখা হ'ল—অহিফেন । নামে কি এসে যায় যে বলে, সে নাম-রূপের গৃঢ় মাহাত্ম্য ছাইও বোঝে না । What is in a name ; a rose under another name will smelli

আর জাতিবিচার বা ছুৎমার্গ—এসব যে কোথায় তলিয়ে যাবে ডুবুরি নাবিয়ে তার খোঁজ পাওয়া যাবে না। তার আমি প্রত্যক্ষ প্রমাণ দিচ্ছি। আমি একবার রেল চড়ে' নসীরামবাবুর দেশে পূজার নিমন্ত্রণ রক্ষা করতে যাচ্ছিলাম। আমার পূজার নিমন্ত্রণ অথৈ অহিফেনের ভূরি সেবনের নিমন্ত্রণ; কেননা মোতাত্তী লোকের শক্তিপূজার সঙ্গে কোন মন্বকই থাকতে পারে না। আমার সঙ্গে আমার দপ্তর, আর দপ্তরের ভিতর আমার আফিমের কোটাটা; ষ্টেশনে যখন গাড়িখানা দাড়াইল, আমার ঠিক খেয়াল ছিল না; যখন গাড়িটা ছাড়-ছাড়, আমার সংজ্ঞা হ'ল, আমি তাড়াতাড়ি নেমে পড়লাম। গাড়িখানা চলে' গেলে, আমার হাতটা খালি খালি বোধ হ'তে লাগল; তখন মনে করে' দেখি, আমার আফিমের কোটা-সমেত দপ্তরখানা গাড়িতে রয়ে গেছে! বলা বাহুল্য আমার দপ্তরের জন্ত মোটেই দুঃখ হ'ল না, যেহেতু যে-মাথা থেকে দপ্তরের লেখা বাহির হয়েছিল তা আমার ক্ষুদ্রই ছিল। কিন্তু আফিমের কোটার জন্ত আমার মাথায় আকাশ ভেঙ্গে পড়ল! আমার তখন খোয়ারির সময় নয়, কিন্তু কোটাটা হাতছাড়া হওয়ায়, আমার তখনই হাই উঠতে লাগল। সে যে কি হাই উঠা, আর কত বড় হাই উঠা, তা যে অহিফেনসেবী নয়, সে বুঝতে পারবে না; রাবণের রথ গেলবার জন্ত জটাঘুও ততবড় হাঁ করে নি। আমি বড়ই বিপন্ন হ'য়ে পড়লাম। সে অজ্ঞ পাড়াগা, সেখানে কি দয়ানয় সরকার বাহাদুর পাড়াগেয়ে ভুতাদের জন্ত আফিমের দোকান খুলেচেন? কোথায় যাউ, কি করি! এমন সময় এক নদরদাড়িয়ুক্ত মুসলমান ভদ্রলোক (যার পূর্বপুরুষ হয়ত, যে চতুর্দশ অশ্বারোহী বকতিয়ার খিলজির সঙ্গে

“বাবা মেয়ে”

“সপি! নাহি জানন্তু সোহি পুরুষ কি নারী।” একথা কবিতায় বেশ শুনায় ; কিন্তু পুরুষকেই বল আর রমণীকেই বল, বাস্তব-জীবনে, এ সন্দেহভাস অলঙ্কারের মধ্যে যে উদ্ভিত প্রচ্ছন্ন থাকে, পুরুষ বা নারী তা বরদাস্ত করতে পারে না। পুরুষকে রমণী আর রমণীকে পুরুষ বলে, উভয়ের পক্ষেই বাজস্বতির বিপরীতই বৃদ্ধিয়ে থাকে। দোজা কথায়—মেয়েমুণ্ডো পুরুষ আর মন্দা মেয়েমানুষ এ দুটা কথাই গালাগাল।

মানুষ অর্থাৎ পুরুষ মানুষ নারীকে, অবলা, দুর্বলা, weaker vessel, ইত্যাদি উপাধি দিয়ে তুষ্ট করতে চেষ্টা করেছে ; কিন্তু নারী, নারী হিসাবে, কোনদিনই অবলাও নয়, দুর্বলাও নয়, weaker vesselও নয়। আমি প্রবলা, হরবোলা, হিড়িখা বহুত দেখেছি। তবে ও-সকল খেতাব যে নারীকে দেওয়া হয়েছে তার ভিতর ‘একটা গুঢ় অভিসন্ধি আছে। পুরুষ নারীকে যা করতে চায় বা যেরূপ দেখতে চায় তদনুরূপ উপাধিই দিয়ে থাকে। ‘নাই’ বলে শুনেছি সাপের বিষও থাকে না। তোমার বল নাই, বুদ্ধি নাই, তেজ নাই ইত্যাদি শুনতে শুনতে নারী বাস্তবিকই অবলা, দুর্বলা হ’য়ে যাবে

যে, নারীর মাতৃত্বের বিকাশ না হ'লে বা তার অবকাশ না পেলেই, সে পুরুষের কোটে এসে জুড়ে বসতে চায়,—Suffragette হয়, politician হয়, সমাজ-সংস্কারক হয়, ঘর ও বাহিরের মধ্যে যে প্রাচীর, তা ভেঙ্গে ফেলবার জন্য হাতিয়ার সংগ্রহ করতে থাকে। কিন্তু যে-মুহুর্তে তার বক্ষে শিশু মা বলে' তার মাতৃত্বকে জাগিয়ে তোলে, তখন তার পুরুষত্বের দাবী (যাকে সে মনুষ্যত্বের দাবী বলে' মনে করে) কোথায় ভেসে যায়। লগুনের পথে পথে যখন Suffragetteরা হৈ হৈ করে' অতি অশোভনভাবে তাদের মনুষ্যত্বের দাবী ঘোষণা করে' গগন ফাটাচ্ছিল, আমি বলেছিলাম—হে ইংরাজ, মা সকলকে ঘরবাসী কর, স্বামীর সোহাগ আর সন্তানের মুগ্ধমনের ব্যবস্থা করে' দাও, মা সকলের মাতৃত্বের অমিয় উৎস থলে দাও, মা-সকল আপনার পথ খুঁজে পাচ্ছে না, পথ দেখিয়ে দাও। কিন্তু ইংরাজ-সমাজ সেদিকে গেল না। তার উপর লোক-বিধ্বংসী সমরবজ্র তাদের যৌন-সংহতি লেহন করে' নিয়ে গেল ; সে ব্যবস্থা আরও স্তূদূর্বপবাহত হ'য়ে গেল। তাই আজ নারীর নারীত্বের নামে পুরুষের স্বাধিকার মনো হানা পড়ে গেছে। তার চেউ এখানেও এসে পৌঁছেচে।

আমি দেখেচি বিলাতে যেমন স্বামী মিলে না বলে' স্বীগণ পুংদম্বী হ'য়ে উঠে ; আমাদের দেশে স্বামী মিললেও যেখানে স্বামী-স্বথ মিলল না, বা সন্তানের কাকলিতে গৃহদ্বার মুগ্ধরিত হ'য়ে উঠল না, প্রায় সেই-খানেই মনটা হঠাৎ বহিমুখ হ'য়ে উঠে, ভাল ক্যাসানমত কথায় দেশসেবা, সমাজ-সংস্কার ইত্যাদির দিকে মনটা ছুটে বেরিয়ে পড়ে। প্রসন্নর একটি বিভাগ আছে, সে কখন কখন আমার তুদে ভাগ বসায়, সেটাকে প্রসন্ন বড় ভালবাসে ; প্রসন্নর সে নার্জ্জারপ্রীতি, আমি বঝতে পারি,

আর সহজের মধ্যে ব্যবধান, কৈশোর আর যৌবনের মধ্যে ব্যবধানের মত—স্বল্প ও অপরিপূর্ণ ; কখন কৈশোর গিয়ে যৌবন এলো যেমন ধরা যায় না, সহজ মানুষ কখন পাগল হ'ল ঠিক সে সন্নিহিত অন্তর্যামী ভিন্ন কেহ বলতে বা জানতে পারে না। কে পাগল আর কে সহজ তা'ও ঠিক ধরা কঠিন। যুক্তি, জ্ঞান বা তর্ক শাস্ত্রের আইন, চোখ চেয়ে অমান্য করলে যদি মানুষকে পাগল বলে দেয়, তা হ'লে নসীরাম বাবুর কার্গোর সকল সমালোচকই পাগল : বেহেতু তারা সকলেই, কার্যমাত্রের কারণান্তসন্ধানরূপ মনুষ্য হৃদয়ের প্রবলতম স্পৃহার বশবর্তী হ'য়ে, জ্ঞানের মাথায় পদাঘাত করে', এক একটা মনগড়া অনুমান খাড়া করে' নিশ্চিত হয়েছিলেন : সে অনুমানের পশ্চাতে না ছিল যুক্তি না ছিল প্রমাণ। পাগলামী জিনিষটাই এত জটিল বা স্থিতিস্থাপক যে কাহাকেও পাগল বা সহজ বলে, সর্পে বজ্রভ্রম হ'ল কি না বলা কঠিন।

নসীরাম বাবুর রবিবারের অতিথিদের মধ্যে কতকগুলি, যাঁকে লোকে সচরাচর পাগল বলে, সেই পাগল ছিল ; কেহ কেহ আমাকেও সে দলভুক্ত করতেন। তথাকথিত সহজ ভিখারী বা ভিখারিণীগণ চলে' গেলে নসীরাম বাবু তবে পাগলগুলিকে ভিক্ষা দিতেন, এবং তাদের নিয়ে একটু বঙ্গরস করতেন ; ভিক্ষার শেষে নসীরাম বাবুর উঠানে একটি পাগলের সভা বসত বলে ভুল হয় না। সে সভার সভাপতি স্বয়ং নসীরাম বাবু, আমি দর্শক বা reporter মাত্র। আমি এক রবিবারের সভার proceedings report করছি।

নসীরাম বাবু। কি হে মাখন, কেমন আছ ?

মাখন অন্তর্মনস্ক ভাবে একটু হাসিল মাত্র। মাখন কোমরে

কাপড় না পরে' গলায় কাপড় পরে ; সে বলে কোমরে কাপড় জড়ালে অনেকখানি কাপড় বাজে নষ্ট হয় ; গলায় কাপড় পরলে, অল্প লম্বা কাপড়েই চলে,—মিছে বাজে খরচ কেন ?

নসীরাম বাবু । মাখন, সে দিন বাজারে মেছুনী মাগী তোমার গায়ে জল দিয়েছিল কেন হে ?

মাখন । আজ্ঞে, মেছুনী বেটী বলে আমি উলঙ্গ, আমার কোমরে কাপড় নেই বলে' । আমি বললাম, বেটী কোমরে কাপড় নেই ত কি হয়েছে, আমার দেহটা ত ঢাকা আছে ? বেটী তবুও বলে,—পাগলা, তোর গায়ে কাপড় থাকলে কি হয়, তুই ও কাপড়ের ভিতর নেংটা । আমি বললাম—বেটী, তোর কোমরে কাপড় থাকলে কি হয়, তুইও কাপড়ের ভিতর নেংটা ! বেটী আমার গায়ে অঁস জল দিলে—বেটী পাগলী !

রতনা পাগলা ততক্ষণ একটু করা ইট নিয়ে নসীরাম বাবুর সান বাধান উঠানের খানিকটা লিখে লিখে ভরিয়ে দিয়েছে ।

নসীবাবু । রতন কি লিখছে ?

রতন । আজ্ঞে বেটা জমীদার জমীদারই আছে ; রামা কেওরার উপর কি অত্যাচারটা করেছে বলুন দেখি ! বেটাকে হাজতের হুকুম দিলুম, আর ৩০৪ ধারা মতে তার উপর নামলা চালিয়ে দিলুম ।

নসীবাবু । গ্রামের জমীদার হাজার হ'ক, তার অত করে' নিগ্রহ করলে—ভাল করলে কি ?

রতন । ভালমন্দ কিছু নেই ; তা বলে' আপনি যেন তার হ'রে সাক্ষী দেবেন না ; বিপদে পড়বেন বলে' দিচ্ছি ।

নসীবাবু । আরে তা কি আমি করি ! তুমি যখন দাঁড়িয়েছ

নসীবাবু। মধু, আজ গঙ্গানানে যাবে না ?

মধুসূদন দাস, জাতিতে মুচি, বললে—“বাবু, আমাকে রাগাবেন না” ; সে কিন্তু তার আগেই রাগে গর্গর্ করিতে শুরু করেছে।

নসীবাবু। চট কেন, মধুসূদন ? এত লোক গঙ্গানান করে, পতিতপাবনী গঙ্গা, গঙ্গায় নাইবে না ত কোথায় নাইবে ?

— মধু। এজ্ঞে, তা জাননা ? বাবু, ছাস্তর জাননা ? শোন, হদে লাইবে, লদে লাইবে, পকুরে লাইবে, ডোবায় লাইবে, পাতকোয় লাইবে, দামোদরে লাইবে, রূপলারাণে লাইবে,—গঙ্গায় লাইবে না, ছরস্বতীতে লাইবে না, পদ্মায় লাইবে না,—মেয়ে মানুষকে মাথায় করবে ? ছ্যাঃ—

নসীবাবু। মধু, গঙ্গা যে মহাদেবের জটায় ছিলেন তা জান ত ? মহাদেব কেমন করে মাথায় কল্লেন ?

মধু। পিরীতে, পিরীতে—

মাখন মধুসূদনের মুখের দিকে একদৃষ্টে তাকিয়ে ছিল ; মধুর কথা শেষ হ'লে “পাগল রে” বলে হেসে উঠল।

আমি কিন্তু এই ব্যক্তি চতুষ্টয়ের মানসিক ক্রিয়া-প্রতিক্রিয়ার মধ্যে পাগল ও সহজের সীমানির্দেশ করতে পারলুম না। লোকে এই লোকগুলোকে কেন পাগল বলে, আর তারা নিজেই বা কিসে সহজ, তার বিচার আমি করতে অক্ষম। প্রচলিত চিন্তাস্রোতের যারা উজানে যায় তারাই পাগল, আর সেই স্রোতে গা ভাসান দিয়ে যারা আরামে ভেসে চলে তারাই সহজ, একথা কেহ স্বীকার করবে না। গড্ডলিকাবৃত্তি পরিত্যাগ করে নূতন পথ আবিষ্কার করতে গেলে বা

পর্যন্ত দগ্ধ হ'য়ে গেল। বক্তার পর বক্তা উঠে বলতে লাগলেন—
নাটককারের নাটকগুলি চমৎকার, বঙ্গসাহিত্যের রত্নভাণ্ডারের উজ্জল-
তম রত্নস্বরূপ; তাঁর অভিনয়নৈপুণ্যও অদ্ভুত—কিন্তু, নাটক ছেড়ে
নাটককারের কথা ভাবলে, হৃদয়ে অনুশোচনা আসে, দুঃখ হয়;
—নাট্যকার হিসাবে এতবড় হ'লেও মানুষটা এত হীন মনে হ'লে
লজ্জা হয়।

আরে আমার লজ্জাবতী লতা! প্রভুদের এই sanctimonious
scruples, এই ছুঁচিবাই দেখে, আমি হাড়ে হাড়ে झলছিলাম—কেন
আমি বক্তৃতা করতে শিখি নাই, তা হ'লে বাক্যের বশায় এই খড়কুটা
আবর্জনাগুলোকে ভাসিয়ে নিয়ে গিয়ে কালাপানিতে পৌঁছে দিতাম;
অথবা যদি বাহতে বল থাকত, ত টাউনহলের থামগুলোকে আলিঙ্গনে
চূর্ণ করে', Samsonএর মত নিজেও চাপা পড়ে' মরতাম—এ অমানুষ-
গুলোকেও চাপা দিয়ে মারতাম। তা হ'ল না; বেহেতু আমি শুধুই
কমলাকান্ত মাত্র। নিন্দাস্তুতির অতীত হ'লেও, মন্ত্র আত্মার ভরণের
জন্য একটা কথাও বলতে পারলুম না বলে' আমার চোখে জল এল।

কিন্তু এত বড় সভায় কি একটা মানুষ নেই—সবাই কি নিবিমিষি
আতপ তপ্পন ও অপক কদলীভোজীর দল—এমন কেউ নেই যে
বলে—হে পণ্ডিতস্বৰ্গগণ, এ অবিভাজ্য বিভাগ কি হিসাবে কর? এ
যে অদ্বৈত, লেখের অন্তরালে লেখক, সৃষ্টির অন্তরালে স্রষ্টা, প্রকৃতির
অন্তরালে পুরুষ! একটা দূর করে' দিলে কি আর একটা টিকে?
রাখ তোমার ছুঁচিবাই, তোমার শব্দব্যবচ্ছেদ। এমন সময় এক
দিব্যজ্যোতি যুবা পুরুষ দণ্ডায়মান হ'য়ে সেই বিশাল কক্ষতল কম্পিত
করে' গর্জে উঠল,—‘গিরিশ বাবুকে ভগবান একটা অখণ্ড মানুষ করে'

আবিষ্কার না বহিষ্কার

কত হাজার বছরের কথা—মাটির ভিতর এক রাজার কবর, কবরের ভিতর মণিমাণিক্য খচিত এক স্ফটিকের পেটারি, তার ভিতর রাজার নশ্বর দেহ—কত স্নেহের, কত ভক্তির, কত সোহাগের সৌরভে ভরপুর। এক দিন পেটের দায়ে মাটি কাটচে এক চাষা, কোদালের কোণ ঠং করে' লাগল সেই কবরের গায়; চাষা খুঁড়ে চলল, ভাবলে এইবার বগ্গের ধন বৃদ্ধি মিলল; খুঁড়ে বা'র করলে সেই স্ফটিকের পেটারি, খুলে ফেললে তার ডালা—কি অপূর্ব সৌরভ, কি অপূর্ব মূর্তি সে সহস্র বৎসরের যুমন্ত বাজার, কি অপূর্ব জ্যোতি সে মণিমাণিক্যের—কিন্তু দেখতে দেখতে সে সৌরভ উপে গেল, রাজার যুমন্ত মূর্তি উপে গেল, মণিমাণিক্য ধূলায় পরিণত হল; স্পর্শ করবার আগেই, আলো লেগে, বাতাস লেগে, চাষার লুক্কদৃষ্টি লেগে যেন সব গলে' গেল, বাতাসে মিশিয়ে গেল। চাষা যেন একটা ছঃস্বপ্ন দেখলে মাত্র!

পেটের দায়ে না হ'ক—আর পেটের দায়ে নয়ই বা কেন? একটু ঘুরিয়ে দেখলে, পেটের দায়েই—পুরাতন কবর খুঁড়ে পুরারত্ন বা'র করবার বড় ধুম পড়ে' গেছে। টাটকা কবর খুঁড়ে মড়া বা'র করে' যারা উদরস্ত করে, তাদের বলে ghoul. Ghoul এক রকমের প্রেতযোনি, আধা মানুষ আধা ভূত। পুরাতন কবর যারা খোঁড়ে

‘কিন্তু সে কথা স্পষ্ট করে’ বল, আমি তোমাকে আশীর্বাদ করব। আর আবিষ্কার করলে যদি স্বত্বই জন্মায়, আমি বলব আবিষ্কার করা ব্যবসাটা ছাড়! এ তোমার মাটি খুঁড়ে কয়লা আবিষ্কার করা নয়; নিয়ে যাও তুমি কয়লা, নিয়ে যাও তুমি সোনা, আর তাঁবা, আর লোহা, আর টিন—তা’তে ভারতবর্ষ গরীব হবে না; কিন্তু আবিষ্কার আর পুরাতত্ত্বের নামে কবর খুঁড়ে মহাপুরুষের অস্থি—আর মন্দির হ’তে দেবতার প্রতিমূর্তি,—মন্দিরগাত্র হ’তে অপূর্ণ চিত্র আর কারুশিল্পের নিদর্শন জাহাজে বোঝাই দিয়ে নিয়ে যেও না, তা’তে ভারতবর্ষের যে দীনতা আসবে তার সীমা নাই; ঐ অস্থি, ঐ প্রতিমূর্তি, ঐ শিল্প-মহিমা ভারতকে একদিন প্রাচ্যদেশের তীর্থস্থান করেছিল, ভবিষ্যতের সে সম্ভাবনাকে একেবারে অসম্ভব করে’ দিও না।

লর্ড কর্জনের আইন পুরাবস্তুকে সংরক্ষণের ব্যবস্থা করেছে; পুরাবস্তু অর্থে মাটির উপর বা গুহার মধ্যে বা কিছু দৃশ্যমান; সেগুলিকে নষ্ট করার বা বিক্রয় করার প্রতিষেধক কতকগুলি আইন-কানুন হয়েছে। তা’তে কবর খুঁড়ে অস্থি বা ভক্তগণ-স্থাপিত মূর্তিকে, স্থানচ্যুত করে’ গুদামজাত করার কোন প্রত্যাবায় হয়নি। ভারতের বৌদ্ধস্তূপের বিচিত্র শিল্প-সম্পত্তি কলিকাতার বাতুমুরে জমা করা দেখলে, চিৎপুরের ট্রামের ঘর্ষর, বেচা-কেনার কোলাহল কচকচি, ধূম ও ধুলার অন্ধকারে, খাঁচার ভিতর বন্দী কোকিল বা পাপিয়ার কণ্ঠস্বর মনে পড়ে; মুক্ত বাতাস, মুক্ত আকাশ থেকে বঞ্চিত করে’ যে হৃদয়হীন তাকে চিৎপুরের জাফ্রিঘেরা বারান্দার ভিতর পিঞ্জরবদ্ধ করেছে তাকে অভিসম্পাত করতে ইচ্ছা করে। আমার মনে হয় বন্দী পাখীগুলোর মত বন্দী পাথরগুলোর প্রাণ আর্তনাদ করছে! তাই আমি বলি

“নিরুপদ্রবী”

অহিংসেন প্রসাদাৎ আমি বহুদিন যাবৎ প্রায় সকল বস্তু, ব্যক্তি ও ব্যাপারের সঙ্গে অসহযোগ এবং খুব নিরুপদ্রব অসহযোগ করে’ বসে’ আছি ; কেবল একটি জিনিষের সঙ্গে করি নাই, কেননা করিতে পারি নাই, সেটি প্রসনের মঙ্গলা গাইয়ের দুধ। এবং আমার বিশ্বাস বতক্ষণ দুধে হাত না পড়ে, ততক্ষণ নির্কিঁবাদের অসহযোগ নীতি খুব নিরুপদ্রব ভাবেই অনুসরণ করা চলে। পেটে খেলে পিটে ময় ; কিন্তু যে-মুহূর্ত্তে সেই প্রাণধারণের উপায়ীভূত দুধ বা ভাত বা দুধ-ভাতের উপর কেহ উপদ্রব আরম্ভ করে, তখন আর উপদ্রুত ব্যক্তি বা সম্প্রদায়ের নিরুপদ্রব থাকা চলে না। যদি সে নিদারুণ অবস্থাতেও সে বা তারা নিরুপদ্রব থাকে, তবে বৃদ্ধিতে হবে যে সে বা তারা সব উপদ্রবের বাহিরে গিয়ে পড়েছে অর্থাৎ গতাস্থ হয়েছে।

বার্ণহাডির War is a biological necessity-মন্ত্রের উপাসক জাঙ্গাণ জাতি ফরাসির ঠেলার চোটে মস্তটাকে পাল্টে নিয়ে Non-violent non-co-operation is a logical necessity এই নূতন রূপ প্রদান করায় আমার বড় আনন্দ হয়েছিল ; আমার নিরুপদ্রব অসহযোগনীতি যে কতখানি প্রসারলাভ করল তা ভেবে আমার মনে গর্ব্ব অনুভব করেছিলাম ; কিন্তু তখন একবার ‘ভেবে দেখবারও

যে হেতু আমরা ভাই ভাই

যে হেতু আমরা ভাই ভাই—রাঢ়ীর সঙ্গে বারেন্দ্র, পশ্চিমবঙ্গের সঙ্গে পূর্ববঙ্গ, মনের ভিতর বেশ তফাৎ করে' রেখেচি, যদিও মুখে খুব ভদ্রতা করে', অর্থাৎ চালাকি করে' বলি—আমরা ভাই ভাই ।

যে হেতু আমরা ভাই ভাই—ছত্রিশ জাতের খোপের ভিতর পুরে' ভাইগুলিকে বেশ শ্রেণীবদ্ধ করে' রেখেছি ; খোপের বা'র হ'য়ে ভাইটি আমার খোপের দিকে এসেছেন কি অমনি চঞ্চুর আঘাতে তাঁকে দূর করে' দিয়ে বলি—“খোপের মাহাত্ম্যটা না মানলে সমাজ ছড়িয়ে পড়বে, খোপটা আছে বলেই আমরা আছি, নহিলে কবে আমাদের এই পারাবত গোষ্ঠিকে বেরালে শেষ করে' দিত, অতএব খোপের বাহিরে আসিও না ।” মাথার উপর যে বাধাহীন আকাশ বলচে—আমি আছি, আমি বাধাহীন বলেই তোমরাও আছ, সে অশরীরী বাণী—খোপের ভিতরে বসে' শুনেও শুনচি না । ভাই ভাইএর জীবনশ্রোতের অবাধ প্রবাহে যতকিছু বিঘ্ন সৃজন করতে পারি, তা বেশ বৃদ্ধি করে' সৃজন করেচি—শৃঙ্খলার দোহাই দিয়ে তাকে আট্টেপিটে শৃঙ্খলিত করেচি ।

যে হেতু আমরা ভাই ভাই—বেহারী ভাই বরাকর নদীর পাড়ে দাঁড়িয়ে হাত তুলে বলচেন, প্রবেশ নিষেধ—Behar for the Beharees ; উড়িয়া ভাই বৈতরণীর তীরে দাঁড়িয়ে . বলচেন—Orissa

অতএব এস যৌবন, এস রাজপুত্র, এস ভিখারী, এস জ্ঞান, এস মমতা, তোমাকে আমি এ ভারতভূমির মহিমাময় যুগে দেখেছি, আবার তোমার আগমন প্রতীক্ষা করে' বসে, আছি—এস, এস। ভাইএর সঙ্গে ভাইএর মিলন ঘটিয়ে দাও—কারণ আমরা যে সত্যই ভাই ভাই। ভয়ঙ্করের সম্মুখে দাঁড়িয়ে ভীত ভীতের হাত ধরে' ভরসা পায়, নির্যাতনের চোটে মানুষে মানুষে মিল হয়, উদরের জ্বালায় লোকে একজোট হয় ; কিন্তু যেমন ভয়ের কারণ দূরে যায়, নির্যাতনের জ্বালা প্রশমিত হয়, উদরের জ্বালা নেভে, তখন আর কেউ কা'কেও চেনে না, তখন আবার মানুষ নিজ মূর্তি ধরে, মুখে বলে ভাই ভাই, মনে মনে ছুরি চোকাতে থাকে। তাই ডাকছি তোমাকে, হে রাজপুত্র ! তুমি যে জ্ঞান যে মমতা নিয়ে মানুষের ভিতর সুধু মানুষটাকে দেখেছিলে, দেখিরে দিয়েছিলে—যে জ্ঞানের মহিমায় জাতি বর্ণ দেশ কাল সব ভুলে গিয়ে, মানুষ আপনার মানুষত্ব ফুটিয়ে তুলেছিল—সেই জ্ঞান ও মমতা নিয়ে, হে রাজপুত্র, হে ভিখারী, আর একবার এসো, এসো—দেখিয়ে দাও আমরা সত্যই ভাই ভাই।

আর একবার জাতের মাথা খেয়ে ছিলেন বুদ্ধদেব, যিনি আমাদের দশ অবতারের এক অবতার। বুদ্ধদেব লোকটা বড় জ্বরদস্ত ছিলেন, —হাজার হোক রাজার ছেলে ত! চাতুর্ভর্ণ্য নষ্ট করে' দেশটার খুব উন্নতি হয়েছিল শূনিচি; কিন্তু ধর্মটা একেবারে চাপা পড়ে গিয়েছিল। দেশ উন্নত হ'য়ে ত কোন লাভ নেই, ধর্ম নষ্ট হ'লে যে পরকাল নষ্ট হ'ল, তার হিসাব ত কেউ রাখে নি! তাই শঙ্করাচার্যের উদ্ভব হ'ল; তিনি আবার নষ্ট জাত উদ্ধার কল্লেন; হিন্দুধর্ম বা ব্রাহ্মণ্য-ধর্ম পুনঃ প্রতিষ্ঠিত হ'ল, বৌদ্ধধর্ম বাপ্ বাপ্ করে' “চীন ব্রহ্মদেশ অসভ্য জাপানে” গিয়ে আশ্রয় নিলে; যে যে দেশে বিতাড়িত বৌদ্ধধর্ম গিয়ে আশ্রয় নিলে, সেগুলো আজ পর্য্যন্ত স্বাধীন, (ব্রহ্মদেশ মাত্র কাল পরাধীন হয়েছে) আর আমরা হিন্দুধর্ম পুনঃ প্রতিষ্ঠিত হবার পর থেকেই লাথির পর লাথি, আর জুতার পর জুতা খাচ্ছি; কিন্তু বদ্ধজীব আমরা, আমাদের বৃথা উচিত, আমাদের পরকালটা কি রকম পাকা হ'য়ে গেছে, আর ইহকালে কি অমূল্য নিধি আমরা লাভ করেছি—“চাতুর্ভর্ণ্যে”র স্থলে আমরা “ছাত্রিশবর্ণ্য” পেয়েছি; এই “ছাত্রিশবর্ণ্য”টা যে নষ্ট করবে তার বুদ্ধদেবের ন'গুণ পাপ হবে,—(চার নয় ছাত্রিশ)—যে রক্ষা করবে তার শঙ্করাচার্যায় ন'গুণ পুণ্য হবে; দেশটা উচ্ছন্ন যাবে তার জন্তু ভাবলে চলবে না, (ইহলোকের খেলা আর ক'দিন ?) আমাদের পরকালটা যে ন'গুণ উজ্জ্বল হবে সেটা ভুললে চলবে না।

এই “ছাত্রিশবর্ণ্য”টাকে রক্ষা কি করে' করা যায় “প্রশ্ন ইহাই এখন”। প্রশ্ন বড়ই সঙ্গীন; কেননা স্বেচ্ছ শিক্ষা ও সংস্কারের সংস্পর্শে এসে অবধি আমাদের সনাতন শিক্ষা-সংস্কার কি রকম আমাদের অজ্ঞাত-সারে যে বদলে যাচ্ছে তা একটু প্রণিধান করে' দেখলেই বুঝা যাবে।

ধন না থেকেও ধনাপবাদগ্রস্ত ; আবার গুণ থাকতেও অনেকের “কোন গুণ নাই, তার কপালে আগুন।”

অন্তর্যামী জানলেই হ’ল, আর কেহ জানল আর না জানল বাদের একই কথা, সে পরকালগন্ত খেয়ালীদের কথা ছেড়ে দিলাম। যারা নটরাজ মানেন না, অধিকারী মহাশয়কেই মানেন, তাঁদের সুবিধার জন্য গোটাকতক সদুপদেশ আমি মোজের মাথায় বলে’ বাচ্চি শ্রবণ কর। কবি বলেছেন—Some are born great, some achieve greatness, and some have greatness thrust upon them. এই তৃতীয় শ্রেণীর greatness কি উপায়ে লাভ করা যায়, আমি তার কতকগুলি মুষ্টিযোগ বলব মনঃসংযোগ পূর্বক শ্রবণ কর। যারা great না হয়েও great হ’তে চায়, এবং যারা চায় না, উভয় শ্রেণীর লোকেরই উপকার হবে।

বিশ্ব-রঙ্গমঞ্চে শতকরা ৯৯ জনের বড় হওয়া-না-হওয়া বিজ্ঞাপনের উপর নির্ভর করে। কবি বলেছেন—Sweet are the uses of adversity, কিন্তু আমি বলি,—Sweeter are the uses of advertisement. বিজ্ঞাপন আর hypnotism একই মূল সূত্রের উপর অবস্থিত। ঘুমাও-ঘুমাও-ঘুমাও পুনঃপুনঃ বলতে বলতে হাত-চালা দিয়ে যেমন hypnotiser ঘুম পাড়ায়, কানের কাছে কেবল ঘুম, আর ঘুম, আর ঘুম, ঘুমন্ত স্বরে ধ্বনিত হ’তে হ’তে যেমন সতীই ঘুম আসে—ঘাটে মাঠে পথে আকাশে বাতাসে কেবল তোমার গুণের কথা, তোমার রূপের কথা, তোমার ঐশ্বর্যের কথা, তোমার দয়া-দাক্ষিণ্যের কথা, তোমার শৌর্গ্যের কথা, তোমার লেখনীচাতুর্যের কথা—তুমি মেটাকে ফুটিয়ে তুলতে চাও,—ক্রমাগত চিত্রিত, বিচিত্রিত,

নাচতে নাচতে গিজ্জায় যাওয়াটা হয়ত শোভন নয়, কিন্তু শোভন-
অশোভন অত বিচার করতে গেলে, গুণের প্রচার কি করে'
হয় ?

প্রচারের আর একটা পন্থা আছে—সেটা একটু বাকা ; যখন
সোজা আঙ্গুলে ঘি বা'র হয় না, তখন আঙ্গুলটাকে বাকানর বিধি
আছে ; এও সেই প্রকার । সোজাসুজি উপায়ে যখন লোকের দৃষ্টি
আকৃষ্ট হ'ল না তখন কবি বলেচেন—Put thyself into the trick
of singularity—অর্থাৎ যদি বা দিকে টেরী কাটা চলতি ফ্যাসান
হয়, ত তুমি কাটবে ডান দিকে ; যদি টিকি রাখা রেয়জ হয়, তুমি
টিকি কেটে ফেলবে ; চা খাওয়া প্রথা হ'লে তুমি চা ছেড়ে দেবে, and
vice versa ; দেখবে লোকের দৃষ্টি আকৃষ্ট হবেই হবে, লোকে
বলবে—লোকটার চিন্তার, চরিত্রের বিশিষ্টতা আছে—independence
of character আছে । কিন্তু independence কথাটার বড় চড়া
গন্ধ, অনেকের নাকে সহ্য হয় না, অতএব এপথে একটু বিপদও
আছে ! মোট কথা তবে এই singularity যদি গড্ডলিকা প্রবাহের
অনুকূল স্রোত ধরে' চলে তা হ'লে বিপদ খুব কম, যথা—বিলাত
প্রত্যাগত হ'য়েও যদি মুরগী না খাও, ডাক্তারী বিদ্যা শিখেও
যদি মাছলির মাহাত্ম্য ঘোষণা কর, Astronomy পড়েও যদি 'মঘার'
আঘাতে ভয় কর, নিজের সাহেব সেজেও যদি গৃহিণীকে পদ্মার
ভেতর পুরে রাখ, তা হ'লে এ trick of singularity তোমার
মৌলিকত্ব, তোমার বুদ্ধিমত্তারই পরিচয় প্রদান করবে ; কারণ কুসংস্কার
ভাগে ও কুসংস্কার পোষণে উভয়ত্রই মৌলিকত্ব থাকতে পারে ।

এর চেয়ে বিজ্ঞাপনের আর একটা সহজ ও অপেক্ষাকৃত নিরাপদ

ঐহিক ও পারত্রিক

এই ক্ষুৎপিপাসায় কাতর, সুখদুঃখের আলো-অঁধানে দিশেহারা, আশা-নিরাশার নাগর-দোলায় দোলায়মান নরুষ্ণ-জীবন শ্রাস্ত ক্লান্ত হ'য়ে যখন অবসন্ন হ'য়ে যায়, আন্তরিক চেষ্টার ফসল যখন ফলে না, আন্তরিক স্নেহ-ভক্তির যখন প্রতিদান মিলে না, সূচিস্তিত কার্য-শৃঙ্খলা যখন অর্ধপথে কোন অপরিষ্কৃত কারণে ছিন্ন হ'য়ে যায়, মানুষ তখন হালে পানি না পেয়ে, এই দুস্তর ভবসিন্ধু পারে এক সুখরাজ্যের কল্পনা করে' ধৈর্য্য ধরে' থাকে—যে সুখরাজ্যে তার সকল অতীত চেষ্টার ফল থরে থরে সাজান আছে, ইহজীবনের সকল ব্যর্থতা যেখানে সাংগক হ'য়ে উঠবে, প্রত্যেক স্নেহবিন্দুর প্রতিদান মিলবে, এ জীবন-মরুভূমির সকল উত্তাপ, সকল নীরসতা অপগত হ'য়ে যেখানে সুধু শান্তি, স্বস্তি, চরিতার্থতা, সৌন্দর্য্য চির-বিরাজমান থাকবে।

স্বর্গের কল্পনাটাই আমার ছেলে-ভুলান “রূপকথা” বলে' মনে হয়, তা সে কল্পনাময় সুখস্থানকে—Atlantis বল, Heaven বল, Empyrian বল, Valhalla বল, বেহেস্ত বল, আর বৈকুণ্ঠই বল। বয়স হ'লেও মানুষ শিশুই থাকে ; রোক্তমান ছেলের হাতে পিটে দিলে সে যেমন শান্ত হয়, জীবনের কষাঘাতে দীর্ঘ-পৃষ্ঠ মানুষ স্বর্গরূপ মোয়া হাতে পূর্ণ আশ্বাস মাত্র পেয়েই, তেমনিই শান্ত পরিতৃপ্ত হয়।

বাস্ত

বাস্ত প্রধানতঃ তিন প্রকার—বাস্ত-দেবতা, বাস্ত ঘূঘু আর বাস্ত-সাপ ।

বাস্ত-দেবতা সম্বন্ধে ত্রিকালজ্ঞ ঋষিগণ এইরূপ কহিয়াছেন, যথা—
 “পূর্বকালে অন্ধকগণকে বধ করিবার সময় শূলী শত্রুর ললাটের শ্বেদ-
 বিন্দু ধরাপৃষ্ঠে পতিত হইলে পর, তাহা হইতে এক করালবদন প্রমথের
 উদ্ভব হয় । সেই ভূতযোনি জন্মিবামাত্র সপ্তদ্বীপা বসুন্ধরাকে গ্রাস
 করিতে উদ্যত হয় । সমর ক্ষেত্রে নিপতিত অন্ধকগণের রুধির শ্রোতে
 পিপাসা নিবৃত্তি না হওয়ায়, সেই প্রমথ প্রমথনাথের ধ্যানে নিমগ্ন হয় ;
 আশুতোষ তাহার নিদারুণ তপশ্চরণে পরিতুষ্ট হইয়া বলেন ‘বরং বৃৎ’ ।
 প্রমথ বলিল ‘ভূমণ্ডল হইতে ত্রিদিব পর্য্যন্ত সমস্ত গ্রাস করিতে পারি
 এই বর প্রদান করুন’ ; আশুতোষ বলিলেন ‘তথাস্তু’ । তখন সেই
 প্রমথ নিজ দেহ বিস্তার করিয়া স্বর্গমস্ত্য আচ্ছন্ন করিয়া ফেলিল ।
 দেবাসুর সকলেই ভীত হইয়া আত্মরক্ষার্থ পিশাচকে চতুর্দিক হইতে
 বেষ্টন করিয়া নিশ্চল করিয়া ফেলিলেন । তখন পিশাচ বলিল ‘ও
 দেবগণ, আপনারা ত আমার চলৎ-শক্তি হরণ করিলেন, আমি কি
 খাইয়া বাঁচিয়া থাকিব ?’ তখন ব্রহ্মাদি দেবতারা বলিলেন, ‘তুমি
 আজ হইতে বাস্ত-দেবতা হইলে, তোমার প্রীত্যর্থে যে বাস্ত-যজ্ঞাদি
 অনুষ্ঠিত হইবে তাহারই বলি অর্থাৎ উপকরণ তোমার ভোজ্য হইল ।’

বিচক্ষণ দেবতাসকল এই প্রকারে আপনাদের বিপত্তি মানুষের উপর চাপাইয়া দিয়া নিশ্চিত হইলেন।”

পুরাণকার মাত্রেই রূপক ব্যবহারে সিদ্ধহস্ত ; সোজা কথা সাদা রকমের বলা তাঁদের ধারা নয়। কিন্তু এ রূপকের গূঢ় তাৎপর্য্য কাহারও বুঝতে বাকি থাকবে না। আমাদের সুজলা-সুফলা-শশু-শ্যামলা বঙ্গভূমির উপদেবতা-স্বরূপ যে ভূস্বামিকুল নিরীহ রায়তের স্কন্ধে ভর করে’ পুরুষানুক্রমে খোস মেজাজে দিনপাত করে’ আসচেন, তাঁহাদেরই লক্ষ্য করে’ যে এই রূপক রচনা করা হয়েছে, তার আর ভুল কি ? ‘আশুতোষরূপী রাজস্ব-বিশারদ পণ্ডিতগণ মাথার ঘাম পায়ে ফেলে, রাজস্বের পাকা বন্দোবস্ত করে’, সেই ভূস্বামীদিগকে Rent Collectorএর পদ থেকে উন্নীত করে’, বাস্তু-দেবতা বানিয়ে দিয়ে নিশ্চিত হয়েচেন, সেই বাস্তুগণ সমস্ত দেশটাকেই আচ্ছন্ন করে’ রেখেচেন। আর ‘বাস্তু মধো তু যো বলিঃ’ তাঁদেরই প্রাপ্য হ’য়ে রয়েছে। সে বলির অর্থ নেই ;—চাষা ছেলে-মেয়ের বিয়ে দেবে, তার জন্য বাস্তু-দেবতাকে বঙ্গভাগ দিতে হবে, রোদ্রে শিশিরে চাষা ক্ষেত্রে শশু উৎপন্ন করবে, তার অগ্রভাগ তাঁকে দিতে হবে—ইত্যাদি ইত্যাদি।

তারপর বাস্তু-কপোত বা ঘুঘুর কথা বলি শ্রবণ কর। এই বাস্তু-ঘুঘু নানা জাতীয়—পক্ষিতত্ত্ব-বিশারদ লাহা মহাশয় জানেন, যথা—তিলে-ঘুঘু, পাঁড়-ঘুঘু, রাম-ঘুঘু ইত্যাদি, তফাৎ মাত্র রঙে, না হ’লে সবই ঘুঘু। এই কপোতকুল যে ভিটায় চরতে আরম্ভ করে, তাব আর নিস্তার নাই। এই কপোতকুলের কবলে পতিত হ’য়ে আজ

না, কিছু করা ত দূরের কথা, কিন্তু তাদের হৃদয়ের অন্তঃস্থল হ'তে এই প্রার্থনা উথিত হ'তে আরম্ভ হয়েছে :—

অয়ে কৃষ্ণ স্বামিন্ অরসি নহি কিং কালীয়হৃদং,
 পুরা নাগগ্রস্তং স্থিতমপি সমস্তং জনপদম্ ।
 বদীদানীঃ তৎ ত্বং নৃপ ন কুরুষে নাগদমনং,
 সমস্তং মে নাগো গ্রসতি সবিরাগো হরি হরি ।

৫ই আগস্ট, ১৩৩০

—————

মাহাত্ম্য নষ্ট হ'য়ে যায় ; golden mean বলে' প্রসন্নকে কেউ মার্জনা করে না, মুখে কা'রও বলতে সাহস হ'ক আর নাই হ'ক। শাদায়-কালায় মিশিয়ে যে চুনোগলি, এটালি প্রভৃতির সৃষ্টি, সে-সকল মাঝামাঝি জীবের গুণাগুণ যারা জানে তারা বলে—give me a true-born Englishman or an unadulterated native but not one who is neither fish nor flesh nor a good red-herring. অশ্বতর golden mean হ'লেও প্রকৃতির ত্যাজ্যপুত্র।

জল ও স্থলের মাঝামাঝি যে জিনিষ তার নাম কদম ; জলে সাঁতার কাটা চলে, স্থলে দৌড়ান যায় ; কিন্তু হাতিও 'দাঁকে পড়লে' কাবু হ'য়ে যায়—এমনকি ব্যাংএও লাথি মেরে যেতে পারে।

সত্যি ও মিথ্যা ছেলেবেলা মনে করতুম চিন্তারাজ্যকে dichotomy করে' ভাগ করেছে। কিন্তু 'ক্রমশো বিজ্ঞতমঃ' হ'য়ে বুকলুম যে, সত্য ও মিথ্যার মাঝামাঝি একটা খুব প্রশস্ত ক্ষেত্র আছে, সেখানে সত্যের শুভ্রতা বিনয়ের কলপ দিয়ে মলিন করা হয়েছে, এবং মিথ্যার মালিন্যকে সততার চূর্ণকাম করে' বেশ ধবলতা দেওয়া হয়েছে ; এই সত্য-মিথ্যার মাঝামাঝি ক্ষেত্রে যে খেলোয়াড় জয়যুক্ত হ'তে পারে সে কুরুক্ষেত্র বা ওয়াটারলু-জয়ী অপেক্ষা দুর্দর্শ।

স্বর্গ ও মর্ত্যের মাঝামাঝি যে ত্রিশঙ্কু রাজার পারলৌকিক অবস্থানমার্গ—যে রাজ্যটা হওয়া আর না-হওয়ার মধ্যবর্তী, যে রাজ্যের নাম বাঙ্গালার বলে 'হইলে-হইতে-পারিত', আর ইংরাজিতে বলে fool's paradise, যে রাজ্যের যাত্রী আমরা অনেকেই, তার খুব বেশী পরিচয় দেবার প্রয়োজন হবে না।

শত্রু ও মিত্রের মাঝামাঝি এক জীব থাকেন তাঁর নাম নিরপেক্ষ

খাটাতেও নারাজ, সুধু মস্তিষ্ক চালনায় বা হয়। দুদিনে ইহারাই
বেশী কষ্ট পায়, ধনীও নয়, দরিদ্রও নয়।

জানা আর না-জানার মাঝামাঝি, জ্ঞান ও অজ্ঞানতার মধ্যবর্তী
অবস্থাও কি ভয়ানক! কবি বলেছেন—Where ignorance is
bliss 'Tis folly to be wise—ইহার অর্থ—এ নয় যে, অজ্ঞানতা
ভাল জ্ঞানের অপেক্ষা; ইহার অর্থ—যখন অজ্ঞানতাই সুখের
তখন জ্ঞানী হওয়া মূর্খতা। অজ্ঞানতা সুখের কখন? যখন জানা-
না-জানার মধ্যস্থলে থেকে মানুষ হাবুডুবু খায়, তখনই বরং অজ্ঞান
তিমিরই ভাল। কেননা অন্তর কবি বলেছেন—Drink deep
or taste not the Pyerian spring; আমাদের চলিত কথায়ও
বহুকালের অভিজ্ঞতা এই ভাবেই বাক্য করা হয়েছে—

যে বুঝে সে মজেছে
যে বুঝেনি সে আছে ভাল
যে আধ বুঝে তারি প্রাণ গেল।

একচ্ছত্রী নিরঙ্কুশ সম্রাট বীর ইচ্ছাই আইন,—আব সকল শাসন-
ক্ষমতার প্রস্রবণরূপী জনশক্তি, তার আদেশ ও ইচ্ছাদ্বারা নিয়ন্ত্রিত যে
শাসনযন্ত্র—এই দুই ধারার,—Autocracy ও Democracyর,
মধ্যবর্তী একটা পিচুড়া আছে যার নাম Limited monarchy.
এ মাঝামাঝি ব্যবস্থার যে বাহার তার খরচ অনেক; সে খরচ বাজে
খরচ বলে' দুই একটা দেশ ছাড়া আর সব বড় দেশ থেকে সে স্বৈত-
হস্তীর পূজা উঠে গেছে।

স্বাধীন ও পরাধীনের মধ্যবর্তী অবস্থা হচ্ছে Protectorate ;
মহাযুদ্ধের পর Protectorate কথাটার কাকু ধরা পড়ে যাওয়াতে,

আর একটা কথা তার পরিবর্তে ব্যবহার আরম্ভ করা হয়েছে—
Mandatory ; বস্তু একই, অর্থাৎ দেশটা দেশবাসীরই রইল—
 কেবল চাবিকাটিটা **Mandatory**, অর্থাৎ যিনি বা যারা ভারপ্রাপ্ত,
 তাঁদের আয়ত্তের ভিতর থাকল। এই রকম **Protectorate** বা
Mandatory ইংলণ্ডেরও আছে, ফরাসিরও আছে, ইটালিরও
 আছে। ফরাসির **Mandatory** আনাম প্রদেশ, সেখানে রাজা
 আছেন, তাঁর দরবার আছে—তিনি আইনে সর্বশেষ স্বাক্ষর না
 করলে আইন মঞ্জুর নয়—কিন্তু মঞ্জুর না করাও তাঁর ইচ্ছা সাপেক্ষ
 নয় ; এই যে **Duality** বা দ্বৈতবাদ, কাগজে কলমে ইহার একটা অর্থ
 থাকতে পারে, কিন্তু আনামবাসীদের জীবনে ইহার কোনই সার্থকতা
 নাই ; যদি কিছু থাকে তা অর্থনৈতিক ও মনোকষ্ট দুই একসঙ্গে ;
 কেননা মোটা মোটা মাহিনার বড় ছোট নেজো ফরাসি কাম্‌চারী
 দেশের অর্থ শোষণ কচ্ছেন, আর দেশের লোক যে ভিমিরে সেই
 ভিমিরে রয়ে গেছে। মাঝামাঝি থাকার পূর্ণ প্রতিফল তারা পাচ্ছে।
 এইরকম সকল **Protectorate** এরই দুরবস্থা।

আমাদের দেশে **Bureaucracy** অর্থাৎ **Autocracy**র কথাঞ্চল
 পরিবর্তন করে', **Democracy**র দিকে শাসন-যন্ত্রটাকে নিয়ে যাবার
 জন্ম, মধ্যপথে, **Auto-democracy** (জানি না এ কথাটা চলতি কি
 না) বা **Diarchy** নামধেয় একটা নবীন পদ্ধতির **experiment**
 চলেছে। বেওয়ারিশ রোগীর উপরই হাসপাতালে **experiment**
 চলে। আমরা বেওয়ারিশও বটে, রোগগ্রস্তও বটে ; তাই আমাদের
 উপর এই উদ্ভট শাসন-পদ্ধতির **experiment** চলেছে—দেখা যাক
 রোগ গিরে স্বাস্থ্য ফিরে আসে, কিম্বা রোগ ও রোগী দুইই যায় !

টীকায় বদলে যেতে পারে, কিন্তু কথার অর্থ খুব বেশী বদলান যায় না। এ দুনিয়ায় অনেক সময় কতবার পা পিছলে পড়ে যেতে হয়, কিন্তু কোন কথা না বলে' ঝেড়ে উঠে পড়তে পারলে, পড়ে যাওয়াটার নানা interpretation দেওয়া যেতে পারে ; কিন্তু ভাঁচট খেয়েছি বলে আর 'শয়নে পদ্মনাভ' বলা চলবে না। অতএব 'Thou shalt not speak out এইটা দুনিয়াদারীর একাদশ Commandment হওয়া উচিত।

সে দিন বাঙ্গালার একজন বিরাটপুরুষ একখানা অগ্নিগর্ভ পত্র লিখে তাঁর উপরওয়ালাকে জানিয়ে দিলেন যে, সব হুকুম বা সকল আবদার, সব মানুষের পক্ষে মানা সম্ভব নয়। পত্রখানার ভাষা নিয়ে ও' ভঙ্গী নিয়ে কতই না আলোচনা গবেষণা হ'য়ে গেছে। যারা পত্রখানার ধরণটা পছন্দ করেন নি, তাঁরা যদি তাঁদের মনোমত একখানা খসড়া করে' ছাপিয়ে দিতেন তা হ'লে ঠিক বোঝা যেত তাঁদের কিরূপ রুচি ও শক্তি ; তাঁদের টিপনী থেকে ঠিক বোঝা গেল না যে, কি হ'লে তাঁরা সম্মুখে হতেন। কিন্তু ধরণটা যা'ই হ'ক, পত্র লেখকের উদ্দেশ্য যে সিদ্ধ হয়েছে, প্রতিপক্ষ যে বাকাস্থৃতি করতে অপারগ হয়েছেন— তাতেই তাঁর আঘাতের বেগ ও লক্ষ্য যে সম্পূর্ণরূপ সময়, ব্যক্তি ও বিষয়োপযোগী হয়েছে তার আর ভুল নেই। ঘুষিটা চোখে না মেরে, পিঠে মারা উচিত ছিল, অথবা ঘুষি না মেরে চড় মারা উচিত ছিল, এ নিয়ে তর্ক করা বৃথা। অথবা কড়া কথা না বলে' ছুটা মিছরীর ছুরি হানলে মন্দ হ'ত না, এ তর্কও কোন কাজের নয়। যে হেতু দেখা যায়, যেখানে কাজের প্রতি আস্থা কম, সেইখানেই কায়দার প্রতি দৃষ্টি বেশী ; আর সত্যিকারের প্রাণ যেখানে নেই, সেইখানেই আচারের আড়ম্বরই সর্বস্ব।

কিন্তু আমি কমলাকান্ত চক্রবর্তী ভাবনার বিশেষ কারণ দেখি না। প্রথম কারণ, মা-সকল তাঁদের নিজের মামলার ওকালতি নিজেই আরম্ভ করে' দিয়েছেন। এই অসমসাহসিকতার কাজ পুরুষও করতে সাহস করত না। মোকদ্দমা চালাতে হ'লে উকীলের যে প্রয়োজনীয়তা আছে, সেটা বিষয়বুদ্ধিসম্পন্ন ব্যক্তিমাতেই স্বীকার করবেন। ধর্ম্মাধিকরণের কাঠগড়ায় ফরিয়াদী হ'য়ে দাঁড়িয়ে, নিজের মামলার নিজে সওয়াল জবাব করা, প্রলয়ঙ্করী বুদ্ধির অন্ততম পরিচয় বলে' আমার আশঙ্কা হয়। ফল যে খুব সম্ভব মোকদ্দমায় হার, সে বিষয়ে আমার মনে সন্দেহ হয় না। অতএব স্বামী তথা আ-সামীগণকে আমি আশ্বাস দিয়ে, 'মা ভৈঃ' বলতে কিছুমাত্র কুণ্ঠিত হচ্ছি না।

মা-সকল যে সব প্রশ্ন নিয়ে রেগেছেন, বা জেগেছেন, বাই বলুন, তার মধ্যে মূল হচ্ছে—সাম্য—স্ত্রী ও পুরুষের সমানাধিকরণ, equality of the sexes. এই equality বা সাম্য, আপাততঃ এমনই ন্যায়সঙ্গত এবং যুক্তিসঙ্গত বলে' মনে হচ্ছে যে, সে সম্বন্ধে যে কোন তর্ক চলতে পারে তা মনেই আসে না। কিন্তু প্রকৃতপক্ষে তা নয়। স্ত্রী ও পুরুষের মধ্যে সাম্য মাত্র এক হিসাবে আছে—স্ত্রী ও পুরুষ উভয়েই genus homo এই পর্যায়ভুক্ত; তা ছাড়া, স্ত্রী ও পুরুষের মধ্যে সমতা নেই বলেই হয়—সামাজিক বা পারিবারিক unit হিসাবে স্ত্রী ও পুরুষ দুটি ভিন্ন জীব।

ভিন্ন হ'লেই ছোট বড় হ'তে হবে, তার কিছু মানে নেই; বোম্বাট আম আর মর্ন্তমান কলা, দুটা ভিন্ন ফল,—কিন্তু কে ছোট কে বড়, ও-প্রশ্নের কোন মানেই হয় না; দশ টাকায় এক মণ চাল,—দশটা টাকা, আর এক মণ চাল, দুই তুল্য মূল্য হ'তে পারে, কিন্তু দুটা

এক বস্তু নয়। অতএব দেখা যায়, ভিন্ন হ'লেও তুল্য-মূল্য হ'তে পারে; কিন্তু তুল্য-মূল্য বলে' এক বা সমধর্মী নাও হ'তে পারে। স্ত্রী ও পুরুষ সম্বন্ধে সেই কথা—ভিন্নধর্মী বলে' কেউ কারও চেয়ে ছোট বা বড় নয়; তুল্য-মূল্যই যদি হয় তা হ'লেও এক নয়।

People do not realise that equity and equality are not the same thing, that equality may co-exist with difference, and is not secured by sameness, and that just as the heart and the liver may each be considered "equals", tho' performing different functions, so the equality between men and women may, after all, best be secured by not striving for identity.

স্ত্রী ও পুরুষ তথাপি সমান, যদি মা-সকল একথা বলেন, তা হ'লে আমাদের বলতেই হবে, মা-সকল "রেগেছেন", জেগেছেন একথা বলতে পারব না।-

তারপর স্বাধীনতার কথা; মা-সকলের আকার এই,—কেন স্ত্রী পুরুষের অধীন হ'য়ে, আজ্ঞাবাহী, পুতুল-নাচের পুতুল হ'য়ে থাকবে! এখানেও আমি "বাগীর"ই লক্ষণ দেখতে পাই—"জাগার" লক্ষণ দেখতে পাই না।! প্রথম কথা, গৃহস্থলীটা প্রাচীন Sparta রাজ্যের মত যুগ্ম রাজ্যের রাজ্য হবে, না এক রাজ্যের রাজ্য হবে? দুইএক এক না হ'য়ে গিয়ে দুইজন (স্ত্রী ও পুরুষ) "স্বতন্ত্র উন্নত" হ'য়ে গৃহস্থলীকে যদি Democratic নীতি অনুসারে শাসন করতে চান, তা হ'লে রাজ্য ছেড়ে বনে গিয়েই বেশী সুখশান্তি লাভের আশা

প্রসন্ন । হাতে-পায়ে বেড়ির মধ্যে ত তুমি । বুড়ো ব্রাহ্মণ কোন যোগ্যতা নেই—নিজের ভালমন্দ জ্ঞান নেই—যেন কচি ছেলে—যেন পাগল—তুমিই ত আমার বুড়ো বয়সের সব চেয়ে বড় বাঁধন—তা ছাড়া আমার মঙ্গলা আর-একটা বাঁধন, বাঁধনের মধ্যে ত এই তুমি ।

আমি । গো-ব্রাহ্মণ-হিতায় চ—প্রসন্ন ঠিক শাস্ত্রসম্মত হিন্দু জীবনই ত যাপন কচ্ছ । প্রসন্ন, তোমার আর পুনর্জন্ম হবে না, তুমি তরে' গেলে—তুমি স্বাধীন হও আর না-হও, তা'তে কিছু এসে যাবে না । কিন্তু বয়সকালে তুমি ত ছাড়া-গরুটির মত ছিলে না—তখন ত গোজেবাঁধা-গরুর মত সাধু ঘোষের গোয়ালে বাঁধা থাকতে ।

প্রসন্ন । যখন যেমন তখন তেমন করতে হবে ত ! না হ'লে, সংসার চলবে কেন ?

আমি বড় বিস্মিত হলাম ; প্রসন্নর দিক দিয়ে স্বাধীনতার আবদার একবারও এল না ; আমি “যার কিল্লি তার মনে নেই, পাড়া-পড়শীর যুম নেই” হিসাবে জাগিয়ে তুলতে গিয়েও কৃতকায্য হলাম না । হায় রে বাঙ্গালীর নারী !

প্রসন্ন । রাখ তোমার স্বাধীনতার বাজেকথা ; ছোটো মহাভারতের কথা বল—আমার এবেলা কোন কাজ নেই ।

মহাভারতের কথা অমৃত সমান, কোন কাজ না থাকলে সে আমার মুখে শুনতে আসত ; পুণ্যবতী বলেই শুনত, কি শুনে পুণ্যবতী হ'ত, তা ঠিক বলতে পারলুম না । যা হ'ক, স্বাধীনতার কথা ভাবতে ভাবতে সৈরিক্রীর ইতিহাস মনে পড়ে' গেছিল—সেইখান থেকে গল্পটা আরম্ভ করে' দিলুম ।

ভগিনী সুদেষণাকে জিজ্ঞাসা করিল—“শুভে ! সুজাতমদিরাতুল্য-মোহকারিণী এই শোভনা কামিনী কে ?” সুদেষণ ভ্রাতাকে তাঁহার পরিচয় দিলেন, এবং উভয়ের মিলন সাধন জন্য উপায় উদ্ভাবন করিয়া উপদেশ দিলেন, কৌশলে সৈরিক্রীকে কীচকের নিকেতনে প্রেরণাভিলাষে বলিলেন—“সৈরিক্রী, আমি পিপাসায় সাতিশয় ব্যথিতা হইয়াছি, অতএব তুমি শীঘ্র কীচকের গৃহে গমনপূর্বক কিঞ্চিৎ সুরা আনয়ন কর ।” সৈরিক্রী এই আদেশ প্রত্যাহার করিবার জন্য বিরাট-মহিষীকে অনেক অনুনয়-বিনয় করিলেন ; কিন্তু কোন ফল হইল না ; তিনি ক্রন্দন করিতে করিতে শঙ্কাপূর্ণ চিত্তে দৈবের শরণাপন্ন হইয়া কীচকের গৃহে প্রবেশ করিলেন । পারগমনেচ্ছু ব্যক্তি নোকালান্ত করিলে যেমন আত্মদিত হয়, কীচক সেইরূপ হৃষ্টচিত্তে তাঁহার অভ্যর্থনা করিল ।

এ কি চিত্র ? ভ্রাতা, ভগিনী, আশ্রিতা কুলললনা, এ তিনের মধ্যে এ কি বীভৎস ব্যাপার ? এ কি ‘যা শত্রু পরে পরে’ ? স্বীয় প্রেমাস্পদের হৃদয়ে একাধিপত্য রক্ষা করিবার মানসে, ভগিনী জেনে-শুনে আশ্রিতাকে পশুপ্রকৃতি ভ্রাতার কবলে প্রেরণ করিলেন ? এই কি অমৃত সমান কথা নমুনা, অথবা কথা সত্য এবং সত্যই একমাত্র অমৃত, স্মৃষ্টি না হ’লেও ?

কীচকের হস্তে লাঞ্চিতা দ্রৌপদী রাজার শরণার্থিনী হইয়া রাজ-সভায় উপস্থিত ; যুধিষ্ঠিরের সমক্ষে কীচক তাঁহার কেশাকর্ষণ করিয়া তাঁহাকে পদাঘাত করিল । দ্রৌপদী আত্মগোপনকারী নিরুদ্ভিগ্ন স্বামিগণকে উদ্দেশ করিয়া বলিলেন—“পতিব্রতা প্রেয়সীকে সূতপুত্র

কর্তৃক বধ্যমানা দেখিয়াও ষাঁহারা ক্লীবের ঞায় সহ করিতেছেন—
 তাঁহাদের বীৰ্য্য ও তেজ কোথায় রহিল ?” বিরাট-রাজকে উদ্দেশ করিয়া
 বলিলেন—“কীচককে দণ্ডিত না করায় আপনার রাজ-ধর্ম দস্যু-ধর্মের
 তুল্য হইতেছে।”

বিরাট কহিলেন, “তোমরা উভয়ে পরোক্ষে কিরূপে বিবাদ করিয়াছ
 তাহা আমি জানি না, তদ্বিষয়ের ষাথার্থ্য অবগত না হইলে আমি
 কি প্রকারে বিচার-কৌশল প্রয়োগ করিতে পারি।” বিচার-কৌশলের
 বিশেষত্বই এই। ফলে কোন প্রতীকার হইল না ; যুদ্ধিষ্ঠির ক্রোধে
 প্রজ্জ্বলিত হইলেও পত্নীকে বলিলেন—“ষাঁহারা বীরপত্নী হ’ন. পতির
 অনুরোধে তাঁহারা দুঃসহ ক্লেশ সহ করেন। সামান্য নটীর ঞায় নিলজ্জা
 হইয়া রাজসভায় ক্রন্দন করা উচিত নহে ; সভাসদগণের ক্রীড়ায় ব্যাঘাত
 হইতেছে, তুমি এখন যাও, গন্ধর্বেয়া সময় পাইলে বৈরনির্যাতন
 করিবেন।” এই প্রকার ইঙ্গিত করিয়া যুদ্ধিষ্ঠির নির্যাতিতা পত্নীকে
 স্থানান্তরে যাইতে বলিলেন। যাইবার সময় সৈরিক্ণী কহিলেন,—
 “আমি ষাঁহাদিগের সহধর্মিণী বোধ হয় তাঁহারা অতিরিক্ত দয়াশীল !”
 রোষাবেগ বশতঃ আরক্ত-নয়না আলুলায়িতকেশা কৃষ্ণ যুদ্ধিষ্ঠিরকে এই
 বলিয়া ভৎসনা করিয়া রাজসভা ত্যাগ করিলেন।

“ভীমসেন ব্যতীত আমার মনঃপ্রীতি সম্পাদন করিতে আর কেহই
 সমর্থ হইবে না”—এই চিন্তা করিতে করিতে সৈরিক্ণী, মৃগরাজবধু যেমন
 দুর্গম বনে প্রসুপ্ত সিংহকে জাগরিত করে, তদ্রূপ ভীমসেনকে প্রবুদ্ধ
 করিলেন ; বলিলেন,—“উঠুন, মৃতের ঞায় কি প্রকারে নিদ্রিত
 রহিয়াছেন—আপনার ভার্যা অপমানিতা, পাপিষ্ঠ জীবিত, আপনি
 কেমন করিয়া সুখে নিদ্রা যাইতেছেন ?”

কামিনী-কাঞ্চন

বুদ্ধদেব থেকে আরম্ভ করে' মহম্মদ, তারপর পরমহংসদেব পর্যন্ত কামিনীর প্রতি একান্ত বিমুখ। ভাষাটা যদি ভাবের আবরণ না হ'লে ভাবের অভিব্যক্তিই হয়, তা হ'লে কামিনী কথাটাতেই নারীর প্রতি চিরদিনের অশ্রদ্ধাই crystallised হ'য়ে রয়েছে। Wo-man কথাতেই নাকি manএর woeই সূচনা করে। মাঝে মাঝে কবি, (যাকে কবিগুরু বাতুল বলেচেন) নারীকে ministering angel বলে' সূখ্যাতি করেচেন ; কিন্তু সে কথায় নারীর কামিনী আখ্যা মুছে যায় নি, সংসারেও তার স্থান খুব প্রশস্ত হ'য়েও যায় নি। কিন্তু স্বর্গই বল আর সংসারই বল, নারী ছাড়া সম্পূর্ণ হয় না, অতএব বতই হেনস্তা কর, নারীকে একটা প্রকৃষ্ট স্থান দিয়ে রাখতেই হবে ; সে স্থান কোথায় হবে তা' নিয়ে জগৎ জুড়ে একটা বিতণ্ডা চলেচে ; শীঘ্রই পুরাতন ব্যবস্থার একটা পরিবর্তন হ'য়ে যাবে বলে' মনে হয়। নারী মানুষ, সে আপনার একটা হেনস্তেনস্ত করে' জগতের দরবারে আপনার স্থান করে' নেবে। কিন্তু কাঞ্চন সম্বন্ধে অন্য কথা।

অর্থমনর্থং ভাবয় নিত্যম্। এই ত কাঞ্চনের প্রতি সনাতন গালাগাল। আমার মনে হয় একথা যিনি বলেছিলেন তিনি আমারই মত অর্থহীন নিরর্থক জীবন যাপন করে', "দ্রাক্ষাফল হয় অতিশয়

বাসাংসি জীর্ণানি

পাগলা নাথম বলেছিল—“কাপড়ের ভিতর তুইও নেংট, আমিও নেংট, সবাই নেংট” ; তা’তে মেচোহাটার মেচুনী-বেটি তার গায়ে আস-জল ছিটিয়ে দিয়েছিল। কিন্তু কথাটা সত্যি ; নিছক মানুষটা উলঙ্গই বটে, তার কোমরের কাপড়খানা বা পাজামাটা মানুষ নয়, মানুষটাকে ঢেকে রাখবারই যন্ত্রবিশেষ।

শাস্ত্র বলেছেন—মৃত্যু মানে কাপড় ছাড়া, পুরাতন ছেড়ে নতুন কাপড় পরিধান করা ; এ কথার ভিতর একটু রহস্য রয়েছে। যেটা মানুষ, যেটা সত্যিকারের তুমি বা আমি, যেটা উলঙ্গ নিরুপাধিক আত্মা, সেটা ঠিক উলঙ্গই থেকে যায় ; কণ্ঠী নামাবলি, আচকান টুপী, হাট কোট, পাগড়ী পায়জামা পরা মনুষ্যদেহের ভিতর দিয়ে সেটা উলঙ্গই থেকে চলে’ যায়, সেটার বিকৃতিও হয় না, পরিবর্তনও হয় না।

কাপড়ের ভিতর তুমি আমি উলঙ্গ থাকলেও, পরিচ্ছদের সঙ্গে একটা ঘনিষ্ঠ সম্বন্ধ হ’য়ে যায় ; তোমার আমার প্রকৃতির, সংস্কারের, mentalityর ছাপ পরিধেয়ের উপর ফুটে ওঠে। আমি শুনেছি যীশুখৃষ্টকে ক্রিস্ থেকে নামিয়ে যে পরিচ্ছেদে ঢাকা দিয়েছিল, সেটা এখনও Vaticanএ বহু করে’ একটা আধারের মধ্যে রেখে দেওয়া হয়েছে . বৎসরে একবার সে আধারটা খোলা হয়। কয়েক বৎসর

কাটা কাপড়ের পরিচ্ছদ ছাড়া আর একটা অদৃশ্য পরিচ্ছদ আছে, যেটা মানুষের মনটাকে আরও গভীরতর ভাবে ঢেকে রাখে—যার প্রভাব তার পোষাকে ত ব্যক্ত হয়ই—তার চোখে মুখে, কথার বার্তায়, হাসিতে কাশিতে, কাজে অকাজে পর্য্যন্ত ফুটে ওঠে—সে পরিচ্ছদ বা প্রচ্ছদের নাম গতানুগতিকতা, tradition, custom ইত্যাদি।

সব গতানুগতিকতার প্রারম্ভে একটা বিশিষ্ট হেতুবাদ ছিল, একটা *raison d'etre* ছিল, এটা কল্পনা করা অসম্ভব হবে না। হয়ত সে হেতুবাদ পণ্ডিত গোষ্ঠীর মনের ভিতর লুক্কায়িত থাকলেও খুব স্পষ্টই ছিল। কিন্তু লুকোচুরীর মধ্যে, কালক্রমে সে হেতুবাদ ঝাপসা হ'য়ে এল, ক্রমে পণ্ডিতদের মন থেকেও সেটা উপে গেল। তখন “বিয়েয় বেরাল বাঁধার” মত সেটা একটা অপরিজ্ঞাত হেয়ালী-মাত্রে পর্য্যবসিত হ'ল; “এটা কর কেন” জিজ্ঞাসা কলে সকলেই বলতে আরম্ভ কলে—“ওটা করতে হয়”। “যদি না করি তা হ'লে কি হয়?” তার উত্তরে কোন গূঢ় অকল্যাণের ভয় প্রদর্শন করা হ'ল। ব্যাপার এইখানে এসে দাঁড়াল—“হয়” আর “ভয়ে”র রাজ্য চলতে লাগল। ভূতচতুর্দশীতে চৌদ্দ প্রদীপ কেন দিতে হয়, আর চৌদ্দ শাক কেন খেতে হয়, তার উত্তর—“হয়, নইলে ভূতে ধরে”, নয়ত একটা আজগুবি *electricity* ঘটিত ব্যাখ্যা, নয়ত গালাগাল।

এই ‘হয়’ আর ‘ভয়ে’র জ্বালায় দেশটা ঝালাপালা হয়েছে; অতএব জানবে আর দেবী নেই, ‘কাপড় ছাড়বার’ সময় হ'য়ে এসেছে, বহুদিনের জীর্ণবস্ত্র পরিত্যাগ করে' নববস্ত্র পরিধানের সময় এসেছে, খোলস ছেড়ে নবজীবন আরম্ভ হ'তে চলেছে, দুর্বল দুর্ভাক্যের আঘাতে তাকে আর আটক করতে পারবে না।

ভারতের যুগে যুগে এই রকমই হয়েছে। অজ্ঞানতার মহাপ্লাবন থেকে বেদের অর্থাৎ জ্ঞানের উদ্ধার—সে জ্ঞানের দিব্যজ্যোতি যখন আবার যজ্ঞের ধূমে সমাচ্ছন্ন হ'য়ে নিশ্চল হয়েছে, তখন বুদ্ধ প্রবুদ্ধ হয়েছেন। আবার চারিদিকে অজ্ঞানতা, নিরর্থক গতানুগতিকতার প্রভাব বিস্তৃত হ'য়ে জাতটা কিংকর্তব্যবিমূঢ় হ'য়ে উঠেছে, অর্থহীন 'হয়'কে 'নয়' করতে প্রস্তুত হয়েছে, ভয়কে শিরোধার্যা করে' মিতে রাজী হচ্ছে না; প্রতি কথায় 'কেন' জিজ্ঞাসা করতে শুরু করেছে, সন্তুর না পেলে 'হয়' আর 'ভয়'কে যুগপৎ জলাঞ্জলি দিয়ে নব পরিচ্ছেদে—যুক্তির জ্ঞানের নির্ভীকতার স্বাচ্ছন্দ্যের পরিচ্ছেদে, বিভ্রমিত হ'য়ে দাঁড়িয়ে উঠবে।

একদিকে গুরু দেবতা আর-একদিকে কুস্তীপাক নরক, এই দুইএর জোরে এতাবৎকাল সমাজনেতৃগণ সমাজটাকে মুঠোর ভেতর করে' রেখেছিলেন; এখন হাতের চেয়ে আঁম বড় হ'য়ে উঠেছে, আর কুস্তীপাকটাকে মোটেই লোকে মানতে চাচ্ছে না। এখন বাকে মানতে চাচ্ছে, অর্থাৎ যুক্তিকে ও জ্ঞানকে, সেটা গুরুদেবতাগণের মোটের উপর খুবই অভাব হ'য়ে পড়েছে। তাঁদের এখন সম্মেলের মধ্যে গালাগাল, যে কেহ তাঁদের বিরোধী—বাহা কিছু তাঁদের বিরোধী—তার প্রতি অজস্র গালিবর্ষণই তাঁদের বল। তাঁরা বুঝতে পারছেন না যে, 'হয়' আর 'ভয়ে'র দ্বারা আর রাজত্ব করা চলচে না; দোদ্দণ্ড প্রতাপ ইংরাজ রাজের তা চলচে না, তাঁকেও কাউন্সিলের মধ্যে ও কাউন্সিলের বাইরে কৈফিয়ত দিতে হচ্ছে, লোকের মত জানতে হচ্ছে, বুঝতে হচ্ছে, বোঝাতে হচ্ছে।

ঠিক এই পর্য্যন্ত এসে পৌঁছছি, এমন সময় প্রসন্ন এসে পাশে

ভিতর সকল সময় না পড়লেও, স্মৃতিষ্ক বাক্যবাণ “বরিষার বারিষারা প্রায়”, সততই করতে থাকে ; কবির কথায়, “উঠতে গোটা বসতে গোটা শুনবি সাজ সকাল”—তা হ’তে অব্যাহতি নেই ।

কেহ কেহ বলতে পারেন যে শ্বাশুড়ী মাত্রেই কি বধু নির্যাতন করেন ? আমি বলি করবার ত কথা, তবে যদি কোন স্থানে তার অভাব হয়, তার বিশেষ কারণ স্বশ্রীঠাকুরাণীর বিচক্ষণতা, তাঁর বিবেক বুদ্ধি বা সহৃদয়তা নয় ; বাক্যের প্রসবণ যদি না ছোটে, সেটা বাহিরের কোন উপলক্ষও শ্রোতের মুখ বন্ধ করার জন্য, জলের বেগের অভাব হেতু নয় । আমি সাধারণ নিয়ম বল্লম, তার ব্যতিক্রম যদি কোথাও হয়, তার কারণ বিশেষভাবে অনুসন্ধান করলে শ্বাশুড়ী ঠাকুরাণীর প্রকৃতির বাহিরে কোথাও পাওয়া যাবে, তাঁর ভিতর পাওয়া যাবে না ।

মা’র মত স্নেহময়ী শ্বাশুড়ী কি হয় না ? আমি বলব সেটা নারীর প্রকৃতি-বিরুদ্ধ । নারী কারো “মত” হ’তে পারে না, হয় মা হবে, না-হয় মা হবে না,—সৎমা হবে, মা’র “মত” হ’তে পারবে না । হয় স্নেহময়ী মাতা, নয়ত বিদধরী বিমাতা ; হয় নারী তোমাকে ভালো-বাসবে, না-হয়, তোমাকে “ছুটি-চক্ষের বিষ” দেখবে ; মাঝামাঝি কিছু হওয়া তার প্রকৃতি নয় ; স্মৃতির শ্বাশুড়ী যখন নববধুর মা ন’ন, তার মা’র “মত” হওয়া তাঁর পক্ষে অসম্ভব, তিনি তার বিমাতাই হবেন ; আর সৎমা আর শ্বাশুড়ী একই পদার্থ, একটু উল্টাপাল্টা ।

মাতা পুত্রবৎসলা, পিতা কন্যাবৎসল, ইহাই biological সত্য । পুত্রবৎসলা মাতা দেখেন, যৌনধর্মের নিশ্চয় নিয়মে স্নেহাম্পদ পুত্র অপর নারীর স্নেহের পাত্র, অপর নারীকে স্নেহের ভাগ দিচ্ছে, নারী হ’য়ে মাতা তা সহ করতে পারেন না । স্বামী পত্নাত্তর গ্রহণ করলে তাঁর

“মা”র এই ব্যবহার বা অনুরূপ ব্যবহার “মেয়ে” অর্থাৎ বধু কি ভুলতে পারে? কেন ভুলবে? সুতরাং স্বাশুড়ী যখন dowager হ'য়ে প্রাপ্ত হ'ন, এবং বধু সামাজ্যী হ'য়ে বসেন তখন, “গাড়ি পর্ লা” হ'য়ে যায়। তখন যদি বধু সুদ সমেত স্বাশুড়ীর প্রাপ্য ফিরিয়ে দিতে থাকেন ত আর্ন্তনাদ করলে চলবে কেন? One who sows the wind must reap the whirlwind—এ ত পড়েই রয়েছে। এই রকম চল পরের পর—নারী যতদিন নারী থাকবে, দাসী হ'য়ে ঢুকবে আর ফাল হ'য়ে, অর্থাৎ স্বাশুড়ী হ'য়ে, বেরবে—ad nauseam.

সংসারের ভিতর বধু পুত্রের স্নেহে ভাগ বসায় বলে' স্বাশুড়ী জ্বলে মরেন। কর্তার স্নেহে যদি কেহ ভাগ বসায় তা হ'লেও তাই হয়। কিন্তু কর্তার স্নেহে যে ভাগ বসাতে পারে, সে কে? সেও নারী, কুলঙ্গীই হ'ক আর কুলটাই হ'ক। তা'তেও তিনি জ্বলে মরেন, সংসারে অশান্তি বিশৃঙ্খলা আসে,—কিন্তু বধুটির মত, সে জ্বালা মেটাবার পাত্র হাতের কাছে থাকে না, সুতরাং জ্বালা দ্বিগুণ হ'য়ে ওঠে। একজন রমণীই বলেছেন—I must accept here as in all relations between the sexes, the validity of the man's plea that rings—yea, and will continue to ring—through the centuries : “The woman tempted me.”

অতএব যে দিক দিয়েই হ'ক, বধুর শত্রু স্বাশুড়ী, স্বাশুড়ীর শত্রু বধু বা অপর নারী। পারী সহরের প্রসিদ্ধ একজন Police Commissioner কোন দুষ্কর্মের Report তাঁর হুকুমের তলে আসলে, নীল পেঙ্গিলে প্রথম হুকুম দিতেন—Cherchez la femme. এবং সর্বক্ষেত্রেই না হোক অধিকাংশ স্থানেই, অনুসন্ধানের ফলে বা'র

হ'ত যে, কোন নারী-ঘটিত গোলমাল নিয়েই দুষ্কর্মী সংঘটিত হয়েছে। এ স্থলেও তাই। সংসারের মধ্যে নারীর দুঃখের নিদান খুঁজে বা'র করতে হ'লে—*Cherchez la femme*, দেখবে নারীই নারীর পরম শত্রু, পরম দুঃখের কারণ, নিশিদিন নির্যাতনের বহু-স্বরূপ বিদ্যমান।

বঙ্গালাদেশে নারীর অবস্থা আলোচনা করবার সময় অনেকে রঘুনন্দনকে দোষ দিয়েছেন, শিক্ষার অভাবের কথা বলেছেন। ও-সব একেবারেই অসঙ্গত কথা। যে-দেশে রঘুনন্দন নেই এবং শিক্ষা আছে, সেখানেও নারীর সঙ্গে নারীর সম্বন্ধ মোটের উপর একই। *Cattiness* স্ত্রী-স্বভাব গুণ বা দোষ। *All women are cats*—এটা ইংরাজী কথা! একজন বিদ্যুঘী ফরাসী রমণী আমাকে বলেছিলেন—*Monsieur, nous sommes des chiennes*. ইংলণ্ড বা ফ্রান্সে শিক্ষার অভাব নেই, আর সে দেশে রঘুনন্দনও নেই। কেউ হয়ত বলবেন, সেখানে তেমনতর শিক্ষা হয় নি, যে-শিক্ষায় নারীর প্রকৃতি বদলে যায়। সে-শিক্ষা *China* থেকে *Peru* পর্য্যন্ত আজও কোথাও হয় নি বটে; সুতরাং হবারও যে বড় ভরসা আছে তা নেই। আর “দেবী”দের এত শিক্ষার অপেক্ষাই বা কেন?

তবে পুরুষ যে কবুল দিয়ে বসেছে সেটার কারণ কি? আমি একজন ইংরাজ মহিলারই কথায় তার উত্তর দিয়ে এই নারী-মঙ্গল শেষ করব—

Men's chivalry as well as their pride has woven a cloak of silence around this question; this silence has protected women—even the worst.

হয় না, বা হয় নি বলে' উভয় পক্ষের কা'রও সন্দেহ হয়, সেইখানেই গোল বাধে। কিন্তু যতদিন উভয়ে নিরবচ্ছিন্ন ভাবে স্নধু উভয়ের জন্তই জীবনধারণ করে' থাকে, ততদিন তাদের মিলনটা 'আবাগে' আর 'আবাগী'র মিলন ছাড়া আর কিছুই হয় না ; জন্তু-জানোয়ারের মিলন তার চেয়ে কিছুতেই অগ্ৰবিধ নয়।

বিয়েটাকে যে হিন্দুশাস্ত্রে জন্ম-জন্মান্তরের বাধন বলেচে তার নিগূঢ় অর্থ থেকে, স্নধু বিধবা বিবাহের বিরুদ্ধে গোড়ামির একটা খুব কায়মি যুক্তি ছাড়া, আর কিছু পাওয়া যায় না তা' নয়। আমি বুঝি—আমার পূর্বজন্ম আমার পিতৃপুরুষগণ, আর আমার পরজন্ম আমার ঔরসজাত সন্তান থেকে আরম্ভ করে' আমার ভবিষ্যৎ বংশীয়গণ। এ-ছাড়া পূর্বজন্ম আর পরজন্মের আমি কোন মানেই খুঁজে পাই না। আমার পূর্বজন্মের অর্থাৎ পূর্বপুরুষগণের চেহারা ও চরিত্র নিয়ে আমি জন্মেচি, তাঁদের শক্তি এবং দুর্বলতার সমষ্টি potentialরূপে, সম্ভাবনা-রূপে আমার ভিতর রয়েছে ; সে সম্ভাবনাকে ফুটিয়ে, এবং আমি যে নব নব পারিপার্শ্বিক অবস্থার ভিতর দিয়ে চলেছি, তার সাহায্যে বা তার ধাক্কায়, আমার চেহারা আর চরিত্রের যথাযথ পরিবর্তন হ'য়ে, আমারই পূর্বজন্মের চেহারা আর চরিত্রের বনিয়াদের উপর, দৃশ্যতঃ এবং বস্তুতঃ একটা নূতন জীব তৈরী হ'য়ে, এই জীবন-নাট্যমঞ্চে অভিনয় করে' চলে' যাব। আমি যদি সম্ভানোৎপত্তি না করে' জীবনটা শেষ করে' যাই, তা হ'লে আমার আর পরজন্ম বলে' কিছু হ'ল না, আর সেইখানেই আমার পূর্ব পুরুষগণের অথবা পূর্বজন্মের সংস্কার ও সাধনার শেষ হ'য়ে গেল। প্রকৃতি স্বয়ং অনেক সময় undesirable বংশের বিলোপ-সাধন করেন ; অপদার্থ লম্বোদর ঘি-ছূধের যমগুলার যে বংশলোপ হয়,

মিশে ভীমনাগের মণ্ডা হয় ; আর চিনি চড়িয়ে রস পেকে এলে, তা'তে ছানা ছেড়ে দিয়ে তাকে সেই তাড়ু দিয়ে নাড়লেও ভীমনাগের মণ্ডা হয় । উভয়ত্র তাড়ু-নাড়াটাই common factor আর সেটা খুব essential factor. এই জীবনে স্নাপুরুষের মিলনের মধ্যেও—এই জীবন-মরণের অগ্নিকুণ্ডের উপর অবস্থিত সংসার কটাছে, সুখ-দুঃখের আলোড়ন-রিলোড়নের মধ্যে, দুটা হৃদয় যে গলে' গিয়ে, মিশে গিয়ে, এক হ'য়ে যায় তার নাম—প্রেম। যুবক-যুবতীর হৃদয় যে টগ্বগ্ব করে' কুটতে কুটতে, একটা আর-একটার দিকে ছুটে গিয়ে শান্ত হ'তে চায়, সেটার নাম দেহের, স্নায়ুর উত্তেজনা, তার নাম কাম,—সেটা “বরষিল মেঘ” ত “ধরণী ভেল শীতল”, সেটার কথা না বলাই ভাল। নোটের মাথায় সেটা স্বার্থপরতা, Egotismএর চূড়ান্ত Egotism ; এই Egotism, এই টগ্বগ্বে প্রেমকে বাদ দেওয়াও যায় না, তবে তাকেই বিবাহের চূড়ান্ত সার্থকতা করেচ কি অমনি সহস্র জীবনের গতিটা, Idealটা পালটে গেছে ; তা হ'লেই নিক্তির ওজনে দাম্পত্যের দাবী-দাওয়ার বিভাগ করবার আবদার আসবে, কে বড় কে ছোট, “বর বড় কি কনে বড়” তার মাপকাটা খুঁজতে ছুটে বেরিয়ে পড়তে হবে, স্বামীর কাছে আত্মোৎসর্গের নাম হবে দাসীত্ব, ছেলে-মানুষ করার নাম হবে নারীত্বের অপচয়, আর বার জোরে এত লক্ষ্যক্ষ অর্থাৎ “যৌবন জলতরঙ্গ”—ততক্ষণে তা'তে ভাটা পড়ে আসবে ।

আমাদের দেশে আমাদের সমাজে এই টগ্বগ্বানিকে প্রশ্রয় দেবার ব্যবস্থা নেই,—হয় ভালই, না-হয় কুছপরোয়া নেই। কারণ এই সংসার-কটাছে সুখদুঃখের তাড়নার মধ্যে দুইএ মিশে এক হবেই হবে, তবে একেবারে ভীমনাগের মণ্ডা যদি না-হয় ত কুছপরোয়া নেই। কারণ

মহাত্মার ভুল

একজন ইংরাজ লেখিকা বলেছেন— 'Truth-telling does not pay in the long run. তবে আমি লাভের খাতিরে সত্যকথা বলচি না এই যা, নইলে বাস্তবিকই সত্যকথা বলে' লাভ নেই এ কথা সত্য ! এই রকমই তুনিয়া, কি করা যাবে !

ঘটনা সত্য, আমার মোতাবেতের মুখের কথা নয়, আজগুৰী কল্পনা নয়, সত্য ঘটনা ।

আমার দাওয়ার বসে' আছি, একথানা কয়লা-বোঝাই গরুর গাড়ি আমার কুঁড়ের সম্মুখের রাস্তা দিয়ে মন্তর গমনে চলে' যাচ্ছে— একজন গরুর লাজ মলচে, আর-একজন কয়লার বস্তার উপর বসে' চীৎকার করে' বলচে—“লে—কোইলা” ; দুইজনেই বেহারী হিন্দুস্থানী । আমার কুঁড়ের সম্মুখের বাড়ী থেকে কে জিজ্ঞাসা করলে—“কত করে' কয়লা ?” গাড়ির উপরকার লোকটা বলে—“ন' আনা মণ ।”

প্রশ্ন । কয়লা ওজন করে' দিবি ?

উত্তর । তা হ'লে বার আনা—

প্রশ্ন । তবে ন' আনা মণ বল্চিস্ ?

উত্তর । তা' জানে না, লিবে ত লাও, আমি অত জানে না ।

প্রশ্নকারী । আচ্ছা, বার আনাই দেব, ওজন করে' দিয়ে যা ।

আর পরকালেই যদি সব হিসাবের নিকাশ হ'ত, তা হ'লেও কোন গোল হ'ত না ; তা হ'লে

সঙ্কীর্ণ এ ভবকুলে দাঁড়িয়ে নির্ভয়ে

করিতাম অবহেলা পরলোকে !

কেননা, কেই বা পরলোকের খোঁজ রাখচে ! কিন্তু ব্যাপার তা নয়, এইখানেই সব কাজের বোঝাপড়া হ'য়ে থাকে : ব্যক্তির বল, জাতির বল, বোঝাপড়া এই এক পুরুষে, না হয় দু' পুরুষে, না হয় তিন পুরুষে, —নয়ত পুরুষ-পরম্পরার যুগ-যুগান্তর ধরে' তার প্রায়শ্চিত্ত চলতে থাকে। '৫৭ সালের বিশ্বাসঘাতকতার প্রায়শ্চিত্ত ত জগৎ শেঠ থেকে আনতে করে' চুনোপুটী সকলেই কবে' গেছে, আর বাংলার লোক— জনসাধারণ, ঠুঁটো জগন্নাথ হ'য়ে বসেছিল বলে', আজও সেই Criminal indifferenceএর প্রায়শ্চিত্ত করচে—যে বিষের পাত্র অপরিণামদর্শী যুব্বার মুখে ধরেছিল, সেই বিষপাত্র আজও জনে-জনে পান করচে।

কিন্তু কোথা থেকে কোথায় এসে পড়েচি ! কয়লাওয়ালার কথা থেকে একেবারে পলাশীতে গিয়ে পড়েচি।

গান্ধীজীর ভুল হয়েছে বলে হয়ত দেশসুদ্ধ লোক আমার উপর খড়গধস্ত হ'য়ে উঠবে, আমার তা'তে বিশেষ এসে যাবে না। আমি বলতে বাধ্য—গান্ধীজীর ভুলই হয়েছে, এবং খুব বড় রকমেরই ভুল হয়েছে। তিনি মানুষ চিনতে পারেন নি ; “পড়িলে ভেড়ার শৃঙ্গে ভাঙ্গে হীরার ধার”—তাঁর হীরার ধার এই মেঘপালের শিংএর স্পর্শে ভাঙ্গে গেছে। তিনি নিশ্চয়ই এখন তা বুঝতে পাচ্ছেন ; তাঁর শিষ্যবর্গ সে কথা স্বীকার করায় গুরুর অমর্যাদা করা হবে ভাবলেও, আমি বলব তাঁর মত বিচক্ষণ পুরুষ নিশ্চয়ই নিজের ভুলটা বুঝতে পাচ্ছেন ; তিনি

প্রসন্ন গোয়ালিনীর আধ্যাত্মিকতা

প্রসন্ন দুধে জল দেয়, আর খাঁটি দুধ বলে' বিক্রী করে ; জিজ্ঞাসা করলে গাল দিয়ে ভূত ছাড়িয়ে দেয় ; আবার বার মাসে তের পার্শ্বণ করে, বসী থেকে ওলাবিবি পর্যন্ত কেউ বাদ যায় না ; কাররত করে, তার উপর দরিদ্র ব্রাহ্মণের সেবাও করে, মৃষ্টিভিক্ষাও দেয়। এখন প্রশ্নকে materialism-গ্রস্ত বলব, না 'spiritual বলব, এই হচ্ছে প্রশ্ন। এই প্রশ্নের নীমাংসা করতে পারলে, একটা বড় রকম প্রশ্নের নীমাংসা হ'য়ে যাবে, সেটা হচ্ছে এই—ইউরোপ বলতেই material, আর এশিয়া তথা ভারতবর্ষ বলতেই spiritual একথাটা সত্য কি না, বা কতখানি সত্য তার নীমাংসা হ'য়ে যাবে।

কেউ কেউ বলতে পারেন, প্রশ্ন কি একটা type, প্রশ্ন কি Asiatic তথা ভারতবর্ষীয় চরিত্রের epitome, যে প্রশ্ন-চরিত্র আলোচনা করে' কোন সিদ্ধান্তে উপনীত হ'লে, সমগ্র Asia বা ভারতবর্ষে খাটবে? প্রথমে ত সন্দেহ উঠতেই পারে যে প্রশ্ন মেয়ে-মানুষ, অতএব তার চরিত্র আধখানা Asia বা আধখানা ভারতবর্ষের সঙ্গে মিলতে পারে, আর-আধখানার সঙ্গে মিলবে না, একথা ত ধরেই নেওয়া চলে।

তোমরা প্রশ্নকে চেননা, তাই এই অর্ধাচীরের আপত্তি তুলচ।

আমি প্রসন্নকে জানি, চিনি—আমি বলছি, প্রসন্ন পুরুষও বটে নারীও বটে। সে যখন তার পাওনা-গণ্ডা আদায় করে, তখন সে কাবুলীওয়ালারও 'কান কেটে দেয়'; মঙ্গলা যখন গৌজ উপড়ে চৌচা দৌড় দেয়, তখন তার দড়ি গাছটা ধরে' যখন সে তাকে stand still করে, তখন রামমুন্ডির মোটর-গাড়ী ধরা মনে পড়ে; সে পঞ্চাশটা খদ্দেরের ছুধেব হিসাব, যখন মুখে মুখে করে' দিয়ে balance sheet মিলিয়ে দেয়, তখন তাকে কুমল্লাল দত্তের পাশে স্থান না দিয়ে থাকা যায় না; আর পাড়ায় স্বাশুড়ী-বৌএর ঝগড়ার বিচার কর্তে কর্তে, যখন সে পবম্পরের কর্তব্য-অকর্তব্যের বিশ্লেষণ করে', দোষ-গুণের ওজন করে', কোন অদৃশ্য জুরীর সমক্ষে charge দিতে থাকে, তখন তাকে দায়রার জজের আসনে বসাতে ইচ্ছে করে; তারপর, অন্দর-মহলে যখন মেয়েদের মিছিল বসে, সুনীতি-তুনীতির বিচার হয়, মেয়ে-পুরুষের চরিত্রগত কত কৃট তর্কের বিশ্লেষণ হয়, কতক কথায়, কতক ছড়ায়, কতক কবিতায়, কতক গানে, কতক ইঙ্গিতে-ইসারায়, বোসেদের ঘোষেদের কুণ্ডের পালেদের চাটুজো-বাড়ুঘোদের,—সমস্ত গ্রামটারই, পুরাবৃত্তের আলোচনা হয়, অতীত-বর্তমান কীর্তি-অকীর্তির গবেষণা হয়, তা'তে প্রসন্ন, গয়লা বৌ হ'লে কি হয়, সে democratic সভায়, তার কত জানা-অজানা তথ্যের সম্ভার নিয়ে যখন বসে, তখন সে যে তত্ত্বজিজ্ঞাসু পুরুষ মহলের বিচার-সভার মর্যাদা রক্ষা কর্তেও সক্ষম, তার ভূরি ভূরি প্রমাণ দিয়ে থাকে। তারপর সে যখন গললগ্নীকৃতবাস হ'য়ে গ্রামের শিব মন্দিরের উঠানে ভূমিষ্ঠ হ'য়ে প্রণাম করে, তার তিন কুলে কেউ নেই, তবুও সে যে কার জন্তে মাথা গোঁড়ে তা বুঝে উঠতে না

জানি স্নেহসংস্পর্শে তার spirituality নষ্ট হ'য়ে বাবে এইজন্য ।
 প্রসন্নও, যে পথ দিয়ে সাহেব চলে' যায়, তিন দিন সে সে-পথে চলে
 না ; লোকে বলে ভয়ে, আমি জানি তার ভয়ের বয়স গেছে, তথাপি
 পাছে স্নেহসংস্পর্শে তার গয়লা-বংশ অপবিত্র হ'য়ে যায় এই
 আশঙ্কায় । চাষা ভায়া ধানচাল বেচেন pile করে',—ডাল বেচেন
 ধুলা ও মাটি মিশিয়ে ভারি করে',—পাট বেচেন জলে ভিজিয়ে ;
 প্রসন্ন দুধ বেচে জল মিশিয়ে, অতএব দুই তুলা মূল্য । এবং উভয়েই
 যথাক্রমে গঙ্গাজল ছিটিয়ে গৃহের পবিত্রতা সম্পাদন করেন, এবং
 লক্ষ্মীপূজা করে', ষষ্ঠীপূজা করে', পুরুত ঠাকুরকে দক্ষিণা দিয়ে
 আত্মাকে disinfect করেন ; অতএব প্রসন্ন আধ্যাত্মিকই প্রমাণ
 হ'য়ে যাচ্ছে ।

দেশের ব্যবসাদার—নাড়োরারী থেকে আরম্ভ করে' চুনোপুঁটি
 জেলে-মালো পর্যন্ত—সবাই “ধন্য” করেন, পূজা করেন, পাঠ করেন,
 রামায়ণ শুনেন, কীর্তন করেন, গোমাতার জন্তু পিজরাপোল করে'
 দেন, খটমল্ পিলান,—আর ঘিয়ে সাপের চর্বি মিশিয়ে মানুষ ভাইকে
 খেতে দেন, দরকার মত গণেশ উন্টান, ব্যবসা চলতি হ'য়ে গেলেই
 মালে খাট করেন, পরদ্রব্যে লোষ্ট্রবৎ, পরের টাকাকে খোলামকুচি
 জ্ঞান করে' তা নিয়ে ছিনিমিনি খেলেন । কামার, কুমার, শেকরা,
 ময়রা ভাই সকল বিশ্বকর্ম্মার পূজা করেন, হাতুড়ি ছেনি নিস্তি
 ইত্যাদিকে গড় করেন, আর চোখের আড়াল হ'লেই কাজে ফাঁকি
 মারেন, ওজনে কম দেন, ভেলসা-ভ্যাজাল চালাতে পাল্লে আর
 বিশ্বকর্ম্মাকে মনে থাকে না । প্রসন্ন এ সবই যথারীতি করে' থাকে—
 কে জানে ডোবার জল, আর কে জানে পাতকোর জল, দুধের সঙ্গে

ভয়ে বচ" হ'লেই, পুরুত ঠাকুর আর হোমিওপ্যাথিক ডাক্তার। গো-
ব্রাহ্মণ সম্বন্ধে ত এই বিভিন্ন ব্যবহার বিভিন্ন মনেরই লক্ষণ।

তারপর আহার, আমরা সাত্ত্বিক আহার করে' থাকি ; ইউরো-
পীয়গণ যা পায় তাই খায়, কে জানে সাত্ত্বিক, কে জানে অ-সাত্ত্বিক ;
আমরা খাই উদ্ভিদ, তারা খায় প্রাণী, এইজন্য আমরা অচল আর তারা
সচল প্রাণবন্ত কি না তা আমি বলতে পারি না ; তবে পশু-পক্ষীর
analogy থেকে এটা দেখতে পাই যে, নিছক সাত্ত্বিক আহার খেয়ে,
হাতী থেকে আরম্ভ করে' রামছাগল পর্যন্ত, পরের বোঝা বয়, আর
প্রাণীবধ করে' তার রক্ত পান করে' গোকশিয়ালটা পর্যন্ত কারও
ভুকুম্বরদার নয় ; আমরা হয়ত হাতীতে চড়ে' ইন্দ্রের সভায় গিয়ে
উপস্থিত হব, আর ইউরোপীয়েরা পশুরাজের সঙ্গে নরকের আগুনে
পুড়ে মরতে যাবে, তা হ'তে পারে ; তা হ'লে আমরা spiritual আর
তারা material এইটেই ত প্রমাণ হ'চ্ছে !

তারপর আমরা বার-বার হাতে খাই না, অন্ততঃ ব্রহ্মণ্যের
নির্বিষ খোলসখানা ও কাঁধে পড়ে থাকা চাই, তবে তার হাতে খাব ;
আর ইউরোপীয়েরা বার-বার হাতে খাবে, সে "কিবা হাড়ি কিবা
ডোম"। তাদের এমনি materialistic বুদ্ধি যে তারা মানুষে
মানুষে প্রভেদ দেখতে পায় না ; মানুষ কি পশু না পাখী যে সব
সমান হবে ? অষ্ট্রেলিয়ার steppesএ নাহয় সব ঘোড়া সমান, কিন্তু
আড়গড়ার ভেতর পুরলে, ঘোড়ার শ্রেণীবিভাগ হ'য়ে কোনটা ঘোড়-
দৌড়ের মাঠে যায়, আর কোনটা scavenger গাড়িতে জোড়া হয় ;
মানুষেরও কি তাই নয় ? কিন্তু সে সূক্ষ্মদর্শন ওদের নেই, আমাদের
আছে,— আমরা তার ব্যবস্থা করেছি, শ্রেণীবিভাগ করেছি, কারও

স্কুল-মাষ্টার না মোশন-মাষ্টার

স্কুল-মাষ্টার আর মোশন-মাষ্টার একই পদার্থ ; একজন রঙ্গমঞ্চে হস্তপদ সঞ্চালন করে, গজ্জন করে শেখান, আর-একজন জীবন-রঙ্গমঞ্চে নানা ভঙ্গীতে নতুন কুদ্দন করতে শিখিয়ে দেন । জীবনটা যে অভিনয় মাত্র, আর অভিনয় ত অভিনয় বাটেই, এইটা মাষ্টার-বৃন্দে বথাক্রমে ছাত্র-গণকে শিখিয়ে থাকেন ; তা'তে রঙ্গমঞ্জের অভিনয়ের কোন উন্নতি হ'ক আর নাই হ'ক, “সঙ্-সার” অভিনয়টা

বাতুলের গল্প এ জীবন

অর্থহীন মাত্র-বহু-বাক্য-আড়ম্বর,

এই কথার সার্থকতা সম্পাদন করে ।

একজন বিশিষ্ট ইংরাজ নট সম্মুখে স্তুতিগান করে' বলা হয়েছে—

We loved Hawtrey (Sir Charles Hawtrey) so much because he was “such a lovely liar”. He lied with such perfect plausibility and success that —altho' one knew it quite well—one forgot that the whole of the lines had been written for him. He always appeared to be rolling his tarradiddles out from his inner consciousness. Which, of course, was where the art of the man came in.

রসজ্ঞ দর্শক বলচেন—Hawtreyর অভিনয় দেখতে দেখতে ভুলে যেতে হয় যে অভিনয় দেখছি ; বাক্য-স্রোতটা তার যেন অন্তরতম সত্তার ভিতর থেকে উথলে উঠছে ; কিন্তু বস্তুতঃ সে তার-একজনের রচিত ছত্রগুলিই আবৃত্তি করছে মাত্র ; এ থেকে বলতেই হয়—Hawtrey একজন “lovely liar”.

আমাদের স্কুলে (আমি কলেজ বা Post-graduateও তার মধ্যে ধরে নিয়েছি) স্কুল-মাষ্টার এই “lovely-liars” সৃজন করে’ সংসার-রঙ্গমঞ্চে ছেড়ে দিচ্ছেন । অভিনেতৃগণের অভিনয় বতই স্বাভাবিক মনে হ’ক না, তাঁদের বক্তৃতা-স্রোত বতই বেগে তাঁদের অন্তরতম সত্তার মধ্য থেকে উৎসারিত হ’ক না, এক মুহূর্তের জ্ঞাও ভোলবার দরকার নেই যে “the whole of the lines had been written for him”.

এই অভিনয়ের rehearsal প্রতিদিন স্কুল-কলেজে হ’য়ে থাকে । স্কুল-কলেজগুলো সে অর্থে—আখড়া ঘর, আর স্কুল-মাষ্টার সুধু—মোশন-মাষ্টার । যেস, ক্লাব ইত্যাদিতে যে “সাঁকে সকালে” তর্ক-বিতর্ক—সান্‌ইয়াট সান থেকে C. R. Das পর্যন্তকে নিয়ে যে তর্ক-কচ্‌কি,—ত... olitics, স্বদেশী, Non-co-operation, এ... হয়—সে কেবল part মুখস্থকরা মাত্র । যে... জ্ঞতা ইত্যাদি জীবন-রঙ্গমঞ্চে অভিনয়েরই সহায়তা করে’ থাকে ।

আমি সেদিন এক M. A. ছাত্রের সঙ্গে কথা কচ্ছিলুম, তিনি Economics নিয়েচেন ; তাঁকে প্রশ্ন কল্লুম—বাপু এই যে Fiscal Commission নামে... নারা কি গীমাংসা করে কিছু জান ? বাছ

স্কুল-মাষ্টার না মোশন-মাষ্টার

—এই দুটাতে মিলচে না বলে' আমাদের শরীরে বায়ুর প্রবেশ হ'য়ে উঠেচে । সকলেই জানেন নট-নটী মাত্রেই একটু neurasthenic—একটু বায়ুগ্রস্ত । উক্ত পণ্ডিতের মতে মধ্যে a real sense of independence in both thought and action আনতে হবে, তা হ'লেই বায়ুর সমতা হ'য়ে আমাদের actual lifeএর সঙ্গে আমাদের ideas মিলে যাবে ।

পণ্ডিতজী রোগটা ধরেচেন ঠিক, আর দাওয়াইও ঠিক বাতলেচেন ; কিন্তু সম্পূর্ণ দাওয়াইটা বাতুলান নি । নূতন idea এসে আমাদের বহুবার আক্রমণ করেছে , সিকন্দর থেকে আরম্ভ করে' বুদ্ধ চৈতন্য পর্য্যন্ত অনেকবার নূতন idea আমাদের ঘা দিয়েচে—কিন্তু সে সব ideaকে আমরা আপনাব করে' নিয়েচি—আমাদের জীবনের মধ্যে খাপ খাইয়ে নিয়েচি—কিন্তু এখন আর পাঁচি না কেন ? তাব উত্তব, জীবন ছিল তাই আয়ত্ত্ব করেছি—বিষ খেয়েও নীলকণ্ঠ হ'য়ে বেচে'ছিলুম—বেদ ছেড়ে বৌদ্ধ হ'য়েও সসাগরা পৃথিবী জয় করেছি—এখন জীবন নেই, তাই বাহিরের জিনিষ ভ্রাব ভেতরে বায় না, রক্তের সঙ্গে মেশে না—এ যেন মড়ার গারে injection করা—যেখানকার injection সেইখানেই থাকে ।

এখন বাচার উপায় কি ? বাচার উপায় independence in both thought and action ; কিন্তু সে independence আসে কোথা থেকে ? চিন্তার স্বাধীনতা কতক সম্ভব, কিন্তু কার্যের স্বাধীনতার ক্ষেত্র কোথায় ? সত্যিকারের কার্যের ক্ষেত্র নেই, তাই অভিনয় করে' দুধের সাধ ঘোলে মেটাতে হচ্ছে ।

এই বহু পুরাতন প্রবচনের মধ্যে gentleman-দের স্মৃতি বর্তমান রয়েছে। মাটি খুঁড়ে যখন পুরুষমাত্রেই শস্য টংপন্ন করত আর স্ত্রীমাত্রেই চরকার সূতা কাটত, তখন সমাজে gentleman-এর কোটার কেউ ছিল না; তখন gentleman-এর সৃষ্টিই হয় নি। Gentleman-টা একেবারেই খুব হালি জিনিস। কেউ কেউ বলেন ওটা খুব বাড়ে জিনিস—সভা-সমাজ-বন্ধের একটা অনাবশ্যক bye-product মাত্র।

কেউ কেউ বলেন gentleman-এর জাত নেই; অর্থাৎ সমাজের যে-কোন শ্রেণীর ভিতরে gentleman পাওয়া যেতে পারে। এ কথা আর যে-কোন দেশে সত্য হ'ক, আমাদের দেশে হ'তে পারে না। বাদের বামুন-শূদ্র জ্ঞান আছে, অর্থাৎ হৃষ্ম-দীর্ঘ বোধ আছে, তারা একথা কোনক্রমেই মানতে পারে না। বারা ছাতু খায়, বা পকাল ভাত, বা পরিষ্টি ভাত খায়, মালকোছা মেরে কাপড় পরে, বা পাঁচি ধুতি পরে, সুধু পায়, সুধু গায়ে থাকে, তারা কি gentleman হ'তে পারে?

আমি কলকাতার এক মেসে দিনকতক বাস করে' এসেছি—মেসের পাশে একটা মস্ত তেতলা বাড়ীতে এক মস্ত ধনী পরিবার বাস করতেন, তেতলা ঘরের জানলার অনেক সময় মা-লক্ষ্মীরা একটু বে-আবরু ভাবে দাঁড়াতেন বসতেন,—২০।২৫টা ওরশা যুবাকে ক্রফেপ না করে'। একদিন শুনা গেল এক বৃদ্ধা কি, বাতায়নে দণ্ডায়মানা এক যুবতীকে বলচে,—সরে এস, মেসের ছেলেকুলোর স্মৃতি থেকে—

যুবতী। ওদেরকে আবার লজ্জা কিসের? ওরা যে বাসাড়ে,—ওরা কি না এলে বাসন মাজে, ঠাকুর না এলে রাঁপে। ওদের দেখে বৃদ্ধি আবার লজ্জা করতে হবে?

মা-লক্ষ্মী বোধ হয় gentlemanকে লজ্জা করতে প্রস্তুত, কিন্তু যারা রি-চাকরের মত বাসন মাজে বা রাঁধে তারা কি gentleman হ'তে পারে? ঠিক বলেচেন মা আমার!

কিন্তু কথা হচ্ছে এই যে—লাঙ্গল ঠেললে, আর চরকা কাটলেই, এবং উপরোক্ত মাতাঠাকুরাণীর হিসাব-মত বাসন মাজলে বা রাঁধলেই যদি gentleman সম্প্রদায়ের নীচে বেতে হয়, তা হ'লে সে সব কাজ না করে' যদি দিনগুজরাণ হয়, তা হ'লেই কি gentleman হওয়া চলে?

এই ধরুন,—চোর-ডাকাতের কথা বাদ দিয়ে—আমি কমলাকান্ত চক্রবর্তী, আমার জমী নেই, জমা নেই, ব্যাঙ্কে টাকা নেই, মাথায় বে খুব বুদ্ধির প্রাচুর্যা আছে তা'ও নয়, আমি আকাশের পাখী, বনের পশু ও জলের মাছের মত do not sow, nor do I reap—আমি মাটি কাটি না, চরকা ত কাটিই না (গান্ধীজীর হুকুমেও নয়, কিম্বা স্বতঃ-প্রবৃত্ত হ'য়েও নয়), চুরি-চামারী ও করি না—অথচ আমার পেট চলে, নির্ভাবনায় দিন কেটে যায়, আমি gentleman কি না? ইংরাজিতে mendicant বলে' একটা কথা আছে, আমাকে হয়ত সেই শ্রেণীরই ভেতর ফেলা হবে; তা হ'লেই বিচারটা একটু জটিল হ'য়ে আসচে—

আমি কিন্ত প্রমাণ করে' দেব যে, ঐ mendicant আর gentleman এই দুইই এক শ্রেণীর জীব। উভয়েই চাষ করে না, মুদিখানার দোকান করে না, চুরি করে না, অথচ পায়ের উপর পা দিয়ে বসে' থায়। উভয়েই নির্ভাবনা, কিন্ত উভয়েই ভিক্ষুক। জমীদার ভিক্ষা করে খাজনা, আর ভিক্ষুক ভিক্ষা করে অন্তগ্রহ; একজন জোর করে' চাইতে পারে, আর-একজন আস্তে চায়, ভয়ে ভয়ে চায়—এই তফাৎ।

অর্থসম্পত্তি এসকলের সমবায়েও নিরুপদ্রব অসহযোগ কোন কাজেরই হ'ল না। রুয়ের শ্রমিকদের অর্থ দিয়ে বাচিয়ে রাখবার খরচ আর জার্মানি যোগাতে পাল্লে না ; soul-force এর অভাব হয় নি, শেষে অর্থের অভাবেই সব চেষ্টা ব্যর্থ হ'য়ে গেল। প্রতি সপ্তাহে ৩৫,০০০ trillion marks হিসাবে অর্থ আর জার্মানি যোগাতে পাল্লে না, অসহযোগের অবসান হ'য়ে গেল। যারা জার্মান যুদ্ধের ইতিহাস পর পর দেখে এসেছেন, তাঁরাই বলবেন জার্মানি যে দিন হটে গিয়ে Hindenberg line এর পশ্চাতে আশ্রয় গ্রহণ করে' নিশ্চল হ'য়ে বসল, সেই দিনই তার পরাভব হ'য়ে গেছে—তারপর যতদিন যুদ্ধ চলেচে ততদিন সে ভেঙ্গেই পড়তে চলেচে ; Versailles সন্ধিতে তাকে একবারে নখদন্তহীন করে' বেধে ফেলা হ'ল ; ফ্রান্সের দাবী মেটাতে সে পারলে না, বা চাইলে না—যাই বলুন, তারপরই রুয় দখল হ'ল ও সেই সঙ্গে নিরুপদ্রব অসহযোগ আরম্ভ হ'ল। ফ্রান্সের টাকা দিতে বাধ্য হ'লে জার্মানির যে দুদ্দশা হবে, তার চেয়ে মৃত্যু ভাল, এই ভেবে জার্মান-জাতি নিরুপদ্রব অসহযোগকে বরণ করে' নিয়েছিল ; কিন্তু নিরস্ত্রের সে অস্ত্রও নিষ্ফল হ'ল। জার্মানিতে আজ সে নিষ্ফলতার ফল হয়েছে—অরাজকতা, আর খণ্ড খণ্ড হ'য়ে ভেঙ্গে পড়া।

যুদ্ধ-শাস্ত্রের একটা আইন আছে—Victory can only be won as the result of offensive action ; এ সত্য সকল যুদ্ধেই প্রমাণিত হ'য়ে গেছে, এ কথা'র যথার্থ্য সকল তর্কের অতীত হ'য়ে রয়েছে। অসহযোগ একটা প্রতিষেধক defensive action মাত্র। এ defensive action থেকে জয়শ্রী লাভ করা যেতে পারে না।

অসহযোগ একটা মাঝামাঝি পথ—সাময়িক ব্যবস্থা মাত্র—তা' থেকে জয়শ্রীলাভ কেউ কখন করতে পারে নি।

আমি একথা বলতে চাই না যে অসহযোগ-নীতি অবলম্বিত হয়েছে বলে' আগাদের দেশেও আমি “নাশংসে বিজয়ায়”—তার দুটি কারণ, প্রথম, আমি ভবিষ্যৎকাল আসন্ন গ্রহণ করতে মোটেই রাজি নই ; দ্বিতীয়, East is East and West is West—প্রতীচ্যে আগুনে হাত দিলে হাত পোড়ে বলে' প্রাচ্যেও তাই হবে কে বলতে পারে ?

২৩শে অক্টোবর, ১৩৩০

যদি

“যদি” দিয়ে হাতী কেনা যায়, এ কথা নতুন নয়। যদি আজ আমি রাজতক্তে বসতে পাই—এমনকি, তারকেশ্বরের ফাঁকা গদিতে আসন পাততে পাই, ত আমি একটা ছেড়ে দশটা হাতী কিনতে পারি; এ সহজ কথাটা বুঝতে তোমাদের কিছুমাত্র কষ্ট হওয়া উচিত নয়। তবে এই “যদি”র পর একটা নিদারুণ “কিন্তু” এসে পড়েই—আর হাতী ছেড়ে একটা রামছাগল কেনাও অসম্ভব হ’য়ে পড়ে, এই বা মুঞ্চিল!

তবে এই “কিন্তু”র উপর আর একটা “কিন্তু” আছে; সেটা হচ্ছে এই যে, আমরা যখন এই “যদি”র নেশায়—এই সম্ভাবিতের দিবাস্বপ্নে মজ গুল হ’য়ে থাকি, তখন “কিন্তু”র কথাটা, অর্থাৎ তারকেশ্বরের ফাঁকা গদিতে বসবার প্রতি অন্তরায়টা, খুব প্রকট হ’য়ে আমাদের স্বপ্নের ব্যাঘাত ঘটায় না; তখন কথাটা দাঁড়ায় এই—যদি আমি রাজা হই, হাতী কিনতে পারি, কিন্তু রাজা হচ্ছি না, কিন্তু যদি হই ত কিনতে পারি ত, এই বলে “যদি”র উপর একটা প্রবল দমক দিয়ে প্রথম “কিন্তু”র খোঁচাটা ভুলে যাই। এ “কিন্তু” দিয়ে “কিন্তু”র মার—যেন কণ্টকেন কণ্টকোদ্ধরণম্।

এই “যদি” আর “কিন্তু”র মারপেঁচে আমরা এখন স্বরাজ্যরূপ

—মৌলিক নয় ; তাই তিনি এই বহুত্বের মধ্যে একের সন্ধান করে' দেখালেন—বিশ্ব এক, যেহেতু আত্মা এক—সেই এককে উপলব্ধি করতে পারলেই বহু এক হ'য়ে যাবে ।

এই একীকরণের চেষ্টায় তত্ত্বদর্শী মানুষকে তত্ত্বদর্শন করতে শিখালেন—যে তৃতীয় নেত্রে মায়া'র আবরণ ভেদ করে' সে তত্ত্বদর্শন সম্ভব হয়, সেই তৃতীয় নেত্র উন্মীলিত করবার জন্য পরপর বহুতর অনুশীলনের স্তর উদ্ভাবিত করলেন । এই অনুশীলনের পর্যায়ের নাম হল ধর্ম, সংস্কার, যোগ ইত্যাদি ;—কিন্তু সেই ধর্মের উদ্দেশ্য ও অভিপ্রায় এক হলেও, তিনিও “বহু শ্রাম” ; তাই আজ যত দেশ তত ধর্ম, দেশে যত জাতি তত ধর্ম, জাতিতে যত গোষ্ঠী তত ধর্ম, গোষ্ঠী মধ্যে যত লোক তত ধর্ম । স্মতরাং ধর্ম দিয়ে বহুকে এক করা কোনো যুগে কোনো দেশে হ'ল না—আমাদের দেশেও নয় ।

আমাদের দেশে ছিলেন হিন্দুধর্ম ;—কালে তিনি বহু হলেন ; তারপর এলেন বৌদ্ধ ও জৈন ধর্ম, তাঁরাও বহু হলেন ; তারপর এলেন মুসলমান ধর্ম ;—তিনিও অথও রইলেন না ; তারপর খৃষ্টান ধর্ম ;—তাঁরাও অনেক শাখা-প্রশাখা । এত ধর্ম-বাহুল্যে একত্ব আসে কোথা হ'তে ! ধর্ম মানুষটাকে হয়ত বাঁধতে, সংযত করতে পারে ; জাতিটাকে—ভারতীয় মনুষ্যগোষ্ঠীকে সমগ্রভাবে ধরে' আঁটি বাঁধে কি প্রকারে ? স্মতরাং আত্মাই এক হ'ক, আর পরমাত্মাই এক হ'ক—মানুষ ধর্মের দিক দিয়ে বহু হয়েই আছে ও থাকবে ।

তবে উপায় কি ? হিন্দুকে বাঁধতে গেলে মুসলমান রাগ করে, আবার হিন্দু-মুসলমানকে বাঁধতে গেলে হিন্দু-মুসলমান ছাড়া যে তৃতীয় সম্প্রদায়, হয় সে চেষ্টাকে হেসে উড়িয়ে দেন, নয় ত রাগে গর্গর্

হাসপাতালে মরেছেন। হিন্দুর গোঁড়ামী তাঁর ক্ষুব্ধবুদ্ধি করেছিল, খৃষ্টান ধর্ম তা নিবারণ করে নি।

অতএব এই ক্ষুধার সেবা কর তবেই একত্র মিলবে, এবং একত্র মিললেই বাঁচবে। যদি ক্ষুধার ডাকে সাড়া দিতে পার, ত সে মায়ের ডাকে সাড়া দেওয়ারই মত শুনাবে; কেননা মা আমাদের ক্ষুধারূপিণী; —এই তেত্রিশ কোটির ক্ষুধা যদি মায়ের ক্ষুধা না হয়, তবে সে আমাদের মা নয়!

আজ ১৪ই জুলাই, ১৩৫ বৎসর পূর্বে সমগ্র ফরাসী জাতি এই ক্ষুধার ডাকে সাড়া দিয়েছিল; আবালবৃদ্ধবনিতার জঠরাগ্নি বাড়ানলের রূপ ধারণ করে' অনাচার অত্যাচারের বিশাল বারিধিকে পরিশুদ্ধ করেছিল; সেটা ফরাসী-মায়ের ডাকেরই মত শুনিরেছিল। বুদ্ধিমান ফরাসী আবালবৃদ্ধবনিতা যে 'Come children of the fatherland, the day of glory is come বলে' সমস্বরে গেয়ে উঠেছিল সে স্তোত্র ক্ষুণ্ণবৃত্তির সম্ভাবনা-জনিত উল্লাসেরই অভিব্যক্তি মাত্র; তারা day of glory না বলে' day of feasting বললে ভাবগত বৈষম্য কিছুই হত না! অতএব 'কস্মৈ দেবায় হবিষা বিধেম' এই ঋষিবাক্যের যে উত্তর বুদ্ধিমান নিপীড়িত মানুষ যুগে যুগে প্রদান করেছে, যদি সেই উত্তর সমস্বরে দিগন্ত-বিদারী বজ্র-নির্ঘোষে দিতে পার, তবে তুমি আহিত-জঠরাগ্নি অফুরন্ত হব্যের সঙ্গে সঙ্গে অফুরন্ত কল্যাণ প্রাপ্ত হবে।

যদি বল পেটের ক্ষিদেকে patriotism করে' তুললে, কথাটা ভাল শুনায় না;—কিন্তু কখনও জিনিষটাকে তলিয়ে বুঝে কি? যে-কোন-দেশে, যে-কোন-যুগে মানুষের যে-কোন-চেপ্টা, সবই ক্ষুণ্ণবৃত্তির

“খুঁজি খুঁজি নারী”

ধর্মার্থকামমোক্ষাণাং দারাঃ সম্প্রাপ্তিহেতবঃ ইতি স্মৃতিঃ ; ধর্মার্থ-
কামমোক্ষাণাং আরোগ্যং মূলমুত্তমম্ ইতি চরকঃ । চতুর্কণ লাভের এই
দুই শাস্ত্রোক্ত পথ ; ত্রিকালজ্ঞ ঋষিগণ এই দুই পথ আবিষ্কার করে-
ছিলেন । চতুর্কণের মূল যে রোগহীনতা সেটা আবিষ্কারের জন্ম
ত্রিকালজ্ঞ না হলেও ক্ষতি ছিল না ; কিন্তু দারা যে চতুর্কণের সম্প্রাপ্তি-
হেতু সে কথাটা ত্রিকালজ্ঞ ঋষির দোহাই না দিলে আর ঠিক
গলাধঃকরণ করা যেত না । কারণ অতীত ও বর্তমানের অবস্থা হ’তে
উক্ত বচনের যথার্থ্য প্রতিপন্ন হয়েছে বলে’ মনে হয় না । ভবিষ্যতের
মুখচেরে থাকতেই হয়েছে ।

আমি কমলাকান্ত চক্রবর্তী, আমার বঁধু মিলে নাই, অতএব আমার
কথা কেহ প্রত্যক্ষদর্শীর কথা বা ভুক্তভোগীর কথা বলে’ গ্রহণ করবেন
তা আমি সাহস করে’ বলতে পারি না; তবে বঁধুহীন হলেও আমার
কথাগুলো খুব অনাস্থার যোগ্য বলে’ মনে করবারও যথেষ্ট কারণ নেই,
কেননা ঋষিগণ ত্রিকালজ্ঞ হ’লেও কুলযোষিৎগণ সম্বন্ধে প্রত্যক্ষদর্শী
ছিলেন না একথা সত্য, এবং ছিলেন না বলেই হয়ত ত্রিকালজ্ঞ
হ’তে পেরেছিলেন ।

বৃদ্ধ কমলাকান্তেরও বিবাহের কাল আসিয়াছিল, এখন চলিয়া

বেদীবিমধা যদি পঙ্কডাঙ্গী

কুলেন হীনাপি বিবাহনীয়্য ॥

ত্রিকালজ্ঞ ঋষির আদেশ না থাকলেও উপরোক্ত লক্ষণে লক্ষণাক্রান্তা স্ত্রকন্ঠার অনুমোদন সকলেই করতেন—ঋষিবাক্যে নিঃসংশয়ে করবেন এইমাত্র প্রভেদ। অর্থাৎ লোকের চোখ বলে’ একটা জিনিষ আছে ; ঋষিগণের যেমন আছে, ঠিক তেমনিই ; সেই চোখের জোরেই সে বিচার—সুন্দর অসুন্দরের বিচার, মানুষ করে’ থাকে। কিন্তু সুন্দর অসুন্দর ছাড়া, সু আর কু বলে’ যে জিনিষ আছে, তত্ত্বদর্শী ঋষিগণের তা জানা ছিল বলে’ লোকের ধারণা। সব সুন্দরই সু নয়, এবং সব অসুন্দরই কু নয় ; সু কু ঘটিত এই যে জটিল হেঁয়ালী তার পূরণ করে কন্যা সম্বন্ধে ঋষিগণ কৃত নির্দেশটাই, সাধারণ মানুষের পক্ষে, চক্ষুস্থান হলেও, খুব প্রয়োজনীয় বলে’ লোকে মনে করে। ঋষি শাতাতপ একস্থানে বলেচেন—

হংসস্বনাং মেঘবর্ণাং মধুপিঙ্গললোচনাম্।

তাদৃশীং বরয়েৎ কন্যাং গৃহস্থঃ সুখমেধতে ॥

—হাঁসের মত ডাক, মেঘের মত বর্ণ, বেরালের মত চক্ষু, এমন কন্যাকে, ঠিক ত্রিকালজ্ঞ না হলে, বরণীয়া বলে’ মনে করবার কথাই নয়।

অবরোচা কন্যা সম্বন্ধে মনু বলেচেন—

নৌদ্বহেৎ কপিলাং কন্যাং

নাধিকাঙ্গীং ন রোগিনীম্।

নালোমিকাং নাতিলোমীং

ন বাচালাং ন পিঙ্গলাম্ ॥

আমি সেই অবধি অন্বেষণ ত্যাগ করেছি ; আমি বুঝেছি এ পথহীন ভ্রমণের শেষ নাই, তাই ত্রিকালজ্ঞ না হয়েও ধর্মার্থ কাম মোক্ষের তৃতীয় পথ—সহজ পথ—একটা আমার সম্মুখে খুলে' গেছে, সেইটার সাধনা বাকী ক'টা দিন করে' যাব ।

১৪ই কার্তিক, ১৩৩০

কমলাকান্তের পত্র

পিতা অবাক—যদিও অবাক হবার কথা নয় ; আইন করে' মানুষের মনকে বাঁধতে গেলে এমন বিপরীত ফল ফলবেই । আরও অবাক হবার কথা নয় এইজন্য যে, চোখ চেয়ে চারিদিক তাকিয়ে দেখলে দেখতে পাওয়া যাবে যে, নিশিদিন এই কাজই চলেচে—বেরাল মেরে ইঁদুরকে বাঁচান, চাষী মেরে জমিদারকে বাঁচান, কুলি মেরে কুঠিয়ালকে বাঁচান, বিদেশীকে মেরে স্বদেশীকে বাঁচান, গরীব মেরে ধনীকে বাঁচান—মঙ্গলার বাছুরকে মেরে কমলাকান্ত বামুনকে বাঁচান, —এইত আব্রহ্মস্তুপৰ্য্যন্তম্ চলেইচে । এতে আশ্চর্য্য হবার কি আছে ?

ছনিয়া জুড়ে এই যে বিশাল দ্বন্দ্ব চলেচে, এক দেশের সঙ্গে আর এক দেশের, এক জাতের সঙ্গে আর এক জাতের, এক বর্ণের সঙ্গে আর এক বর্ণের, এর মধ্যে একজনকে মেরে আর একজনকে বাঁচাবার আয়োজনই চলেচে । তুমি মর আমি বাঁচি, এই হল মূল কথা । তুমিও বাঁচ আমিও বাঁচি, তার জন্য স্বর্গের সৃষ্টি হয়েছে । এই ধরাপৃষ্ঠে একজনকে মেরেই আর-একজনকে বাঁচতে হবে । কিন্তু সেই মূল অভিসন্ধিটা খুব চতুর উপায়ে আবৃত করে' রাখবার ব্যবস্থাও করতে হবে—সেই আবরণের নাম civilization.

সিংহ ক্ষুধার তাড়নায় কাঁপিয়ে পড়ে বনের হরিণীর উপর, সেটা হ'ল সিংহের সহজ অনাবৃত পশুভাব । ক্ষুধার তাড়নায় মানুষ আস্ত মানুষকে খেয়েচে, এখনও খায়, সেটাও মানুষের সহজ উলঙ্গ পশুভাব ; সে মানুষকে বলে বর্বর, savage ! কিন্তু ক্ষুধার তাড়নায় কাঁচা মানুষ না খেয়ে, যখন মানুষ উঠান চসে', আর ঠিক রক্তপান না করে', তার ধানের মরাই খালি করে' নিয়ে যায়, সে বেচারা না খেতে পেয়ে

মরে, আর তার নাম দেয় exploitation বা অবাধ বাণিজ্য, তখন সে লুণ্ঠনকারী হয় civilised.

নির্জীব, নিরীহ, গরীবকে exploit করবার জন্মই বলবান তেজোয়ান ধনবানের জন্ম। গরীব দুটা মিষ্টি-কথার কাঙ্গাল; দুটা মিষ্টি-কথায় ভুলে সে বলবানের বোঝা কাঁধে তুলে' নেয়। সে ভারবাহী হয়েই জন্মেচে, ভার বহিতে বহিতেই সে একদিন পথের প্রান্তে তার ভারাক্রান্ত জীবনের অন্ত করবে; তারপর আর-একটা শর্করাবাহী ঋষভ তার বোঝা স্ব-ইচ্ছায় পৃষ্ঠে তুলে' নিয়ে বলবান ধনীর কষাঘাতে এ বন্ধুর জীবন-পথে চলতে চলতে গরীবের "পরমা আবৃত্তি"কে প্রাপ্ত হবে। এই রকম জীবন-মরণের প্রবাহ কালসিকুনীরে অনন্তকাল ধেয়ে যাবে।

সাগর ছেঁচে মাণিক তুলে' আনে, খনির গর্ভ থেকে মণি তুলে' আনে, গরীব—ধনীর কণ্ঠহার রচিত হবে বলে', আর তার নিজের একমুষ্টি অন্ন জুটবে বলে'। ধনীর ধনবৃদ্ধির জন্ম, দৃপ্ত অহঙ্কারের চরিতার্থতার জন্ম, যুদ্ধ বাধে, দরিদ্রের প্রাণ যায়। প্রাণ গেল ত ফুরিয়ে গেল; মৃত্যুর চেয়েও ভয়ঙ্কর অবস্থা হয়, - যখন তার হাত-পা গুঁড়িয়ে যায়, চক্ষু অন্ধ হয়, আর সেই ধনীর দ্বারে অন্ধ পশুর পাল ভিক্ষারের জন্ম উপস্থিত হ'লে, নিঃস্বমভাবে বিতাড়িত হয়;—যখন নারী পতিহীনা, পুত্রহীনা হ'য়ে, দেহের বিনিময়ে উদরের অন্ন সংগ্রহ করে;—শিশু যখন স্তনের অভাবে মুকুলেই শুকিয়ে ঝরে' পড়ে। কিন্তু এ বীভৎসমূর্ত্তি সভ্যতার ঢেকে রাখবার জন্ম জয়সুস্ত তার নিল্লজ্জ শির উত্তোলন করে' দাঁড়ায়, জয়গানের কোলাহল মুমূর্ষুর বুভুক্ষিতের ক্রন্দনের রোলকে নিমজ্জিত করে, বিদীর্ণ বক্ষের উপর সোনার পদক

সুসভ্য সমগ্র ইউরোপকেও দেখেচি—ভগবানকে Lord of Hosts আখ্যা দিয়ে সমরাজনে তাঁকে ঠিক লড়াই করতে না ডাকলেও, যুদ্ধান্তে তাঁর আশীর্বাদ প্রার্থনা করে' গির্জায় গির্জায় পূজার ব্যবস্থা করতে, এবং যুদ্ধশেষে জয়লাভের জন্য Thanksgivingএর আয়োজন করতে ; সে আয়োজনকে কিন্তু বর্ষের বলবার জো নেই ! কিন্তু এই গির্জায় গির্জায় উপাসনা ও Thanksgivingএর মূলকথা কি ?—
Give us this day our daily bread !

কাব্যকলাও তাই। আমি দেখি গীতগোবিন্দ থেকে শুরু করে' "গোপালে উড়ে" পর্য্যন্ত—স্বরগরলখণ্ডনং ইত্যাদি থেকে, "ঐ পোহাল, রূপসি, নিশি" পর্য্যন্ত, কামানলের আছতির কথাই ছন্দোবদ্ধ হ'য়ে সংগীত হয়েছে। সব রসের আদি আদিরস ; এটা একটা আকস্মিক নিরর্থক শ্রেণী বিভাগ নয়। তবে তাকে ঢাকতে পারলেই কাব্য, না ঢাকতে পারলেই কাম। শীলতা বা শ্লীলতা এই ঢাকাঢাকির উপর, পদ্দার সরু মোটার উপর, নির্ভর করে—পদ্দার ভিতরের বস্তুর উপর নহে, কেননা সে বস্তু সব ক্ষেত্রে একই। আদি মানব যখন অশ্বখপত্র দ্বারা তার আদি নগ্নতাকে ঢাকবার চেষ্টা করেছিল, অনাবৃত দেহে ভগবানের সমক্ষেও এসে দাঁড়াতে লজ্জা বোধ করেছিল, তখন থেকেই সে civilized হ'তে শুরু করেছে, অর্থাৎ আবরণের মাহাত্ম্য অবগত হয়েছে।

কেউ কেউ বলেন' পশুভাবাপন্ন হ'য়ে মানুষ মানুষের হিংসা করে ; সাত্ত্বিকজীবন যাপন করতে মানুষ যদি শেখে তা হ'লে পশুত্বের বদলে তার দেবভাবই ফুটে উঠবে। আমি সে কথা বিশ্বাস করি না ; সমগ্র মানবজাতির অতীত ইতিহাস আলোচনা করে' দেখলাম যে

সত্যযুগ

কেউ বলতে পার এই সত্যযুগের কল্পনা মানুষ কোথাথেকে পেয়েছিল ?
এই সংসারের হাসিখেলা কান্নাকাটি কি অসত্য ?

সত্যযুগটা কবে তার সর্বাঙ্গসুন্দর রূপ নিয়ে সপ্রকাশ হয়েছিল তা' নিয়ে নানা মুনির নানা মত । কেউ কেউ সেই পরম রমণীয় যুগটা সৃষ্টির অব্যবহিত পরেই, কেউ কেউ তারই কিছু পরে, কেউবা এই সেদিন আবিভূত হয়েছিল বলে' মনে করেন ।

সবদেশেই এক একটা স্থান চিহ্নিতনামা করা আছে যেখানে সত্যযুগের নরনারী বিহার করেছিলেন, - পূর্ণ সরলতা, পূর্ণ সত্য, পরিপূর্ণ সুখ নিয়ে তাঁরা স্বর্গের সঙ্গে মর্ত্যের পার্থক্য তুলে' দিয়ে, এক রকম দেবতাদেরই মত এই ধরাপৃষ্ঠে বিচরণ করতেন ।

কোন্ গিরিদরীবেষ্টিত উপত্যকার বক্ষস্থলে ফল ফুল প্রস্রবনের মেলা, তার মধ্যে—আদি নর ও আদি নারী মানবজাতির আদি জনক-জননী, পরিপূর্ণ আনন্দে বিহার করতেন ; অমরার দূতগণ নেমে এসে তাঁদের সঙ্গে আলাপ করতেন ; কখনও স্বয়ং ভগবান এসে তাঁদের প্রফুল্ল কুসুমোচ্চানের দ্বারে অতিথি হতেন । স্বর্গের হাওয়া মর্ত্যে বইত, স্বর্গের সঙ্গে মর্ত্যের সাক্ষাৎ আদান-প্রদান হ'ত—সে একদিন ছিল ! কাঁটা গাছে কাঁটা ছিল না, শৃঙ্গী, নখী, দংশীগণের শৃঙ্গ-নখ-

যদি কেউ তলিয়ে বুঝতে চেষ্টা করে তা হ'লে বুঝতে পারে—যে শৈশব গিয়ে যখন কৈশোর এসেচে—যৌবনের বার্তা নিয়ে, উষার রাগ যেমন দিনের আলোর বার্তা নিয়ে আসে—তখনই তার জীবনের সত্য-যুগের সূচনা হয়েছে। যখনই তার এই দেহরূপ দেবমন্দির সুগঠিত সুন্দর হয়ে উঠেচে, আর সেই মন্দিরের অভ্যন্তরে দেবতা জাগ্রত হয়েচেন তখনই তার সত্যযুগ এসেচে। এই বিশ্বচরাচর তখন তার চক্ষে নিষ্পাপ, জরাব্যাধির বিভীষিকা তার সরল সতেজ কল্পনার বাহিরে, দুঃখ-শোক, তার ভৃত্য ; নদীর কলনাদ, পাখীর কলধ্বনি, বায়ুর নিঃশ্বন, সকলই সুমধুর সঙ্গীতের ঝঙ্কারের মত ; তার সাহস তখন অপরিমিত, তার বল তখন সকল বিঘ্ন-বিপত্রিকে ছাড়িয়ে উঠেচে, তার বৃকের প্রশস্ত বিস্তারের মধ্যে সে সমগ্র ব্রহ্মাণ্ডকে স্থান দিতে পারে—এই তার সত্যযুগ, এই তার স্বর্গ, তার বৈকুণ্ঠ।

তারপর তার দেহের তেজ যখন নিভে আসে, তার রক্তের গতি যখন মত্তর হয়, তার হৃদয়ের বিস্তার যখন কুঞ্চিত হ'য়ে আসে, তখনই তার সত্যযুগের অবসান হয়ে। ত্রেতা দ্বাপর ক্রমে কলি এসে উপস্থিত হয় ;—বিশ্বাসের পরিবর্তে সন্দেহ, সাহসের পরিবর্তে ভয়, সহৃদয়তার পরিবর্তে স্বার্থ, চরিতার্থতার পরিবর্তে আশা এসে তাকে ক্ষুদ্র নিশ্বেজ করে' ফেলে। বৎসর গুণে এ সত্যযুগের নির্ণয় হয় না ; কার কোন্ বয়সে পরিপূর্ণ দেহ মন ফুটে উঠবে কেউ বলতে পারে না, আর কতদিনই বা প্রস্ফুটিত থাকবে তা'ও কেউ বলতে পারে না। কারও কারও এই যৌবন এই সত্যযুগ আসে, আর যায় না ; স্থির যৌবনের কথা গল্প নয়, অনন্ত মহাপুরুষগণের সত্যযুগের অবসান হয় না—তারা চিরযৌবন ভোগ করেন—একথা আমি মানি। কিন্তু সকলের কি এই সত্যযুগ

আগে-পিছে

বিচি থেকে গাছ, কি গাছ থেকে বিচি, ডিম থেকে মুরগী, কি মুরগী থেকে ডিম—এ হেঁয়ালীর আজ পর্যন্ত মীমাংসা হ'ল না। কোন্টা আগে কোন্টা পিছে সব সময় ঠিক করে' উঠতে পারা যায় না বলেই দুনিয়ায় বহুত জটিল প্রশ্নের আঙু উত্তর মিলল না। আফিম খেলে তারপর মোতাত, আফিম না খেলে তারপর বেয়াড়া, এ পারস্পর্যটা যত স্পষ্ট ও সহজবোধ্য সেই রকম যদি আমাদের জোটপড়া শতগ্রন্থি জীবনরূপ সূতার ঝুটিতে (tangled skein of life) একটা স্পষ্ট পারস্পর্যের সন্ধান মিলত অর্থাৎ 'খাই' পাওয়া যেত, তা হ'লে জীবনটা মোতাতীর জীবনের মতই সরল সহজ স্পষ্ট হ'ত, তার কোন ভুল নেই।

কিন্তু এই আগে-পিছের সন্ধান পাওয়া যাচ্ছে না বলে' পদে পদে গোল বাধে। দেশের যাঁরা মাথা তাঁরা বলচেন—দেশের লোক পেট ভরে' খেতে পাচ্ছে না, অতএব আগে দেশের লোকের উদরান্নের ব্যবস্থা কর তারপর অন্য কথা। আগে ক্ষিদের উপায় কর তারপর আর কিছু—যাতে কৃষি, শিল্প, বাণিজ্যের উন্নতি হ'য়ে লোকের টেঁকে পয়সা হয়, তার ব্যবস্থা কর, তা হ'লেই ক্ষিদে মিটবে আর কোন দুঃখ থাকবে না। এটা মাথাগুলোদের কথা হ'লেও—আমি স্থিরমস্তিষ্কের কথা বলে' গ্রহণ করতে পারলাম না।

বা রুশিয়ার নরনারী কি তাদের ঘাড়ের জোয়ালটা নামাবার জন্য স্কল মাষ্টারের শরণাগত হয়েছিল? ফ্রান্সের বা রুশিয়ার নিপীড়িত নরনারী কি যথাক্রমে রুশো ভলত্যার হজম করে', বা ম্যার্কস বা কুরোপাটকিনের theory হজম করে', তবে বাস্তবিক ভাঙ্গতে অগ্রসর হয়েছিল—না Kronstadt দুর্গ অধিকার করে' বসেছিল? আমি জানি তা করে নি, কেননা ফরাসি বিপ্লবের পূর্বে দেশে প্রাথমিক শিক্ষা ছিল না। অধিকাংশ লোক নিরক্ষর ছিল, রুশিয়ারও তাই। আর আমার বিশ্বাস নিরক্ষর ছিল বলেই অত বড়, অমন বিরাট কার্যটা এক কথায়, সহজ বুদ্ধিতে করে' ফেলেছিল—পড়াশুনা থাকলে হয়ত তত্ত্বজ্ঞান আসত, ইহকাল ফেলে, পরকাল নিয়েই কাল কাটাত, আর সর্বধর্মের মূল আধা সত্যটাকে, অর্থাৎ “অহিংসা পরমো ধর্মঃ”, এই কথাটা আঁকড়ে ধরে' থাকত। আমি এত বড় কথাটা বলে' ফেল্লুম হয়ত লোকে আমাকে ছিছি করবে—কিন্তু আমার তা'তে ব'য়ে গেল। আমি বলি মার খেয়ে চুপ করে' থাকা ভগবদভিপ্রেরিত তখনই হবে, যখন সেই মারটা ভগবৎপ্রেরণা হবে; আমার অহিংসা তখনই ধর্ম হবে যখন আমার প্রতি যে হিংস হ'য়ে উঠেচে সে ভগবদভিপ্রায় অনুযায়ীই হিংস হয়েছে। তার মারটা যদি ভগবানের অনভিপ্রেরিত হয়, তবে আমার প্রতিমারটা নিশ্চয়ই অভিপ্রেরিত হবে। সুতরাং অহিংসা পরমো ধর্মঃ তখনই—যখন হিংসাটা পরমো ধর্মঃ, নহিলে নয়।

এ কথায় লোকে আমায় গালি দিক তা'তে আমার এসে যায় না, কেননা গালি যুক্তি নয়, যুক্তির অভাবজনিত গাত্রদাহের ঝাঁজ। সে ঝাঁজ আমি সহ করতে প্রস্তুত আছি—কিন্তু যুক্তির তহবিল খালি হ'য়ে গেলেও যে মানুষ তর্ক করে সেটাই অসহ। তারা তথাপি তর্ক

মকরধ্বজ

মানুষ ব্যাধি জরা মৃত্যুর বেড়াজালে বেষ্টিত ; এ ত্রয়ীর অপেক্ষাও অধিকতর বেদনার নিদান যে পেটের জ্বালা, তারও জ্বালায় নিশিদিন জ্বলে মরচে । এখন মানুষ করে কি ? উদর পুরে খেলেও আবার ক্ষিদে পায়, যত সাবধানেই থাক না কেন কোথা থেকে ছুবারোগ্য ব্যাধি এসে ধরে ; তার হাতও যদি এড়ান যায় ত—

কহে শুভ্রকেশ শিরে

এই ত ফুরাল দিন

—জরা আসে, গাছের পাতা রাঙ্গিয়ে যেমন নীত আসে, কালমেঘ সাদা করে' যেমন শরৎ আসে, তেমনি মাথার চিকুর শুভ্র করে' জরা হানা দেয় ; তারপর নদীর মোহানায় যেমন নীলাম্বুর জলোচ্ছ্বাস এসে নদী আর সমুদ্রের পার্থক্য মিলিয়ে দেয়—তেমনি জীবন মরণের মোহানায় মেশামিশি হ'য়ে সব একাকার হ'য়ে যায় । কিন্তু কালাপানির কিনারা পর্যন্ত প্রতিদিনের ক্ষিদে পিছু পিছু যায়—তার হাত একদণ্ডও এড়াবার যো নেই । অসহায় মানুষ করে কি ?

যেটা সহিতেই হবে তার আর উপায় কি ? কিন্তু মানুষ উপায় খুঁজেচে—যুগে যুগে খুঁজেচে, দেশে দেশে খুঁজেচে—কেউ বলে পেয়েচে, কেউ বলে পায়নি ।

সেকালের মুনি ঋষিরা পাকা হরিতকীর সন্ধান করেচেন, পাকা হরিতকী খেলে নাকি খাওয়ার দায় থেকে, ক্ষিদের জ্বালা থেকে অব্যাহতি পাওয়া যায়। কিন্তু কোন্ বনে, কে, করে, পাকা হরিতকী পাবে তার ত ঠিকানা নেই; সবারই ভাগ্যে মেলে কি না মেলে! তাই মানুষ মৃতসঞ্জীবনী সূধার (Elixir of Life) তন্মাস করেচে; কেউ বলে পেয়েচে কেউ বলে পায়নি—এ সন্দেহের জ্বালা সূধার জ্বালাকে বেশী করে' তীব্র করে' দিয়েচে মাত্র। কেউবা ফল বা জলের উপর নির্ভর না করে', নাক টিপে পাহাড়ের ধারে বসে' গেছে—পদ্মাসনে—জিহ্বা তালুসংলগ্ন করে',—ক্রমধাদৃষ্টি হ'য়ে—নিরুদ্ধ-শ্বাস হ'য়ে। উদ্দেশ্য, আর খেতে হবে না, আর ব্যাধির কবলে পড়তে হবে না, আর জরা এসে কেশ ধরে' টানবে না—মহিষপৃষ্ঠে ধর্মরাজ এসে অবশ্যদেয়-কর আদায় করবেন না। কিন্তু কিছুতে কিছু হয়নি বলেই আমার ধারণা।

পাকা হরিতকী কার মিলেচে জানি না, মৃতসঞ্জীবনী কোন্ বৈজ্ঞানিকের ভাটিখানায় চোলাই হয়েছে বা হবে কে জানে, নাক টিপে কে সপ্তচিরজীবীর স্থায় যুগে যুগে বেঁচে থাকবে তা জানি না; কিন্তু যদি থাকে তা হ'লে তারা কৃপার পাত্র তার ভুল নেই। নব নব রূপ রস গন্ধের, নব নব মন-প্রাণের সুরভিত ভাবতরঙ্গের, পতন ও উত্থানের, মৃত্যু ও পুনর্জন্মের পর্যায়ের ভিতর দিয়ে চির পরিবর্তনশীল জগতের panorama উদ্ঘাটিত হ'য়ে যাবে—অমর মানুষ সে রসের গন্ধের রূপের ভাবের সুরের সঙ্গে আপনার অমর অজর, স্মৃতির অচল অচঞ্চল জড় জীবনের তন্ত্রাগুলিকে এক সুরে বাঁধতে পারবে না--তার অমরত্ব মরণহীন বিষাদ ও বিজনতার চাপে দুর্বিষহ হ'য়ে উঠবে—তখন তাকে বলতে হবে—কেড়ে নাও আমার অমরতা, আমাকে মরতে দাও, বাঁচতে

সে প্রবণতা প্রকট হ'য়ে উঠবেই উঠবে ; পৈতৃক মন ও পৈতৃক দেহের উত্তরাধিকার থেকে বঞ্চিত করে এমন স্মৃতিশাস্ত্রের পঁাতিও কেহ দিতে পারে না ।

কমলাকান্তের যদি বংশ থাকত, তা হ'লে তার বংশধর যে কমলাকান্তের শূন্য অহিফেনের আধারের সঙ্গে তার আধিব্যাধিপূর্ণ শোণিত নিয়ে পৈতৃক আধিব্যাধিরও উত্তরাধিকার প্রাপ্ত হ'ত তার কোন সংশয়ই নাই । অর্থাৎ তার বংশাবতংস অহিফেন সেবন করত, কাজের মত কাজে সম্পূর্ণ অনাস্থাবান হ'ত, একটা প্রসন্ন খুঁজে নিয়ে, তার অন্ধ বিশ্বাসের সহায়তায়, তারই স্কন্ধে ভর করত, তার কোন ভুলই নেই । তবে দপ্তর লিখত কি না সে বিষয়ে কিঞ্চিৎ সন্দেহ থাকত । কেহ কেহ বলেন দপ্তর লেখাটা অহিফেন সেবনেরই *sequelae* অথবা উপসর্গ, ওটা নিষ্কর্মারই কন্ম, সুতরাং কমলাকান্ত-বংশধরও দপ্তরের বোঝা বাড়িয়ে যেত ।

আমি কিন্তু অল্প রকম ভাবি ; দপ্তরটা আমার প্রাণ, আমার সত্তা, প্রাণটা উত্তরাধিকার সূত্রে নেমে আসে না—নেপোলিয়ানের পুত্র নেপোলিয়ান হয়নি, বিঘাসাগরের পুত্র, বিঘাসাগর ছেড়ে, বিঘার খালবিল পর্য্যন্ত হয়নি । প্রাণের উত্তরাধিকার দেহ অবলম্বন করে' নামে না ; দপ্তরে অধিকার একমাত্র আমারই, জন্ম জন্ম আমারই থাকবে, তবে কোন্ জন্মে কোথায় যাব তার সন্ধান জানি না ।

মোট কথা, পিণ্ডদান করে' পুত্র পিতার ধন হরণ করে, পিতার শোণিতের সঙ্গে তার ব্যাধি আ-হরণ করে, কিন্তু কোনদিনই তার প্রাণ, তার সত্তার বিশেষত্ব প্রাপ্ত হয় না । বাপের মত ছেলে হওয়া প্রকৃতির অভিপ্রেত নয় ; যদি হ'ত তা হ'লে আদম ও হবা, মানুষের আদি

সূত্রে আবদ্ধ। অহিফেন-সেবনের অবশ্যস্তাবী ফলই অধীনতা, এবং অধীনতার অবশ্যস্তাবী ফল অহিফেন-সেবন। সে কথাই মীমাংসা আমি করব না, কিন্তু এ কথা কে অস্বীকার করবে যে, যখন চতুর্দশ অশ্বারোহী নদীয়ার সিংহদ্বারে হানা দিল, তখন অহিফেন-সরবরাহ-কারীরা লক্ষ্মণসেনকে অহিফেন-সেবনের সৌকর্যার্থে পশ্চাৎ দ্বার দিয়ে, সমরক্ষেত্রে না পাঠিয়ে, শ্রীক্ষেত্রে প্রেরণ করেছিলেন; এবং যখন পলাশীর আশ্রয়স্থানে যুদ্ধ বাধে তখন অহিফেন-সেবাত্রত দেশের লোক, আমার মত বুদ্ধ হ'য়ে বসে' রইল—এবং যখন সমগ্র দেশটা হস্তান্তরিত হ'য়ে গেল, তখন প্রসন্ন গরুটাকে এ-গোজ থেকে ও গোজে বাধলে যেমন তার কোন বিকারই লক্ষিত হয় না—তেমনি দেশের কোন লোকের কোন বিকারই লক্ষিত হ'ল না। বরং কতকগুলো লোক নূতন গোহালে এসে নূতন জীবনার লোভে ডাবায় মুখ ডুবিয়ে দিলে।

যারা সেকালে টাকায় দু' মণ চাল পাওয়া যেত বলে' বড়াই করেন, তাঁরা বুঝে দেখবেন যে সে দু' মণ চাল খেয়েও দু'কড়ার শক্তি বা বুদ্ধি সঞ্চয় হয়নি; যারা “আহা সেদিন কি চমৎকারই ছিল” বলে' সে কালের বিরহে চক্ষের জলে বক্ষ ভাসান, তাঁরা যদি সেকালটির তারিখ নির্ণয় করে' বলেন ত বেশ দেখিয়ে দেওয়া যায় যে, সেকাল যেকালই হ'ক তার জন্ম রোদন করবার কোন কারণই নেই; তার প্রধান হেতু এই যে “সেকাল”ই একালের পরাধীনতার জন্মদাতা; আমরা যে আজ দাসের জাতি তা আমাদের পিতৃপুরুষগণ দাস ছিলেন বলেই—আমাদের দাসত্ব পৈতৃক। “সেকালে”র অপূর্ব অবদান অহিফেন ও অধীনতা, উভয়ই উত্তরাধিকার সূত্রে প্রাপ্ত।

কিমাশ্চর্যমতঃপরম্

এক যে ছিল রাজা। রাজা সভাপণ্ডিতকে বল্লেন—পণ্ডিতজী, এমন কোন বাক্য আছে যা সুখে দুঃখে, রোগে অরোগে, মানে অপমানে সর্ব অবস্থায় সুপ্রযুক্ত হয় ?

পণ্ডিতজী বল্লেন—রাজন্, সে বাক্য এই “যাসা দিন নেত্রি রহেগা”। দুঃখীকে বলুন, সে বকে বল পাবে ; সুখীকে বলুন, সে সুখের মোহে আত্মহারা হবে না ; রোগীকে বলুন, আশায় তার বক ভরে’ উঠবে ; অরোগীকে বলুন, সে সাবধান হবে ; মান-গর্বিতকে বলুন, তার চোখ ফুটবে ; অপমানিতকে বলুন, তার বিক্ষুব্ধ বক্ষে পদ্মহস্ত বুলানর কাজ হবে ।

রাজা খুব মোটা রকম পারিতোষিকের হুকুম দিলেন ।

পণ্ডিতজী সর্বকালে সর্বাবস্থায় প্রযুক্ত্য আর একটা কথা বলতে পারতেন—সেটা এই “কালে কালে কতই হবে !” আফিমের ভরি দু’ সিকে থেকে দশ সিকে হয়েছে—কালে কালে কতই হবে । মেয়েমানুষে বাইসিকেল্ চড়চে—কালে কালে কতই হবে ! ছেলেরা উড়ানি ছেড়ে দিয়েছে—কালে কালে কতই হবে ! ব্রাহ্মণ রাধুনি হয়েছে, আর শূদ্র বেদাধ্যয়ন করচে—কালে কালে কতই হবে ! এক দিনের পথ এক বণ্টায় যাওয়া যাচ্ছে—কালে কালে কতই হবে !

নৃত্যশীল পুরুষ ও স্ত্রী থেকে বোধিধ্রুমে তলে ধ্যানী বুদ্ধ পর্য্যন্ত—ভাইবোনের পরম্পর স্বামী-স্ত্রী সম্বন্ধ থেকে আরম্ভ করে' পুরুষ এবং নারীর বহুবিবাহ, পরে সগোত্র consanguinity বর্জন করে' একনিষ্ঠ স্বামী স্ত্রী পর্য্যন্ত—কাঁচামাংস ভক্ষণ থেকে সাত্ত্বিক আহার পর্য্যন্ত—নানা ছবি আঁকা যায় এবং প্রত্যেক ছবির নীচে লেখা চলে—কালে কালে কতই হবে!

কাহাকেও বুঝিয়ে দিতে হবে না বোধ হয়, যে পূর্ববর্তী যুগের নরনারী ও-কথাটাকে পরবর্তী যুগের নরনারীর প্রতি বিদ্রূপ করেই বলবেন, এবং এই রকম ধাপে ধাপে চলে' যাবে। আর পরবর্তী যুগের মানুষ—আপনাদের উন্নত অবস্থার গর্ব করেই বলবেন—কালে কালে কতই হবে!

মোটের মাথায় বেশ স্পষ্টই বোঝা যায় যে সমগ্র পৃথিবীতে সত্যযুগকে যদি জ্ঞানের যুগ ও প্রকৃত পবিত্রতার যুগ বলে' ধরা যায়, তা হ'লে সেটা অতীতে অবস্থিত না হ'য়ে কোন অনাগত কালের কোলে অবস্থিত বলেই ধরতে হবে; এবং সে সুবর্ণ যুগকে কল্পনা করে' বর্তমানের সকল ক্রটি সত্ত্বেও, এই আশায় বুক বাঁধা চলবে যে “য্যাসা দিন নেহি রহেগা”—ইহার অপেক্ষা উজ্জ্বলতর, পুণ্যতর যুগ আসবে।

অতীত ও বর্তমানকে ঠিক পাশাপাশি রেখে তুলনা করবার উপায় নেই। বুদ্ধ যাঁরা তাঁরা বলবেন—“আমরা সেকালও দেখলুম আর একালও দেখলুম, অতএব আমাদের কথা শোন—সেকাল আর একাল, স্বর্গ ও নরক।” আমি কিন্তু তাঁদের কথা গ্রহণ করতে প্রস্তুত নই। তাঁরা সেকালটা দেখেচেন সত্য, কিন্তু একালটাকে বেশ দেখতে পাচ্ছেন না। “চাল্‌সে” বলে' একটা চোখের ব্যাধি আছে; তেমনি মনশ্চক্ষুরও “চাল্‌সে” আছে,

astigmatism আছে ; তা'তে স্পষ্ট দর্শন ও অবিকৃত দর্শনের বাধা হয়। তাঁরা যে চক্ষুতে সেকাল দেখেছেন সে চক্ষু, চল্লিশ পার হওয়ায়, তাঁদের নেই ; তাঁদের এখন অন্ধের হস্তি-দর্শনের ত্রায় একদেশদর্শিতা এসেচে, বর্তমানকে তাঁরা খুব ঘোলাটে রকম দেখেছেন। বর্তমানের সঙ্গে তাঁদের প্রাণের সংযোগ নেই বলে' তাঁদের দেখার সম্পূর্ণতা হচ্ছে না ; 'যাকে দেখতে নারি তার চলন বাকা' একথা যদি সত্য হয়, তা হ'লে যাকে দেখতে পাইনা সে না জানি কি রকম কিস্তৃত, এটাও খুব সত্য। বৃদ্ধদের এই দশা হয়েছে।

আমি ৪০ বৎসর পরে, আমার জন্মস্থান দেখতে গিয়েছিলাম ;— বানপ্রস্থের জন্মস্থান দেখার বিধি আছে ; আমি বহুদিন বাবৎ প্রসন্নর বাড়ী বানপ্রস্থ নিয়ে আছি। ৪০ বৎসর আগে আমার চোখ ছিল উজ্জ্বল, কল্পনা ছিল সজীব, আশা ছিল এক বুক, উগ্ন ছিল সীমাহীন, দেহ ছিল ক্ষুদ্র, জ্ঞান ছিল অল্প। আমি আমার ছোট হাত পা দিয়ে, আর উদ্দাম কল্পনা দিয়ে আমার জন্মস্থানের পরিমাপ করেছিলাম। স্মৃতিরূপে দেখেছিলাম বাড়ীটা কত বড়, উঠানটা মাঠের মত বিস্তৃত ; উঠানে দাঁড়ালে ঘরের পোতা ছিল আমার এক বুক, ঘরের দরজা জানলা ছিল উঁচু—আমি পায়ের আঙ্গুলের উপর ভর দিয়ে দাঁড়িয়েও নাগাল পেতাম না। আর সেই রঙ্গীন কল্পনায়—ছেলেবেলার সহচর সহচরীরা, তাদের সঙ্গে খেলাধুলা, তাদের সঙ্গে সন্ধিবিগ্রহ কত মধুর রঙ্গীন Mosaic রচনা করে' রেখেছিল। ৪০ বৎসর পরে যখন সেই শৈশবের ক্রীড়াভূমিতে গিয়ে দাঁড়ালাম, তখন কোথায় বা সে বিশাল প্রাঙ্গন, আর কোথায় বা সে উচ্চ ঘর বাড়ী ; তারা ক্ষুদ্র হ'য়ে, সঙ্কীর্ণ হ'য়ে, আমায় যেন চেপে মারবার মত চারিদিকে ঘিরে' দাঁড়াল। খেলার

সাথী যারা বেঁচেছিল—তাদের সে রঙ্গীন উজ্জল লীলাময় চাঞ্চল্য নেই ; তারা সব স্থবির, অবনত, ভগ্ন—সেই ক্ষুদ্র বাড়ীখানা, সেই ক্ষুদ্র গবাক্সসম্বল অন্ধকারময় কক্ষ, সেই ক্ষুদ্র উঠানের মতই ভগ্ন, নিশ্চিন্ত সংকীর্ণ হ'য়ে দেখা দিল। সুধু একটা জিনিষ আমার ছেলেবেলাকার কল্পনাকে ছাড়িয়ে উঠে আমাকেই ক্ষুদ্র করে' দিলে—সেটা উঠানের প্রান্তস্থিত কাঠালগাছটি। আমি বড় হয়েছি, আমার হাত পা বড় হয়েছে, তাই যেটা মোটেই বাড়েনি, যা ছিল তাই আছে—তাকে ক্ষুদ্র দেখলাম ; আর যে আমার চেয়েও ত্বরিত বেগে বেড়ে উঠেচে—সেই প্রকৃতির জীবন্ত বৃক্ষটি—সেই সুধু আমাকে ক্ষুদ্র করে' দিলে। এই রকম প্রাণময় বর্তমান মৃতবৎ বৃক্ষদের ক্ষুদ্র করে' দেয় ; এবং বৃক্ষেরা শোধতোলা হিসাবে তাঁদের মৃত অতীতকে বড় করে' বর্তমানকে ক্ষুদ্র করে' দেখেন।

আমার বিশ্বাস যদি আমাদের কালের বুড়ারা তাঁদের যৌবনের কল্পিত রাজ্যে ফিরে যেতে পারেন, তা হ'লে তাঁদের কল্পিত স্বর্ণপুরীকে নিশ্চিন্ত মাটির ঢিবীর মত দেখবেন, কারণ মৌজের চোখে যেটা বতখানি রঙীন দেখায়, সাদা চোখে সেটা ঠিক সেই পরিমাণেই মলিন দেখাবে—আর কল্পনা ও মৌজ মোটের মাথায় একই পদার্থ।

তবে একটা কথা এই যে, যুগে যুগে সুখ-দুঃখের হিসাব-নিকাশ করে' কৈফিয়ৎ কাটলে, জমার-খরচে মিলে যাবে। আমার এক ছেলেবেলাকার খেলুনী বলত (তার মা যখন তার মাথার একরাশ চুল নিয়ে বিত্বাস করতে বসতেন) যে, “বেটা ছেলে হওয়া ভাল, বেশ চুল বাঁধতে হয় না,”—(চুল বাঁধাটা যুবতীর পক্ষে এক, শিশুর পক্ষে আর-এক)—এবং পরক্ষণেই বলত—“নাঃ, বেটাছেলে হ'লে আবার

পাগল

একটা পাগলা একখানা টিকে ধরিয়ে নিয়ে হাসতে হাসতে গায়ের ভিতর ঢুকলো,—হুহু কচ্ছে হাওয়া, ঝাঁ ঝাঁ কচ্ছে বৌদ্র, পাগলা গিয়ে শুকনো বন্বানে খড়ের চালে সেই টিকেখানা সংযুক্ত করে' দিলে ; ছোঁয়াচে রোগের মত টিকের আগুন খড়ে গিয়ে প্রবেশ করলে ;—প্রথমে ধূম, তারপর অগ্নি, তারপর হতাশনের লেলিহান শিখা গগন ছেয়ে ফেলে—দেখতে দেখতে, একখানা, দুখানা, দশখানা খড়ের চাল ধরে' উঠল—সমগ্র গাঁখানা হাহাকার করে' উঠল—ছেলে মেয়ে, স্ত্রী পুরুষ, প্রাণ রাখবে কি ধন রাখবে বঝে উঠতে না পেরে, ছুটাছুটি সাব করলে ;—তাদের আর্তনাদ অগ্নিশিখার সঙ্গে আকাশের দেবতাব দিকে ছুটে চলল—আগুন খামলো না, ঘরের সঙ্গে তাদের কপাল পুড়ে ছাই হয়ে গেল !

তখন তারা দেখে—পাগলা সেই জ্বলন্ত টিকেখানা হাতে করে' দাঁড়িয়ে হাসচে । সকলে বললে, পাগলা কি করলি ! কি সর্বনাশ করলি ! প্রশ্ন করে' উত্তর নেবার যাদের অবকাশ বা ধৈর্য্য ছিল তারা শুনলে, হাহা করে' হেসে, পাগলা বলচে,—“বাবা, সূদের ঠেলায় এত, এই দেখ আসল আমার হাতে !”

তোমরা এই দুর্দিনে সূধু সূদের বহর দেখে চমকে উঠচ ;—হেথায়

করে' বেড়ে উঠবে—তাদের শৈশবে আফিম ধরিয়ে হাড্ডিসার, খৰ্কাকৃতি, রসহীন, বলহীন ব্রহ্মচারী করে' তোলা হচ্ছে। তারা বড় হ'য়ে (যদি বড় হওয়া পর্য্যন্ত টিকে) আমার মতই লক্ষীছাড়া হবে, তার কোন ভুলই নেই ; নয় ত কাঁচকলাভাতে ভাত খেয়ে শীঘ্রই দেবভোগ্য হ'য়ে উঠবে এটাও অবধারিত।

আমি বলছিলাম সাধারণতঃ একটু বয়স হ'লে আফিম ধরতে হয় ! বয়স হ'লে মানে, ধর ৪০এর কোটা পার হ'লে—যখন হজমটা একটু কম হ'য়ে আসচে, গাটে একটু বাত আশ্রয় করচে. প্রশ্রাবের পরিমাণ একটু বেড়েচে—সেই সময় আফিম ধরলে উপকার হয়, কবিরাজ মহাশয়েরা বলবেন। আর ঠিক সেই সময়েই তোমাদের আফিমটা সাধারণতঃ ধরবার নিয়ম। অর্থাৎ রক্তের জোরটা যখন কমে' এসেচে, নিজের হাত পা বুকের জোরটা যখন কমে' এসেচে, ছুনিয়ায় যা খেয়ে খেয়ে যখন আপনার শক্তির উপর অনাস্থা এসে পড়েচে—ঠিক সেই সময় গুরুকরণ, গীতাপাঠ, সন্ধ্যা, আফিক, গঙ্গান্নানাদি আফিমের আনুবঙ্গিক প্রক্রিয়ার আরম্ভ করতে হয়, এবং উঠতে, বসতে, হাই তুলতে, আফিমের স্রষ্টার (যার স্রষ্টা তুমি) নাম উচ্চারণ করতে হয়। কিন্তু জানবে এই সব লক্ষণাক্রান্ত যে ধর্ম্য সেটাও একটা ব্যাধি, রক্ত কমজোর হওয়ার সঙ্গে সঙ্গে দৈহিক ব্যাধির মত এসে চেপে ধরে।

আমার আফিমের সঙ্গে তোমার আফিমের আর এক সাদৃশ্য এই যে, দুটারই anodyne properties আছে ; অর্থাৎ যন্ত্রণার মাত্রা হ্রাস করে। পেটের ব্যথায়, পেশীর ব্যথায়, আফিম খেলে বা আফিমের প্রলেপ দিলে ব্যথা কমে। তোমার আফিমেও মনের জ্বালা, সংসারের

ঝালাপালার হাত থেকে কখনো কখনো অব্যাহতি পাওয়া যায়। কিন্তু তা বলে' আমার আফিম আর তোমার আফিম বিষ নয় এটা প্রমাণিত হয় না। ধর্ম্য মানে অমৃত, আর আমার আফিমও অমৃত—আমরা উভয় আফিমখোরই “অমৃতস্য পুত্রাঃ”—এই অমৃত মানে আভিধানিক বলেন বিষ এবং অমরত্বপ্রদায়িনী সুধা দুই-ই।

আমার অহিফেন আর তোমার অহিফেনের এই তৃতীয়বিধ সাদৃশ্য একবার প্রণিধান করে' দেখ। যদি অল্প মাত্রায় খাও, আমার আফিমে dyspepsia সারে, তোমার আফিমেও হয় ত মাত্রানুযায়ী সেবন করলে, রস পরিপাক হ'য়ে আধ্যাত্মিক স্বাস্থ্য প্রদান করে। কিন্তু মাত্রা ছাড়িয়ে উঠলে উভয়বিধ অহিফেনে বিষক্রিয়া উৎপন্ন করে—মানুষটাকে মেরে ফেলে। আমার মত অহিফেনসেবী সকল কাজের বা'র ; আর তোমার অহিফেনের উপাসকও সকল কাজের বা'র হ'য়ে যায়। তার প্রমাণ, আমার জীবনধারণের জন্ত আমার হাত-পা কোন কাজে লাগে না—একটা প্রসন্নরূপিনী আশ্রয়দায়িনীর প্রয়োজন হয় ; তোমার আফিমথেকোগুলোকে দশ জনে না পুষলে তাদের চলে না। তাই মঠ, মন্দির, আখড়া ইত্যাদির প্রয়োজন—এই আফিমথেকোদের পোষবার জন্ত।

তোমাদের আফিম আর আমার আফিমে আর একটা সাদৃশ্য এই যে, কোন মোতাতীকে যদি তোমার কোন প্রকার আধিব্যাধির কথা বল ত তিনি অমনি চিকিৎসকের আসনগ্রহণপূর্বক বলবেন—একটু আফিম খাও। পেটের অসুখ?—একটু আফিম খাও। মাথাধরা?—একটু আফিম খাও। বহুমূত্র?—একটু আফিম খাও। নিদ্রা হয় না?—আফিম খাও। বড় গরম?—একটু আফিম খাও। বড়

এই—তোমার অহিফেন নিয়ে তুমি নিজের ঘরে, নিজের মণিকোটায় যা খুসী তা কর—তোমার আফিম সার্থক হ'ক—“অশ্বিনী ভরণী কৃত্তিকা রোহিণী” পারে তোমাকে ব্রহ্মলোকে বা শিবলোকে বা গো-লোকে নিয়ে যা'ক ; অন্য কাহাকেও সঙ্গে নেবার বাস্তবতা দেখিও না ; আর কেউ তোমার সঙ্গে সাথী হ'ল কি না তার জন্ম বাস্তব হয়ো না ; যেহেতু তোমার ধর্ম্মাধর্ম্ম তোমারই—আর কারও নয় ; একথা না বুঝলে গা জ্বলবে, মানুষ মরবে । বাহিরের সঙ্গে, গ্রামের সঙ্গে, দেশের সঙ্গে নিরবচ্ছিন্ন মানুষে মানুষে যে সম্বন্ধ তাই স্থাপন কর,—হিন্দুর সঙ্গে, মুসলমানের সঙ্গে, জৈনের সঙ্গে, শিখের সঙ্গে, শুধু মানুষের সম্বন্ধ স্থাপন কর—এই ধর্ম্মই যুগধর্ম্ম, আর সব পাগলামি । তোমার আজকের এই পাগলামি দেখে যিনি আদিদেব পুরুষপ্রধান—তিনি হাসচেন, আর বলচেন, দেখ আমার পাগলেরা কি খেলা খেলে ।

প্রত্যেকে এই সোহং মন্ত্র সাধনা কর, সেই সাধনার ফলে যে বহুর উদ্ভব হবে—সে বহুবচনে কাজ হবে। অতএব আমার উপদেশ অহংকে যুগ না পাড়িয়ে—জাগাও, উদ্বুদ্ধ কর, কর্মক্ষমতাকে ফোটাও, যা-কিছু করবার আছে সেটা একমাত্র তোমারই কাজ এই অনুপ্রেরণায় অনুপ্রাণিত হও—এই অহংকে পূর্ণতা প্রদান কর—মোক্ষলাভ হবে। চালাকির বহুবচনে, আর গৌরবের বহুবচনে কিছু হবে না। কেননা, হে শ্বেতকেতু, হে ভারতের তরুণ, নবীন, তুমি ভগবান কি না জানি না, কিন্তু তুমি ভগবানের প্রেরিত এ কথা মানি,—যে তাঁর বিশ্বরথ টেনে তার নির্দিষ্ট পথে নিয়ে যাবে, সে তুমি ;—যে এই রথের অবার্থ অগ্রগতি সংরক্ষিত, পরিপুষ্ট, বর্দ্ধিত করবে, সে তুমি ;—যে সে পথের সকল বন্ধরতা, সকল কণ্টক দূর করবে, সে তুমি। আমি স্থবির, অামাকে বহুর মধ্যে আত্মগোপন করতেই হবে, গডডলিকাপ্রবাহে গা ঢেলে দিতেই হবে—কিন্তু তুমি নবীন, তুমি একবচনের সাধনা কর,—তুমি একাই করুণা, জ্ঞান, তেজ, ত্যাগের সাধনা করে' রাজার আসনে বস।

৭ই জ্যৈষ্ঠ, ১৩৩৩

কর্তব্যের বোঝাটা বেশীর
ধে ততটা পড়ে না ; স্নেহ
ফ, এমন কি কুসন্তান হলেও ।
ভসন্ধি এই ।

নহেন, আমার জননী নহেন ;
পূর্ব জন্মে আর এই জন্মে তাঁকে
আবার গড়েচি—আমি তাঁর জনক,
প্রতিপালক রক্ষক, আমি তাঁর সৃষ্টি-স্থিতি-

—দেশ আগে না মানুষ আগে ? সে পুরাতন
ন, হবে না—ডিম আগে কি মুরগী আগে ?
গে, না আম গাছ আগে ? তার মীমাংসা হবে
যদি আমার দেশ বলতে সিন্ধুবারি-বিধৌত, তুষার-কিরীটী,
শুনা-প্লাবিত ভূখণ্ড মাত্র বুঝাত—তাকে আমরা সৃষ্টি করিনি
যুগে যুগে সে ভূখণ্ডটা একই ছিল, একই থাকবে—সিন্ধুজলের
লবণ কমবে না, তুষার গলে' শেষ হবে না, জাহ্নবী বমুনা শুকিয়ে যাবে
না ; তার জন্তু আর ভাবনা কি ? তাকে মা বলাই বা কেন, বাবা
বলাই বা কেন ? মা-বাবা সম্বন্ধটা তখনই আসে যখন লালনপালনের
কথা আসে—ভাঙ্গাগড়ার কথা আসে—হাসবুদ্ধির কথা আসে—
উঠানামার কথা আসে—জন্মমৃত্যুর কথা আসে । এ সব কথাই
মানুষের সঙ্গেই আসে, আর মানুষের সঙ্গেই থাকে । সেই
মানুষ আগরা ; পাহাড়-পর্বত, নদনদী, উর্বরক্ষেত্র মরুভূমি, চিলকা-
হ্রদ বা লবণসমুদ্র ছাড়া যে পদার্থগুলি—চঞ্চল, পরিবর্তনশীল, জ্ঞানময়,

জানিনা

ইচ্ছাময়, কাম্যময় যে মানুষ
আমরাই রক্ষক, এবং অ;
প্রলয়কর্তা—আমরা জনকজননী,
দেশটা মা নয় আমরাই তা
তপঃক্ষেত্রে বেদের উদ্ভব করেছি
জ্বলে জ্ঞান ধন্য প্রচার করেছি
করেছি, আমরাই শঙ্করাচার্যের সব
করে' বুদ্ধত্বকে নিমজ্জিত করেছি ; আমরা
গড়েছি, শাস্ত্র লিখেছি, আবার তাকে
মুছেছি ; আমরাই মহম্মদ ঘোরিকে ডেকে
বসিয়েছি—এই যে বিপুল সৃষ্টিস্থিতিপ্রলয়—তার
হিমালয় নয়, বিকানীরের মরুভূমি নয়, পঞ্চনদ নয়,
সাগর-সঙ্গম নয়, বারাণসী নয়, সেতুবন্ধ নয়, পুরুষোত্তম নয়
মাতৃভূমি বোলো না, পিতৃভূমি বোলো না, তা'তে জনকের স্রষ্টার
কমে' যায়—সে দায়িত্ব কমানই যদি অভিসন্ধি হয় তা'তে আমার
বলবার নেই ।

নিরাশায় যখন বুক ভাঙে, নিজরুত দুষ্কর্মের ফলে যখন জর্জরীভূত
হই, তখন 'মা নিস্তারিণী' বলে' ডাকবার কেউ থাকলে একটু বল পাই,
আশা পাই, কূলকিনারাহীন দুঃখ জলধির তরঙ্গে একটা আশ্রয়
পাই—তাই হয়ত মা বলে' ডাকি, চাঁৎকার করি, রোদন করি—
কিন্তু কোথায় মা ? তোমার সহায়হীনা কণ্ঠা, তোমার দুষ্কৃতির
ফলভাগিনী হ'য়ে তোমারই মত রোদন কছেন—শুনতে পাচ্চ না ?
অতএব দেশকে মা বলে' নিজের দায়িত্ব খাট কর' না, যেখানে অবলম্বন

হে মা

হে মা কালী কল্কতেওয়ারী, আমি
না মা! যুযুৎসু কুরুপাণ্ডবের মধ্যস্থলে দাঁ,
বাক্যেন” মধ্যম পাণ্ডবের মোহ উৎপন্ন ক
তুমিও যুযুৎসবঃ হিন্দু-মুসলমানের মধ্যে অবস্থিত হ
বুদ্ধিঃ মোহয়সীব মে” — আমি যে কিছুই বুঝে উঠে
হে মা কালীঘাটের কালী, হে মা ঠন্ঠনের কালী, হে
কালী, হে মা রাজসাহীর কালী—তোমার মন্দির ভেঙ্গে
বিগ্রহকে গাছে লটকে দিয়ে বাণিজ্যচারী যদি নির্ঝিবাদে ঘরে গিয়ে
তা হ’লে কবির কথায় যে বলতে ইচ্ছা করে—

“দেখ, দেখ, কি করে’ দাড়ারে আছে, জড়
পাষণের স্তূপ! মূঢ় নির্ঝোধের মত!
মুক, পঙ্গু, অন্ধ ও বধির! তোরি কাছে
সমস্ত ব্যথিত বিশ্ব কাঁদিয়া মরিছে!

পাষণ চরণে তোর, মহৎ হৃদয়

আপনারে ভাঙ্গিছে আছাড়ি! হা হা হা হা!”

অত্যাচারী, অবিচারী যদি তোমার শ্রীঅঙ্গে আঘাত করেও
অনাহত গৃহে ফিরে যেতে পারে— তা হ’লে যে জিজ্ঞাসা করতে ইচ্ছা করে,

টিকুটি হচ্ছে। মাতা যখন
চেন, শিশু তাঁর চুলের মুটি দুই
তার তার ছয়স্ত পা দুখানি মাতার
মাতা কোপের অভিনয় করে নিজ
সন্তানের মুখ চুম্বন কচ্ছেন। আমি
সন্তানের। এ থেকে কবি মা কালীকে
ব না, আর সন্তানকে ভৎসনা করলেও

অধিনায়ক তথাপি বলিলেন—“যে আমার হুকুম অমান্য করিবে তাহাকে কঠিন সাজা দিব।”

সিপাহিগণ—“আরে আমার সাজাদেনে ওয়ালা! মারো শালাকো।”
যেমন কথা তেমনি কাজ—অধিনায়কের মৃতদেহ ধূলান্ন গড়াগড়ি গেল।

সিপাহিগণ অন্ত আর একজন ব্যক্তিকে নায়ক মনোনীত করিল এবং প্রশ্ন করিল—“লুট, না লড়াই?” সে মৃতদেহের দিকে কটাক্ষপাত করিয়া বলিল—“লুট!”

হৈ হৈ শব্দে সিপাহিগণ দেশবাসীর সর্বনাশ করিতে ছুটিল।

এই তোমাদের তথাকথিত First War of Indian Independence, আর আমি বলি—The first organized plunder of the people, by the people, for the People (with a capital P). এই এক দিনের ঘটনা, সমগ্র বিদ্রোহের প্রতীকরূপে প্রমাণ করিয়া দিল যে, দেশবাসীর রক্তে অকারণ নদী বহাইয়া দেশোদ্ধার হইবার নহে। আরও প্রমাণ করিয়া দিল যে, Democracy মানে ভূতের নৃত্য—যদি প্রমথনাথের শিক্ষা ভূতগুলিকে পরিচালিত বা প্রশমিত না করে।

Democracyর নামে অনেকে নৃত্য করিতেছেন—কিন্তু Democracy বলিতে কি বুঝায় তাহা এ পর্য্যন্ত বুঝা গেল না। Democracyর তত্ত্ব বিশ্লেষণ করিতে গিয়া একজন খুব বড় Democratic দেশের পণ্ডিত কবুল করিয়াছেন—Like many unquestioned words it is not only vaguely sublime

but sublimely vague. যেমন তোমাদের “স্বরাজ” কেউ বলেছেন—Democracy means that any man could do as he liked if he called it freedom and equality.

কেউ বলেছেন—Democracy is want of Government which like equality offered great rewards to every unequal work.

কিন্তু সবচেয়ে স্পষ্ট ও সম্পূর্ণ সংজ্ঞা তিনিই দিয়েছেন, যিনি বলেছেন—Democracy is that artful organization wherein nine fools have the privilege of shouting down one wise man.

এই মাথাগুস্তি করে’, ভূয়সিকা (majority) দ্বারা সত্য আবিষ্কারের উপর আমার আস্থা নাই। জগতের ইতিহাসে পুনঃ পুনঃ দেখা গিয়াছে সত্য একজনেই আবিষ্কার করে’ থাকে—সে আবিষ্কারক বেদব্যাসই হন বা বুদ্ধদেবই হন, নিউটনই হন বা গ্যালিলিওই হন, রুশোই হন বা লেনিনই হন, গান্ধিজীই হন বা দেশবন্ধুই হন। কমিটি করে’ ভোট নিয়ে সত্য আবিষ্কার হয় না। একজন মহাপুরুষ বলেন—If Newton were to sit down in a Round-table conference with Liebnitz and Descartes, the law of gravitation would never have been discovered. একথা আমি মানি। গ্যালিলিও কমিটি করবার মত লোকই পেতেন কিনা সন্দেহ ; যদিই বা পেতেন, সমগ্র খৃষ্টীয়-জগৎ খড়াহস্ত হ’য়ে সে কমিটিকে unlawful assembly বলে’ বরিশালী দাওয়াই দিয়ে দিত। Democratরা বলবেন—সত্য আবিষ্কার,

মন্ত্রদর্শন না হয় কমিটি করে' হয় না, কিন্তু কোন আনিকৃত 'সত্যের প্রয়োগের বেলা, মন্ত্র-প্রয়োগের সময়, দেশের মত না লইলে কি চলে ? হয়ত চলে না। কিন্তু এ দেশের মত মানে কি আমি বুঝিয়ে দিতে চাই।

“ধামা” কথাটির প্রয়োগ বাঙ্গালা ভাষার দুইটি শব্দে আছে— ধামা-চাপা এবং ধামা-ধরা। ধামা-চাপার ধামা অর্থে আমি বুঝি ‘আবরণ অর্থাৎ ঢাকা। কোন অপ্রিয় বিষয়ের আলোচনা স্থগিত রাখবার নাম “ধামা-চাপা” দেওয়া, ইংবাজীতে থাকে বলে—shelving. কমিটি, বা assembly, বা কমিশনের মত অপ্রিয় বিষয়কে চাপা দিবার সুব্যবস্থা আর কোথাও আছে কি না জানি না। ওয়ারেন হেস্টিংসের ‘অত্যাচার-কাহিনী প্রমাণিত হ’লেও Mother of Parliamentএ “ধামা-চাপা” দেওয়া হয়েছিল। Parliament গণতন্ত্রের রচিত একটা খুব শক্তিশালী যন্ত্রবিশেষ। হেস্টিংসের ব্যাপারটা কোন জজের আদালতে পেশ হ’লে “ধামা-চাপা” দেওয়া তত সহজ হত না ; কিন্তু গণতন্ত্রের উদ্ভাবিত যন্ত্রবিশেষ জজ হ’য়ে বসায় “ধামা-চাপা” সহজে দেওয়া গেল।

কমিশন বসাইয়া উপস্থিত ভারতবর্ষের অশেষ কল্যাণের হেতু টাকায় ১৬ পেন্স Exchangeকে “ধামা-চাপা” দিয়া, টাকায় ১৮ পেন্স বাহাল করা হইয়াছে। কমিশন বসাইয়া কোন প্রস্তাব বিশেষকে “ধামা-চাপা” দিবার নিদর্শন ভারতবর্ষের ইতিহাসে ভূরি ভূরি বর্তমান রহিয়াছে। সেই সমস্ত নিদর্শন চোখের উপর বিজ্ঞমান থাকিতে Democracyকে ধামা-cracy বলিলে স্বরূপ বর্ণনাই করা হইবে বলিয়া আমার বিশ্বাস—দেশের মত লইয়া চাপা দেওয়া হয় বলিয়া বে

C. R. Das নেতা ; আর লুটের সিপাহীদলের নব-নির্বাচিত নায়কটি নীত মাত্র । আজকাল পথে ঘাটে যে leader পালে পালে দেখিতে পাওয়া যায়, তাঁহারা প্রায় সকলেই নীত মাত্র, নেতা নহেন । তাঁহাদিগকে যদি “ধামাধরা” বলা যায় এবং তাঁহাদের তাঁবে যে crowd আপনার গৌ-ভরে সাতপুরুষের সঞ্চিত অন্ধকারের বোঝা বহিয়া গড্ডলিকা প্রবাহবৎ চলিয়াছে, তাহাদের সমষ্টিগত জীবনকে যদি “ধামা-cracy” বলা যায়—কিছুই অন্য় হয় না বলিয়া আমার বিশ্বাস । এই “ধামাধরা”-নেতাগণ-পরিচালিত Democracyর দুর্দশার সীমা থাকে না । Democracyর জননী বর্তমান ফ্রান্স ও তাহার ছয় পয়সা মূল্যের ফ্রাঙ্ক তাহার নিদর্শন ; আমাদের দেশেব বিচ্ছিন্ন বিপর্যাস্ত অবস্থাও আর একটি নিদর্শন ।

কিন্তু প্রকৃত নেতা যিনি তিনি crowdএর আদার এক মুহূর্তও সহ করেন না ; crowdএর সবত্ব-সঞ্চিত অন্ধকারের পরিপুষ্টি সাধন লোক-ধন্য বলিয়া গ্রহণ করেন না ; জনমতের নামে বাঁদরামি ও ভণ্ডামির প্রশয় দিতে হইলে এ কথা স্বীকারই করেন না ; পরম জনমতকে ভাঙ্গিয়া চূর্ণ বিচূর্ণ করিয়া নিজমতে পরিণত করেন ; তাহার নৈসর্গিক বৈদ্যাতিক শক্তি-সঞ্চালনে বিভিন্ন বিরুদ্ধ প্রকৃতিকে এক অপূর্ব সম্মিলনে মিলাইয়া দেন , যাহা কিছু আছে, আছে বলিয়াই, অনেকদিন আছে বলিয়াই, তাহার কাছে সম্মানের বস্তু নহে । যাহা আছে, তাহা কল্যাণের জন্ত কি না, তাহাই তিনি দেখেন, এবং অব্যর্থ দৃষ্টিতে তাহার প্রকৃত রূপ দেখিতে পান ; ধ্বংস যোগ্য বিবেচনা করিলে নিশ্চয়ই আয়াতে তাহার ধ্বংস সাধন করেন । তাহার কাছে—ক্রমে ক্রমে, শনৈঃ শনৈঃ, র’য়ে বসে’—এ সবই নিরর্থক

আমি প্রসন্নর সঙ্গে কথা কাহিয়া বুঝিয়াছি—তাহারও ঐহমত !
 সে বলে—এক গোয়াল গরু, সবই গরু, আন দুটো করে' সিং আছে,
 এবং সবাই ঘাস খায়, আর ভাগাড়ে যায় বলে' কি সব গরু সমান,
 এবং সব গরু সমান মনে করে'—সকলের সমান কদর হবে? যে
 গরু যেমন দুধ দেয় তার তেমনি আদর, সে তেমনি ঘাস জল, খুদ
 ভুসী পাবে। তবে মুসলমানের সঙ্গে যুক্তিবাবর সময় সবাই গোমাতা
 বটেন। কেননা আমার গোহালে অঘত্রে না খেতে পেয়ে মরা এক,
 আর ছুরির আঘাতে মরা আর এক। আমাদেরও সেই দশা,
 ছত্রিশ জাতের খপ্পরে পড়ে হিন্দু হাবুডুবু খাকনা, কিন্ত রাজার সভায়
 আমরা সব সমান। এটা খুব জবর অভিনয় বটে !

১০ই ভাদ্র, ১৩৩৩

তোমাদের চিরদিনের অভিযোগ, শাস্ত্রত অভিযোগ বশিলেও অত্যাঙ্কি হয় না—তোমরা স্বাধীন সৈরিক্রী নহ, তোমরা নির্যাতিতা, তোমরা প্রচুর শিক্ষা হইতে বঞ্চিতা ।

এ পোড়া দেশে শতকরা ছয়জন মাত্র শিক্ষিত অর্থাৎ লিখিতে-পড়িতে জানে—ইতিপূর্বে, অর্থাৎ সনাতন ধর্ম ও সনাতন সমাজ-স্থিতির পূর্ণ প্রকোপের যুগে তাহাও ছিল না । এই ছয়জনের মধ্যে যদি পাঁচজন পুরুষ ও একজন নারীও হয়—তাহা হইলে বেশী উতলা হইবার কারণ এখনও সমুপস্থিত হয় নাট ।

তারপর শিক্ষা লইয়া হইবে কি ? যদি স্তত্র অর্থাৎ পুরুষের কবলের বাহিরে যাইবার পারদর্শিতালাভই তাহার উদ্দেশ্য হয়, তাহা হইলে—হে নারী ! মনেও করিও না যে সে শিক্ষালাভের সহায়তা কোন পুরুষ করিবে এবং করা উচিত । কারণ, একথা ভুলিলে চলিবে না, শতের মধ্যে একজন নারী সৈরিক্রী হইয়া কল্যাণময় জীবন যাপন করিতে পারেন বলিয়া আর ৯৯জনের মধ্যেও তাহা সম্ভব । যাহা সাধারণভাবে সম্ভব নহে, তাহা সাধারণের অবলম্বনীয় ব্যবস্থা হইতে পারে না—অর্থাৎ কোন সমাজের ধারা হইতে পারে না ।

তারপর সৈরিক্রী হইলে নারীজীবনের চরম উদ্দেশ্য সাধিত হইবে কি না তাহাও দ্রষ্টব্য । নারীজীবনের সার্থকতা পুরুষ-সম্পর্ক এবং সন্তানোৎপত্তি ! একথা যে নারী ভুলিবেন তাঁহাকে কমলাকান্ত “বাবা মেয়ে” বলিয়া নমস্কার করে । “অঁটকুড়ী”র জীবন—কুমারীরই হউক আর পরিণীতারই হউক—যুগে যুগে, দেশে দেশে নারীহিসাবে ব্যর্থজীবন ।

অত্যাচারিতের উপর কবির অভিসম্পাত সর্ববিধ অত্যাচারের সম্বন্ধেই প্রযুক্ত্য—প্রজার উপর রাজার অত্যাচার, নির্ধনের উপর ধনীর অত্যাচার, অজ্ঞানের উপর জ্ঞানীর অত্যাচার, দুর্বলের উপর বলবানের অত্যাচার, নারীর উপর নারীর বা পুরুষের অত্যাচার। ভগবানের রোষ-বহ্নি জ্বালিবার অধিকার কিন্তু দুর্বল মাত্রেরই আছে—সুতরাং নারীরও আছে; এবং অত্যাচারিত নারী সুধু কেরোসিনে নিজেকেই দগ্ধ করিয়া অত্যাচারের কবল হইতে নিষ্কৃতি লাভ করিলে যথেষ্ট হইবে না। আমাদের দেশে স্বাশুড়ী, ননদ, স্বামী যে বধুর উপর অত্যাচার করে, তাহার প্রধান কারণ সুধু অশিক্ষা বা কুশিক্ষা নহে; যেহেতু বর্তমানকালে বাহাকে সুশিক্ষা বলা যায়, ভর্তায় তাহা বিদ্যমান থাকিতেও বহুক্ষেত্রে অত্যাচারের কিছু অপ্রতুলতা হয় না; অতএব অশিক্ষা বা কুশিক্ষাকে দায়ী করিয়া সংশিক্ষা দ্বারা সে অত্যাচারের প্রতিবিধান করিতে গেলে বধুকুল এখনও অনেক দিন মরিতে থাকিবেন।

“মায়ে পোয়ে” বধুর গণ্ডে খুন্তি পোড়াইয়া দেওয়া বা বাক্যবাণে বিদ্ধ করিয়া মারার নিগূঢ় কারণ আমাদের দেশের সনাতন কালের প্রবচনে লিপিবদ্ধ রহিয়াছে—“ভাগ্যিবানের মাগ মরে, অভাগ্যিবানের ঘোড়া মরে”—যার ঘোড়া মরিল, সে অভাগা এই হেতু যে, পুনশ্চ অর্থব্যয় করিয়া তাহাকে ঘোড়া কিনিতে হইবে। আর যার “মাগ” মরে সে এই হতভাগ্য দেশে ভাগ্যবান এই হেতু যে, তাহাকে পয়সা খরচ করিয়া ত পুনশ্চ “মাগ” কিনিতেই হইবে না, পরন্তু দ্বিতীয়বার তৃতীয়বার যতবার খুসী অর্থসঞ্চয়ের দ্বার উদঘাটিত হইয়া যাইবে। ধোপার ঘরে আগুন লাগিলে, বা চুরী হইলে, মাড়োয়াড়ী

ক্ষুদ্র-বুদ্ধিরা গ্রহণ করে' থাকে, তাই আমি প্রসন্নর উপর রুষ্ট হইলাম না ; কবি বলেছেন—

পাগলকে যে পাগল ভাবে
এখন সে পাগল কি ঐ পাগল পাগল
একদিন সেটা বোঝা যাবে ।

কিন্তু উপস্থিত, প্রসন্ন চটে উঠে যায় এই ভয়ে বল্লম—“তা মুঞ্চিল, কিসের বল না, আমি আসান করে' দিচ্ছি ।”

প্রসন্ন । কাল সন্ধ্যার সময় একদল ছেলে “রক্ষে-কালী”র চাঁদা চাইতে এসেছিল, আমি বলেছিলুম আমার যা সাধ্য তাই দেবো । তারা যাই চলে' গেছে, আর একদল এসে বলে— “মাসি, চাঁদা যদি দেবে ত আমাদের হাতে দেবে, খবরদার ওদের হাতে দিও না ।” আমি বল্লম—“বাপ সকল, ওরা আর তোমরা কি তফাৎ ? আমার ত সবাই সমান—তোমরা সবাই আমার সোনার চাঁদ—”

প্রসন্নর কথার বাঁধুনি শুনে বিস্মিত হলাম না ; কোন এক বিদুষী স্বজাতীয়া সম্বন্ধে বলেছেন—“Woman is a born actress”. প্রসন্নর এই অভিনয়কুশলতা দেখে সেই বিদুষীর কথা মনে পড়ল ; কারণ আমি জানি প্রসন্নর স্বাভাবিক মূর্তিটা অত নরম নয়—সেটা উগ্রচণ্ডীরই মূর্তি । সে ইচ্ছা কলে বাছাদের অক্রেমে দুটা স্পষ্ট কথা বলে' খেদিয়ে দিতে পারত, তা দেয়নি । কেন দেয়নি তা'ও বুঝতে পারলুম—ঐ “রক্ষে কালী”র নামটার জন্ত ; প্রসন্ন ঐখানটাতে একটু জখম ।

কথার বাঁধুনির তারিফ করে' আমি বল্লম,—“প্রসন্ন, তুমি নেতা হ'লে না কেন ? জননায়ক হ'লে না কেন ? বেশ ত কথার হার

পাঁথা শিখেচ ; উত্তর, দক্ষিণ, পূর্ব, পশ্চিম, চতুর্দিক বাঁচিয়ে কথা বলতে শিখেচ ; এ বিদ্যার পরিচয় তোমার ত পাইনি—

প্রসন্ন । শোন—শোন, এখনও আমার কথা শেষ হয়নি । এই খানেই শেষ হ’লে না হয় দু’দলকেই চুপি চুপি কিছু দিয়ে ঠাণ্ডা রাখতুম । দুইএর নম্বর ছেলের পাল আমার উঠান থেকে গেছে-কিনা-গেছে, আর এক দল এসে হাজির । তারা খুব তেরিয়া হ’য়ে বলে,—“দেখ, মাসি, ‘রক্ষে কালী’ নিয়ে উত্তরপাড়া আর দক্ষিণপাড়ায় দুটা দল হয়েছে । খবরদার, কাউকে চাঁদা দিও না—ও রক্ষেকালী ফক্ষেকালীতে কিছু হবে না ।” এখন কি করি—

আমি । দেখ, সব ছেলেদের শিবতলার উঠানে ডেকে এনে তোমার বা দেবার হরির লুটের মত ছড়িয়ে দাও, যে বা পারে কুড়িয়ে নিয়ে যাক, কোন গোল থাকবে না ।

প্রসন্ন । তা’তে কি হবে জান, আমার টাকাও যাবে, আর কেউ সম্বুষ্টও হবে না ; সবাই চটে থাকবে, কোন্ দিন আমার ঘরে আগুন লাগিয়ে দেবে ।

আমি । আচ্ছা তবে এক কাজ কর—সবাইকে বল—“আমি কাউকে আগে টাকা দেবো না, তোমাদের কালীপূজা চুকে যাক, তারপর আমার যাকে বা দেবার দেবো ।” যেহেতু ‘রক্ষেকালী’ পূজার পর আর কোন গুণ্ডগোল থাকবে না ; সব এক হ’য়ে যাবে—এ কাজের দস্তুরই এই ।

তখন প্রসন্ন আমাকে পেয়ে বসল ; বলে,—“যদি তাই হয় ত, তুমি গিয়ে তাদের বলে’ এস না কেন !”

আমি । তা’ও কি হয়, অযাচিত উপদেশ দিতে নেই—আমুক

কর্তা বলেন—“তা হ’লে কিন্তু কি ? করবে কি ?

তোমরা বলে—“তা হ’লে আমার ঘরে পর হয়েই থাকব।”

জ্বরদস্ত বলে - তোমার টাকার বাণ্ডি স্মিট—Flood Relief-
এর সময়, আর ছুটি কাটবার সময় তা বুঝতে পারি ; কিন্তু তোমার
টাকের বাণ্ডি আমার কানে সবে না ; ঢাক থামাও আর টাকা দিতে থাক ।

সাত্ত্বিক বলে - “যদি তাই করতে হয় তা হ’লে কিন্তু -”

জ্বরদস্ত বলে—“তা হ’লে কি ?”

সাত্ত্বিক বলে—“ঢাক বন্ধ, টাকা লও ।”

আমরা জানি ব্যবসায় তোমার জ্ঞান, তোমার ধর্ম, তোমার
ইজ্জৎ ; আমার ধর্ম্মানুষ্ঠান যদি স্বচ্ছন্দে না করতে পাই তা হ’লে—
মাড়বাড়ি বলে - আমরা কিন্তু—

ব্যবসাদার চক্ষু রক্তবর্ণ করে’ বলে—“কি তা হ’লে ? করবে কি ?”

মাড়বাড়ী বলে—“তা হ’লে Lucky Dayতে যেমন indent দি
তেমনি দিব !”

কন্যার বিবাহ হয় না—বরকর্তা, বরগিন্নী, বরপুত্র, সবাই টাকা
চায় ; বাপের চৌদ্দপুরুষে যত টাকা একত্রে দেখে নি, দেখবে না,
তারও অধিক চায় ; কন্যার বিবাহ হয় না ; তুমি চীৎকার করতে
থাক—“এ শোষণ নিবারণ কর, সমাজ গেল, জাত গেল।” এ
অরণ্যে রোদন কে শোনে ? তখন জ্বালায় চোটে তুমি বলে’ উঠলে—
“তা হ’লে কিন্তু—”

ত্রিমূর্তি ছয়টা চক্ষু রাঙ্গিয়ে বললে—“তা হ'লে কিন্তু কি ? করবে কি ?”

তুমি উত্তর দিলে—“জাত বাঁচাব, চাঁদা করে' জাত রক্ষা করব, থিয়েটারে benefit night জোগাড় করেও জাত বাঁচাব—টাকা দেবো।”

*

সমাজের দশা হ'ল কি ?—বিবাহ তৃতীয় পক্ষে, সে কেবল পিত্তি রক্ষে, কিন্তু এ বুদ্ধিগত দেশে সে পিত্তি ত কারও পড়ে না ! কন্যাগুলো কি ভেসে এসেচে ? এ রকম কন্যার প্রতি অত্যাচার কি এই সনাতন ধর্মের রাজ্য ছাড়া আর কোথাও হয় ? অসীম ধৈর্যের সহিত পরিণয়-সরিংপারগমনেচ্ছু বুড়া হনুমানকে বুঝাও, বিবাহের পরিবর্তে বৈতরণীর ব্যবস্থা করতে উপদেশ দাও, বুড়া বান্দর নাচতে শিখে না তথাপি চেষ্টা কর—যদি এত শিক্ষা এবং উপদেশে না শিখে তা হ'লে —

বুদ্ধ টাকার থলি দোলাইয়া, পুরোহিত রজঃস্বলা শাস্ত্র উদ্ধার করিয়া, বলিল—“তা হ'লে কি ?”

তুমি অভাগিনীর জন্মদাতা বলিলে—“তা হ'লে—বিবাহ দিব আর কি ?”

*

ভণ্ডামিতে দেশ ছাইয়া গেল ।

বঙ্গমাতার পিণ্ড চড়েচে

আলোচাল আর কাঁচকলাতে ।

এই যে সনাতন ভিগ্নান চড়েচে তাতে বর্তমান জীবনের খোরাক জুটবে না ; পরকালের ভোজ্য যে অমৃত তারই পূর্ব সংস্করণ হ'তে পারে

আলোচনা আর কাঁচকলা—কিন্তু ইহজীবনের সহস্র জটিল জখমী কার্যে শক্তি দান করতে পারে এমন সারবস্তু তা'তে নেই। যদি থাকে, হে শাস্ত্রজ্ঞ পণ্ডিতগণ! শাস্ত্রবাক্যের এমন অর্থ কর যেন এই জীবন-যজ্ঞের সজীব মন্ত্র হ'য়ে আমাদের শক্তি দান করে, বিচক্ষণতা দান করে, বিক্রম দান করে! তা যদি না পার, তা হ'লে কিন্তু—

ভগু শিখা হেলিয়ে বলে' উঠল—“কি তা হ'লে? করবে কি?

তুমি বলে—“তা হ'লে ষষ্ঠী, মাকাল ও ওলাইচণ্ডীর পূজা করব, আর তোমার পাদোদক পান করব।”

*

কাবুলিওয়ালা অনাদারী টাকা আদায়ের জন্য উনানে পা দিয়ে দাঁড়ায়, তোমার দক্ষিণ হস্তের ব্যাপার বন্ধ করে—প্রসন্ন বাকী টাকা আদায়ের অন্য উপায় না পেলে, গোকার দুধ বন্ধ করে' দেয়, আর তোমরা তোমাদের জীবনের শত শত অনাদারী দাবীর পূরণ প্রার্থনা করতে গিয়ে, হরিচরণের মত সুধু—“তা হ'লে কিন্তু—” বলেই খেনে যাও! তোমাদের সকল আন্দোলনের মধ্যে—রাজনৈতিক, সামাজিক, শৈক্ষিক, ধান্মিক আন্দোলনের মধ্যে দেখি—ঐ এক স্থানেই এসে দাঁড়িয়ে পড়—তারপর চেপে ধরলেই বা কস্মছিলে মুখটি বুজে তাই করতে থাক।

আমি জানি কেন? বা চাচ্চ তা না পেলে তুমি কি করবে তা জান না; অথবা মনে মনে জানলেও রক্তচক্ষুর সমক্ষে মুখ কুটে বলতে পার না। কিন্তু মুখ ফোটো, নহিলে—বুক ফাটবে!

হইতেছে। হে মতিমান, জাগো জাগো। কিন্তু মনে রাখিও তুমি মরিয়াছিলে, জাগিতেছ, কালনিদ্রার পর তোমার জীবনে নব সূপ্রভাতের ভৈরবী বাজিতেছে !

পণ্ডিত মহাশয়ের ঘড়ি বন্ধ ; তথাপি তিনি বলিতেছেন—মরি নাই, বাচিয়া ছিলাম, বাচিয়া আছি, বাচিয়া থাকিব।

এ গর্কের মূলে একটি সত্য আছে—কিছুই একেবারে মরে না, কীটপতঙ্গ হইতে কমলাকান্ত পর্য্যন্ত। জীবনের প্রবাহ চলিয়াই চলে, মৃত্যুর পর জন্ম, এ নাগরদোলা ছলিয়াই চলিয়াছে। কিন্তু মৃত্যুর পর জন্ম হয় বলিয়া মৃত্যু মৃত্যু নহে, অথবা জন্ম মৃত্যু একই ঘটনা তাহা বলা চলে না।

বাস্তালার বখন বক্ত্রিয়ারের বাহিনী আসিয়া দেশকে গ্রাস করিল, হে বাঙ্গালি, তার পূর্ব হইতেই তুমি মরণের পথে আগুয়ান হইয়াছ ; ঐ নিদারুণ ঘটনার বহু পূর্বে মৃত্যুর ছায়া তোমাকে আচ্ছন্ন করিয়াছে। তারপর সুদীর্ঘ অন্ধতমসা তোমার কুটীর-খানিকে ঘিরিয়াছিল—তখন তোমার সেই ভগ্নকুটীর বেড়িয়া বেড়িয়া সঙ্কীর্ণনের খোলই বাজুক, অথবা তোমার উঠানে হাড়িকাট ছাগরক্তে রঞ্জিতই হউক—তুমি কালনিদ্রায় বিভীষিকা দেখিতেছিলে। তোমার তেজ, তোমার তীক্ষ্ণবুদ্ধি, তোমার স্বাচ্ছন্দ্য স্বাবলম্বন সবই অন্তর্হিত হইয়াছিল—তোমার জ্ঞানের পরিধি এই সুদীর্ঘ কালে এক-পর্ব পরিমাণও বাড়ে নাই। তোমার ঐ দ্বিপ্রহরে যে ঘড়ি থামিয়াছিল তাহা থামিয়াই রহিল—সন্ধ্যা এল, ঘোর অমানিশায় ঘিরিল, ঘড়ি থামিয়াই রহিল। তুমি স্বগৃহ হইতে বঞ্চিত হইয়া, প্রসন্নর পবিত্র গো-গৃহে কমলাকান্তের মত, বেওয়ারিশ পরলোকে বাস বাধিবার

ফল হইয়াছে—পণ্ডিত মহাশয়ের সময়ের ধারণা পর্য্যন্ত লোপ পাইয়াছে। তিনি চারি যুগ কল্পনা করিয়াছিলেন, কিন্তু এই চারি যুগের বিভাগ, আদি অন্ত মধ্য, বর্ষ মাস দিন, ঘটনার পূর্বাপর, অগ্রপশ্চাৎ এ ধারণা লোপ পাইয়াছে; ঘড়ি খামিলে কি সময়ের খেয়াল থাকে? মোজের মাথায় কমলাকান্তের মত—অন্ধ জাগো! না—কিবা রাত্রি কিবা দিন, এই অবস্থা দাঁড়াইয়াছে।

পণ্ডিত মহাশয় মনে করেন যেন মনু বাজ্রবল্ক্যের পর, পরাশর আদি হারীতের পরই, হলয়ুধ এবং রঘুনন্দন ও তাব অব্যবহিত পরেই তাঁহারা স্বয়ং। মনু হইতে টোলের স্মৃতিতীর্থের মধ্যে যে যুগ-যুগান্তর বহিয়া গিয়াছে—তাহার সংবাদ তাঁহারা রাখেন না। তাঁহারা মনু পড়িতে পড়িতে পরাশর পড়েন, তারপর একলক্ষ্যে রঘুনন্দনে আসিয়া উপস্থিত হন; কিন্তু সে যে কত বড় লক্ষ্য তাহা তাঁহারা ধারণা করিতে পারেন না। বায়ুপুত্র সাগরলঙ্ঘনে যে লক্ষ্য প্রদান করিয়াছিলেন সে লক্ষ্য ইহার তুলনায় কিছুই নহে। অন্তরীক্ষচারী হনুমতের নিয়মে কয়েক যোজন মাত্র সমুদ্রজলরাশি বিস্তৃত ছিল, কিন্তু মনু হইতে স্মৃতিতীর্থ পর্য্যন্ত এক বিশাল কালসমুদ্র বিস্তৃত রহিয়াছে—সে সমুদ্রের তরঙ্গবিভঙ্গ পণ্ডিতগণের নয়নগোচরই হয় না।

বুদ্ধ শঙ্কর রামানুজ চৈতন্য যেন পাশাপাশি মিউজিয়মে সংগৃহীত প্রস্তরমূর্তি সকল তাঁহাদের কল্পনার Curiosity shop এ সাজান আছে—তেমনি অচল ও'জড়। শরতের নৈশ আকাশে কত গ্রহ-তারকা জ্বলিতেছে, যেন একখানি দিগন্তপ্রসারিত নীলাশ্বরী শাটীতে সোনারূপার ফুল জ্বলিতেছে; কিন্তু ঐ গ্রহতারকার মধ্যে কত লক্ষ কোটি যোজন ব্যবধান শিশু কল্পনায় যেমন ধারণাই হয় না—

বলিলেন—“ম্লেচ্ছগণের কথা”। আমার মনে হইতে লাগিল চিনিসন্দেশ দিয়া এ পণ্ডিত পোষণের আর কোন সার্থকতা নাই। চিনিসন্দেশের বদলে এক এক গাছি দড়ি, শূন্য কলসী ত আছে এবং এই ভরা গাঙ্গে বৈতরণী পারের ব্যবস্থা করা উচিত।

পণ্ডিতগণকে বৃষ্টিতে হঠবে এই ম্লেচ্ছ কেমন করিয়া এই হিন্দুর ভারত অধিকার করিয়া বসিল। পণ্ডিত মহাশয়েরা ত সর্কশাস্ত্রে সম্পূর্ণ জ্ঞান লইয়া বিরাজ করিতেছিলেন; তাঁহাদিগকে জানিতে হইবে কোন ছিদ্র দিয়া বিষধর এই লোহার বাসরঘরে প্রবেশ করিয়া লখিন্দরের পরমায়ু শেষ করিল। তারপর বহুশতাব্দী ব্যাপিয়া বাঙ্গলা তথা ভারতের মসনদে বসিয়া ম্লেচ্ছ কি লইল, কি দিল। তবেই চৈতন্যচরিতামৃত, বৈষ্ণবের মন্বস্পর্শী সঙ্গীত, রামপ্রসাদের অন্তরের উচ্ছ্বাস, আউলিয়া চাদের কীর্তিগাথা ও কমলাকান্তের মন্ববাণী বৃষ্টিতে পারিবে।

এই প্রকার, চাতুর্ক্যের লীলাভূমিতে কেন রাজপুত্র ভিখারীবেশে অবতাণ হইয়া জাতিব বেড়া ভাঙ্গিয়া তেত্রিশকোটা দেবতার পূজা উঠাইয়া দিল; কোন মন্ত্রে সাগরমেখলা ভারতবর্ষব্যাপী সাম্রাজ্য স্থাপিত হইল; আবার কোন অপরাধে সে সাম্রাজ্য নিশ্চিহ্ন হইয়া লুপ্ত হইয়া গেল—বৃদ্ধ ও শঙ্করের পৃষ্ঠে মধ্যে ও পরে কি বিপর্যয় হইয়া গেল তাহার পরিচয় না পাইলে—বৃদ্ধকেও বৃদ্ধা যাইবে না, শঙ্করকেও বৃদ্ধা যাইবে না।

কারণ একথা ভুলিলে চলিবে কেন যে, মাত্র ধর্মশাস্ত্রালোচনা ও ধর্মালুশীলনই যদি পুরুষার্থ হয়, জাতীয় জীবনই সে ধর্মের উৎস,—পুস্তক নহে, পুঁথি নহে, টীকা নহে, ভাষা নহে। এই জীবনের

বালক । বাবুজি, যদিকে তাকাই সেই দিকেই উঁচু দেওয়াল
—আমার চোখ যেন ধাক্কা খেয়ে ফিরে আসে—দূর দেখতে পাই না ।

নসীবাবু । সে কি রে ? পাগল হলি না কি ?

নসীবাবু বালকের দুঃখ বুঝলেন না,—আমি বুঝলাম । সে
হিমালয়ের শিখরে দাঁড়িয়ে দেখত—উপরে আকাশ এবং হিমগিরির
চূড়ার পর চূড়া, নীচে শিখরের পর শিখর, উপত্যকার পর
উপত্যকা—সুগভীর সমুদ্রের তরঙ্গ-বিভঙ্গের ত্রায় বিশাল বিপুল
বিস্তার দিগন্ত পর্যন্ত চলে' গিয়েছে । নয়ন কোনদিকেই প্রতিহত হয়
না । নীল আকাশের শুভ্র মেঘ, ভেসে ভেসে সেই দিগন্তে গিয়ে সংলগ্ন
হয় । ঝর্ণার কুলু কুলু শ্রোত অবিরাম ব'য়ে, উপত্যকার পর
উপত্যকা অতিক্রম করে', প্রথমে শীর্ণ, ক্রমে স্ফীত, স্ফীততর
রজত-ধারায় ঐ দিগন্তে মেঘের সঙ্গে মিশে যায় । বালক সেই
সীমাহীন বিশালতা দেখে দেখে বিমোহিত, মুগ্ধ হ'য়ে যেত—তারই
বিরহ আজ তাকে বেদনা দিচ্ছে—সে দূর দেখতে পাচ্ছে না, তার
প্রাণটা হাঁপিয়ে উঠছে ।

আবার এমন লোকও আছে, যাকে কারাগৃহের মত ঘন-
সন্নিবিষ্ট প্রাচীর, পথের ধূলা, অবিরাম ঘর্ষের কল-কোলাহল মোহিত
করে,—এবং ফাঁকায় দাঁড়িয়ে যার প্রাণটাও ফাঁকা হ'য়ে যায় ।

কিন্তু এই দূর দেখাই মানুষের স্বভাব,—দূর দেখাই মানুষের
প্রকৃতি । চোখের দৃষ্টি প্রতিহত হ'লেও কল্পনার ত বাঁধ নাই—
যেখানে চোখ হার মানে, ঠিক সেইখান থেকে কল্পনা বলাহীন
অশ্বের মত ছুটতে আরম্ভ করে ।

মানুষ আজকের শত কার্গ্য-জালের বেড়া থেকে যেমন এক

মুহূর্তের ছুটি পায়, অমনি কালকের কথা ভাবতে থাকে—এই থেকে সঞ্চয়, এই থেকে জীবনের ধারা নির্গম, এই থেকে অনাগতের জন্ম আয়োজন আপনি আসে। যদি বর্তমানই—অর্থাৎ যেটাকে দেখা যাচ্ছে, বা করা যাচ্ছে, যা উপভোগ করা যাচ্ছে, বা সহ্য যাচ্ছে—সেইটাই শেষ হ’ত, তা হ’লে কালকের জন্ম কেউ প্রস্তুত হ’ত না—কল্পনা, আশা বলে’ কোন কিছু মানুষকে প্রলোভিত, আকৃষ্ট, বদ্ধ করত না। আবার এইখানেই শেষ নহে—মানুষ জীবনের ব্যবস্থা করে’ আবার জীবন-জলধির পরপারের কল্পনাও করে, তার জন্ম প্রস্তুতও হয়। অতএব দূর দেখাই মানুষের স্বভাব। যেখানে দূর দেখার ব্যাঘাত,—নিশ্চিত হ’য়ে চিন্তা করবার অবসর পেলেই মানুষ সেইখানে চিন্তাকুল। দূর-ভবিষ্যতের কথা পরে, নিকট-ভবিষ্যৎও না দেখতে পেলে চোখে অন্ধকার দেখে, আর তার অন্তর হতাশ হ’য়ে বলে—দূর নেহি দেখ্তা !

আমরা সকলেই দূর দেখতে পাচ্ছি না ; দেখতে পাচ্ছি না,—চোখের সন্নিকটে যে বিরাট প্রাচীর আমাদের দৃষ্টিকে প্রতিহত কচ্ছে, তাকে ভেদ করে’—দূরে—ভবিষ্যতে—দিগন্তের কোলে, কোলে আমাদের জন্ম কিসেব পসরা নিয়ে দিক-বালিকাগণ আমাদের অভ্যর্থনার জন্ম অপেক্ষা কচ্ছেন—সুখের না দুঃখের, মানের না অপমানের, জীবনের না মরণের—তা আমরা কিছু বুঝতে পাচ্ছি না। অর্থাৎ আমাদের কল্পনা, আমাদের দৃষ্টি আমাদের ভবিষ্যৎ জীবনের আভাষ পর্যন্ত পাচ্ছে না—আমরা বাঁচব কি মরব তার ইঙ্গিত পর্যন্ত পাচ্ছে না।

যারা সেই কথা ভাবচে, তাদের হয় ত অনেকে বলচেন—

প্লাবন

কখনও বাদার আবাদের দিকে বেড়াতে গিয়েছ কি? যদি গিয়ে থাক ত একটা আশ্চর্য্য জিনিস নিশ্চয়ই চোখে পড়ে থাকবে। গ্রামের পাশে পাশে বা মধ্যে মধ্যে এক একটা বৃহৎ ডোবা, প্রায় একটা কল্লিত রেখার উপর অবস্থিত, যেন একটা সুরহৎ ডোবার মালা মাটির উপর বিছান রয়েছে। কোন ডোবার নাম “ঘোষেদের গঙ্গা”, কোনটার নাম “মিত্তিরদের গঙ্গা”, কোনটার বা “দে’দের গঙ্গা”, কোনটার “কুণ্ডুদের গঙ্গা”। তোমরা জান গঙ্গা এক ও অদ্বিতীয়— “মা ভাগীরথি! জাহ্নবি! সুরধুনি! কলকল্লোলিনি গঙ্গে” বলে’ যাকে স্মরণ কর, স্পর্শ কর, প্রণাম কর। যিনি —

নারদ কীর্ত্তন পুলকিত মাধব বিগলিত করুণা ক্ষরিয়া,
ব্রহ্মকমণ্ডলু উচ্ছলি’ ধূর্জটি জটিল জটাপর ঝরিয়া,
অধর হইতে সম শতধার জ্যোতিঃ প্রপাত তিমিরে—
নামি’ ধরায় তিমাচল মূলে—মিশিলে সাগর সঙ্গে।

কিন্তু বাদায় এতগুলো গঙ্গা এলো কোথা থেকে! আর সে সব গঙ্গা ভিন্ন ভিন্ন মালিকের নামে নামাঙ্কিত হ’য়ে—“ঘোষের গঙ্গা”, “বোসের গঙ্গা”, “কুণ্ডুর গঙ্গা” হ’য়ে গেল কি করে!

ভৌগলিক বলবেন—হয়ত কোন যুগে গঙ্গার শ্রোত ঐ পথে

পারিবারিক আচারে পরিণত হ'য়ে, যেমন মনটাকে লোহার জুতা পরিয়ে ক্ষুদ্র খর্ব বিকৃত করে' দেয়; রক্তের ধারার তেমনি স্বচ্ছন্দ প্রবাহ থাণ্ডিত হ'য়ে, নির্দিষ্ট সংখ্যক নরনারীর মধ্যে চক্রাকারে পরিবর্তিত হ'তে হ'তে, যুগযুগান্তর ধরে' নবশোণিতসম্পর্করহিত হ'য়ে—প্রদেশে, গোষ্ঠী মধ্যে, এমনকি নির্দিষ্ট সংখ্যক পরিবার মধ্যে আবদ্ধ হ'য়ে যায়, এবং পচে। রক্তের নৈকট্য ও অপরিশুদ্ধতা যে দেহের অবনতির কারণ সেই কারণের পূর্ণ প্রকোপ লোকচরিত্রে পরিলক্ষিত হয়। অর্গ্য-রক্তের অবাধ স্রোত এইরূপে ক্ষুদ্র জাতি উপজাতি প্র-জাতিরূপ ডোবার পরিণত হ'য়ে পড়ে,—দেহ-মন উভয়ই পড়ে - ঘোষ-ক্ষত্রিয়ের ডোবা, চট্টোপাধ্যায়-ব্রাহ্মণের ডোবা, কুণ্ডু-বৈশ্যের ডোবা—সব পচে ভট্ ভট্ করচে—দেহ-মন উভয়ই পুতিগন্ধময় হ'য়ে উঠেচে। আর্য্যবংশধরগণের সংখ্যা কমচে—তার কারণ সুধু দারিদ্র্য নয়—তার মুখ্য কারণ এই দেহ-মনের “ধসা পশ্চিমে” রোগ।

বাদার আবাদের যদি “ঘোষের গঙ্গা”, “বোসের গঙ্গা”, “কুণ্ডুর গঙ্গা”র পুতিগন্ধ দূর করতে হয়, পঙ্কোদ্ধার করতে হয়, তা হ'লে কি করতে হবে? অনেক “পুকুর-কাটা” উপদেশ দিয়েছেন—পাঁক তুলে' পাড়ের উপর গাদা কর, তারপর আকাশের জলে যখন পুকুর ভরে' উঠবে তখন ডোবার জল কাকের চক্ষুর মত স্বচ্ছ পরিষ্কার নয়নানন্দদায়ক হবে।

অনুরূপ বুদ্ধি প্রণোদিত হ'য়ে ক্ষুদ্র ক্ষুদ্র জাতের ডোবার সংস্কার-কল্পে, জাতের পঙ্কোদ্ধার কর্তে চারিদিকে সংস্কারকের দল কোদাল-ঝুড়ি নিয়ে লেগে গেছেন। তারই ফলে ব্রাহ্মণসভা, কায়স্থসভা,

বৈষ্ণব-ব্রাহ্মণসভা, বৈষ্ণবসভা, স্ত্রবর্ণবর্ণিকসভা, তিলিসভা ইত্যাদি সভাসকল গজিয়ে উঠেছে। এই জাতির “পুকুর-কাটা”দের ধারণা জাতগুলার আভ্যন্তরীণ পক্ষ উদ্ধার করে’ পাড়ের উপর গাদা করলে, আকাশের জলে পুকুরে স্বচ্ছ জল থৈ থৈ করবে।

কিন্তু এই সংস্কারকের দল ভুলে’ যান যে জাতির পাঁক তুলে’ পাড়ে গাদা করলে, কালের স্রোতে সে পাঁক পুকুরেই ধুয়ে এসে পড়বে; তারপর পাড়টাকে আরও উঁচু করে’ প্রাচীর দিলে, নব-জলধারার স্রোতটাকেই বাঁধ দিয়ে বাহিরে রাখা হবে, এবং বিভিন্ন ডোবাগুলিকে অর্থাৎ ছত্রিশ জাতকে আরও স্পষ্ট ও কায়েমী করেই রাখা হবে। এবং আকাশের জলে ক্ষণকালের জন্য ডোবার মলিনতা অপনোদন হ’লেও গ্রীষ্মের প্রথর রোদ্রে আবার জল শুকিয়ে যাবে, আবার পচ ধরবে; কেননা পচধরা রোগ পুকুরের ভিতরেই বর্তমান—তার সঙ্কীর্ণতা, তার বদ্ধতা, বিশ্বের ভাব-মন্দাকিনীর প্রবাহ থেকে বিচ্ছিন্নতাই ডোবার পচধরার কারণ।

কেউ কেউ বলেন—তবে ডোবার পাড় ভেঙ্গে চতুঃপার্শ্বস্থ জমির সঙ্গে সমতল করে’ দাও; অর্থাৎ জাতের গণ্ডী তুলে’ দাও, সব পুকুরগুলো একাকার হ’য়ে যাক। এ কার্য সম্প্রতি এক সমাজ চেষ্টা করেছিলেন কিন্তু তা’তে কৃতকার্য হননি। ভেবে দেখুন যদি ঘোষের গঙ্গার, বোসের গঙ্গার, কুণ্ডুর গঙ্গার, পাড় ধসিয়ে দিয়ে এক করে’ দেওয়া যায় তা হ’লে কি (জলস্রোতের কথা ছেড়ে দি) একটা লম্বা দীর্ঘিকারও সৃষ্টি হ’তে পারে? ডোবার সম্বল জল, জাতির সম্বল জীবন, ক্ষুদ্র ডোবায় গণ্ডুষপরিমাণ জল যতক্ষণ পাড়ের মধ্যে আবদ্ধ আছে ত আছে, পাড় সমতল করে’ দিলে, জল

মাঠে গিয়ে মাঠে মারা যাবে। জাতির সম্বল যেটুকু প্রাণ এখনও ধুক্ ধুক্ কচ্ছে তাকে যদি গণ্ডীর ভেতর বন্ধ না রেখে একাকার করে' দেওয়া হয়—যে ক্ষীণ প্রাণটা এখনও দেহে রয়েছে তা'ও চলে যাবে— জাতির বাঁধনহীন যে সংস্কারকের সমাজ—সে সমাজ যে একান্ত প্রাণহীন তার কারণই এই—আর সেটা আমরা প্রত্যক্ষ দেখতে পাচ্ছি।

তবে উপায় কি? উপায়—যদি জাহ্নবীজলশ্রোতের মত একটা জীবন্ত শ্রোত এই পরিশুদ্ধ পঙ্কিল পৃতিগন্ধময় জাতির জীবনে প্রবাহিত করে' দেওয়া যায়, একটা ভারতবর্ষব্যাপী ভাবশ্রোত—যার উৎস, আকাশের সবিরাম বৃষ্টিপাত নয়, যার উৎস বিশ্বের জ্ঞান-জলধি—সেই শ্রোত কোন ভগীরথ এই জাতির খাঁড়িত জীবনে প্রবাহিত করে' দিতে পারেন, তবেই এই সহস্র ডোবার পঙ্কোদ্ধার হয়—সমগ্র জাতি নূতন ভাব-বন্ধার সঙ্গে নবজীবন লাভ করে।

ভারতের বিচিত্র ইতিহাসে এ চেষ্টা হয়েছিল; যখন কপিলাবস্তুর রাজপুত্র ভারতের পঙ্কিল পললে নূতন জীবন-জল-প্লাবন এনেছিলেন—ক্ষুদ্র ডোবাগুলোকে ভাসিয়ে ছয়লাব করে', ভারতের মহাস্থবির কলেবরে যৌবনজলতরঙ্গ বহিয়েছিলেন—ক্ষুদ্র ক্ষুদ্র জাতির পাড় প্লাবনের পাড়নে ধসে' পড়েছিল—জাতি ছিল না, ধর্মের কোলাহল কচ্ কচ্ ছিল না,—ছিল ধর্মের উদ্যম শ্রোত, সৃষ্টির দুর্মদ আবেগ, গঠনের অলৌকিক প্রেরণা;—কে সে প্লাবন আনবে?

is blind—এ বাক্যটার সাধারণ অর্থ প্রেমিক প্রেমিকা উভয়েই উভয়ের দোষ দেখতে পায় না, কেবল গুণই দেখে, আর ভালবেসে চরিতার্থ হয়। কিন্তু প্রকৃত কথা ভালবাসায় অন্ধ করে না—অন্ধ হ'য়ে তারপর মানুষ ভালবাসে। চোখ ফুটলে ভালবাসার নিবিড়তা কমে' আসে—Familiarity breeds contempt, ঘনিষ্ঠভাবে মেশামিশির পর যখন দেহ-মনের দোষগুলো চোখের বালি হ'য়ে চোখে পড়ে—তখন চোখ দিয়ে জল পড়তে থাকে—সেটা ঠিক আনন্দাশ্রু নয়, প্রেমবারিও নয়।

পুঁয়ে পাওয়া ছেলেকে মা বুকে করে' রাখে, তার কদর্যা চেহারা মাতার চোখে পীড়া উৎপন্ন করে না—মাতৃহৃদয় ছেলের কুকুরবৎ বিশীর্ণ মুখে কত সৌন্দর্য উপলব্ধি করে—রাজপুত্রের সে সৌন্দর্য তুল'ভ ! এখানে আর এক দিক দিয়ে Love is blind, অর্থাৎ মাতা অন্নের ছেলের সৌন্দর্য সম্বন্ধেও অন্ধ—নিজের ছেলেটির মত ছেলে ছুনিয়ায় তিনি দেখতে পান না। এত বড় illusion বা মায়া হয়ত সৃষ্টিরক্ষার জন্য প্রয়োজন, মাতার এই একান্ত একনিষ্ঠ ভালবাসা না থাকলে হয়ত সৃষ্টি থাকে না—তা হ'লেও এটা যে একটা illusionএর চরম illusion তা বলতেই হবে।

কবির কল্পনা in fine frenzy rolling, স্বর্গমর্ত্য এক করে' ফেলে—মর্ত্যকে স্বর্গ দেখে, স্বর্গকে মর্ত্য দেখে, কোন প্রভেদ দেখতে পায় না ;—frenzy কথাটার উপর একটু ঝাঁক (emphasis) দিলে আমার বক্তব্যের সঙ্গে বেশী প্রভেদ থাকে না। আমিও মৌতাতের ঝাঁকে অনেক খেয়াল দেখে থাকি, সে খেয়ালকে কেউ দিব্যদৃষ্টি বলে' গ্রহণ করতে রাজি নয়। খেয়ালের মাথায় আমি দেখি—পুরুষ

প্রসন্ন

হে বিচারক ! তুমি প্রসন্নকে অপরাধীর কাঠগড়ায় পুরে' তার বিচার করতে বস না, তোমার ধর্মের দোহাই ! Judge not that ye be not judged—তোমারই ধর্ম বলে । বিচারকের আসন বড় উচ্চ আসন, তোমার শক্তি, তোমার ঐশ্বর্য্য তোমাকে সে আসনের অধিকার প্রদান করে না ।

সে অধিকার লাভ করতে গেলে, যে নিরপেক্ষতার প্রয়োজন, অত শক্তি, অত ঐশ্বর্য্য সে নিরপেক্ষতার পরিপন্থী । শক্তিদ্বারা নিজের দিকটাই দেখে ; প্রসন্নর দিক বলে' একটা দিক আছে, তার সম্যক ধারণা করবার মত স্থির চিত্ত বলদৃষ্টের থাকতে পারে না, তুমি বলদৃষ্ট অন্ধ ; অতএব বিচারকের আসন কলুষিত ক'র না ।

সুবিচার করতে গেলে মূলে যে idealএর তফাৎ রয়েছে, সেটা সম্যক মাথায় ধরে' রাখতে হয় । হে বিচারক, এই idealএর বিভিন্নতা সম্বন্ধে কোন খেয়ালই তোমার মনে উঠে নাই ; অতএব idealএর মুক্তা তোমার সমক্ষে•না ছড়িয়ে—তুমি যে detailএর উপর তর্ক চালিয়েছ আমিও সেই পথে চলিলাম ।

তুমি জান কি প্রসন্ন বিধবা—সাদা 'থান পরে, এক সন্ধ্যা খায়, বারব্রত নিয়ে জীবনযাপন করে ? সে widow's weeds পরে' বাহার

বন্ধন হ'লেও তাকে সানন্দে বরণ করে' নিয়েছিল ; অতএব শিহরিও না ।

তারও পূর্বে, সে যখন কুমারী (তখন সে শিশু বলেই হয়) তখন থেকেই সে মাতা হবার কল্পনা করেছে । তার শিবপূজার ভিতর, তার খেলাঘরের ভিতর, তার ভাবী পুত্রকন্ঠা ইচ্ছারূপে, আকাঙ্ক্ষারূপে বর্তমান ছিল । কুমারী ও বধুর মধ্যবর্তী এমন একটা অদ্ভুত অবস্থা তার কখনও ছিল না, যখন সে সৈশ্বরিনী ; যখন তার পিতামাতা পর্যন্ত স্বীকার করে' নিয়েছিল যে সে সৈশ্বরিনী, যে হেতু সে বিবাহ করে' পণবন্ধ নয় । এই কোমার্যের বন্ধনহীনতায় সে প্রমথনাথের পূজা করেছে, কিন্তু প্রমথনাথের সহিত সৈশ্বর-বিবাহ করেনি ; অতএব শিহরিও না !

হে বিচারপতি, তুমি বিচার করবার অধিকারী নও, যেহেতু তুমি প্রসন্নকে বুঝতে পারবে না, প্রসন্নর দিক থেকে দেখতেই পারবে না ।

প্রসন্নকে যদি গালি দিতে হয়, আমি দিব, কেননা আমি প্রসন্নকে জানি, ভালবাসি । ভালবাসার অধিকার যার নাই, তার তিরস্কারের অধিকারও নাই । মাতা সন্তানকে তাড়না করেন, সে তাঁর স্নেহের দাবী ; পথের লোকের সে দাবী নাই । তুমি পথের লোক, হে বিচারক, তোমার বিচারকের নিরপেক্ষ দর্শন নাই, ভালবাসার দাবীর কথা ত বহুদূরে ।

প্রসন্নকে ঘৃণা কর আমি সহিব—

Patient as sheep we yield us

Unto your cruel hate

কেননা তুমি প্রসন্নকে ভালবাসিলে আমি ভীত হইতাম—বুঝিতাম প্রসন্ন উচ্ছন্ন গিয়াছে । কেননা তুমি ত সহজে ভালবাসিবার পাত্র

কার্য্য এত অনাড়ম্বর ও অমোঘ যে আমরা, অর্থাৎ পুরুষরা যে অবাধে তাদের অনুগমন করি তা আমরা টেরও পাই না।

প্রসন্ন যদি আমার স্ত্রী হ'ত লোকে আমাকে স্ত্রৈণ বলত ; কিন্তু আমার একটা খটকা লাগে—আমি যদি নেতা হতাম এবং আমার স্ত্রী যদি কায়মনোবাক্যে আমার অনুসরণ করতেন, তা হ'লে তাঁকে লোকে পতিব্রতা বলে' ধন্য ধন্য করত, এবং সেই ধন্যবাদের ঠেলায় হয়ত তিনি আমার সঙ্গে সহমৃত্যু পর্য্যন্ত হ'তে উদ্যত হতেন। আমি কিন্তু এটা ঠিক বুঝতে পারলাম—স্ত্রী স্বামীর অনুগমন কবলে পতিব্রতা হয়, আর পতি স্ত্রীর অনুগামী হ'লে পতিব্রত না হ'য়ে স্ত্রৈণ হয়। এ digression এর হয়ত কোন মূল্যই নেই, একেবারে ছাওয়ায় ফাঁদ পেতে তর্ক, কেননা আমি চিরকুমার, প্রসন্নর আশ্রয়ে বাস করি মাত্র।

যা হ'ক—সমাজে বা রাষ্ট্রে মধ্যে যিনি নেতা তিনি কখনও একটা বিরাট ঝঞ্ঝার মত, সমুদ্রকে উদ্বেলিত করে', বনানীকে মথিত করে', পর্ব্বতচূড়াকে চূর্ণ করে', আপনার গন্তব্য পথে চলে' যান, আর তুমি আমি প্রসন্ন—সকলকে 'ষাড় ধরে' আপনার প্রদর্শিত পন্থায় চালিয়ে নিয়ে যান। তিনি সূর্য্যের স্থায় জগতের জীবনরূপী—মহাদ্যুতি, ধ্বান্তারি, সর্ব্বপাপধ্ব,—অজ্ঞানতিমিরনাশী, সকল পাপের অর্থাৎ অশ্রায়ে'র অন্তকারী।

কখনও বা তিনি উষার রাগে, কখনও প্রচণ্ড অগ্নিবর্ষণে, কখনও সন্ধ্যার স্নান আভার ধরার বক্ষ প্রাবিত করেন। কিন্তু সর্ব্বাবস্থায় তিনি স্বপ্রকাশ, স্বীয় বিজ্ঞান-বিভায় উদ্ভাসিত।

দিব্যদৃষ্টিসম্পন্ন এই জননায়ক কখন কখন রাহুগ্রস্ত হ'য়ে ক্ষণকালের

জন্ম অন্ধকারের আবেষ্টনে মুহাম্মান হন—বুদ্ধ, চৈতন্য, মহম্মদ, বীণ্ড—
নেপোলিয়ন, লেনিন, সান ইয়াটসেন—সকলেরই এই দশা হয়েছিল—
কিন্তু সে ক্ষণকালের জন্ম মাত্র।

নীত ঝাঁরা তাঁদের জ্যোতি নেই, উত্তাপ নেই—জনসঙ্ঘের তাপ
তাঁরা পরিমাপ করেন মাত্র। জনসঙ্ঘ তাতিয়া উঠিলে তাঁরা তাতিয়া
উঠেন; তাঁরা যে উত্তাপ record করেন সেটা তাঁদের নিজের তাত
নয়, অপরের। এই নীতের দল বানের মুখে নৌকার মত—ক্ষীত
তরঙ্গ শীর্ষে আরোহণ করে’ ভেসে যান—দেখায় যেন তাঁরাই বানকে
পথ দেখিয়ে নিয়ে যাচ্ছেন—কিন্তু তাঁদের নাস্ত্যাব গতিরগুথা—তাঁরা
আগে যান বলে’ অগ্রণী—এগিয়ে নিয়ে যান বলে’ নয়।

নীতদের স্বপক্ষে একটি কথা বলবার আছে যে, জনসঙ্ঘের তাপটা
তাঁরা অন্তরে অন্তরে গ্রহণ করেন; তাঁদের নিজ সত্ত্বাকে জনসঙ্ঘের
সত্ত্বার সঙ্গে মিশিয়ে দিতে পারেন—জনমতটাকে সৃজন কর্তে না পাল্লোও
গ্রহণ করতে পারেন। কিন্তু অভি-নেতা—সে বড় বিষম জন্তু!

অভিনেতার সাধারণ প্রকৃতি বা তা পূর্ণ মাত্রায় তাঁদের মধ্যে
বর্তমান—অর্থাৎ যিনি ভীম সেজেছেন—তাঁর মধ্যে বৃকোদরের গর্জন ও
বপুর বিশালতা ব্যতীত আর কোন লক্ষণ না থাকলেও তিনি ভীমের
অংশ অভিনয় করে’ যেতে পারেন; ভীম-চরিত্রের সঙ্গে তাঁর এক-
প্রাণতা না থাকলে কিছুই এসে যায় না। অভি-নেতাগণের সম্বন্ধে ঠিক
সেই কথা বলা চলে—অভি-নেতাগণ প্রকৃত যে বস্তু সেটাকে পূর্ণ মাত্রায়
চেঁকে রেখে, লোকের কাছে—অবস্থা বিশেষে যে রূপে প্রকট হ’লে ঠিক
থাপ খায়, তাঁরা ঠিক সেই রূপে প্রকাশিত হন। তাঁরা যে রূপটা
পরিগ্রহ করেন সেটা একান্ত নিজের জন্মই, পরের জন্ম নহে। তাঁদের

বর্তমান কালে শক্তিহীন দরিদ্র দরিদ্র-নারায়ণ নামে পূজিত হচ্ছে ; এই পূজা প্রকরণের নাম দেওয়া হয়েছে democracy. ধনবানের আরাধনা যে ভুলের উপর প্রতিষ্ঠিত ছিল, দরিদ্র-নারায়ণের আরাধনাও সেই ভুলের উপর প্রতিষ্ঠিত। নেতৃবর্গ অর্থাৎ অভি-নেতৃবর্গ বর্তমান ভুলটাকে ভুল বলে' বুঝতে পেরেও জনমতকে ছাড়িয়ে উঠতে পারেন না।

প্রথম ভুল—দরিদ্র দরিদ্র বলেই নারায়ণত্ব দাবী করতে পারে না—তার যা কিছু দাবী তা মানুষত্বের দাবী ; সে দাবী ধনীরাও আছে—অতএব দরিদ্র-নারায়ণ না বলে' মনুষ্য-নারায়ণ কথাটাই সত্য—সবার উপর মানুষ সত্য—এ বড় সত্যকথা।

এত দিনের নিপীড়িত দরিদ্র যখন মাথা তুলে' দাঁড়াবার 'অন্য বন্ধপরিষ্কার হয়েছে তখন তাদের নারায়ণত্ব দাবী অমান্য করা অভি-নেতাদের পক্ষে সম্ভবপর নয়।

অভি-নেতাগণ নারায়ণত্ব স্বীকার করার ফলে ধনীর সঙ্গে নির্ধনের বিরোধটা পাকা হ'য়ে যেতে বসেছে। কিন্তু অভি-নেতাগণকে চুপি চুপি ডেকে যদি জিজ্ঞাসা করা যায় যে দরিদ্রের মধ্যেও সত্যিকারের নারায়ণকে কতখানি দেখলেন—তা হ'লে চুপি চুপি তাঁরা স্বীকার করবেন যে, ধনীর মধ্যেও কতখানি দরিদ্রের মধ্যেও কতখানি অর্থাৎ একটুখানিও নয়। কিন্তু প্রকাশ্যে অর্থাৎ platform থেকে সে কথা বলবার তাঁদের সাহস নেই—এই সাহসের অভাবে তাঁরা আত্ম-প্রতারণিত এবং অন্তরেও প্রতারণার মধ্যে ফেলে একটা বিরাট ভুলকে বাঁচিয়ে রেখেছেন।

ভগবান গড়লেন নর ও নারী। দুটা ভিন্নধর্মী জীব—অভি-নেতা

বক্র রক্তমাখা ছুরিকার মত ক্রুর; চক্ষুদ্বয় ক্ষুদ্র কিন্তু সর্বদর্শী।

ভোজ্য ও পানীয়ের প্রচুর সমাবেশ—চতুর্দিকে আনন্দের কোলাহল; তৈমুর রাজত্ববর্গ পরিবৃত হইয়া আনন্দে মত্ত। তাঁহার পার্শ্বে অর্দ্ধনিমীলিত-নেত্র কবি করমানি উপবিষ্ট। করমানি নির্ভীক স্পষ্টবাদী—মৃত্যু হইতে ভয়ঙ্কর তৈমুরের মুখের উপর অপ্রিয় সত্য বলিতেও কুণ্ঠিত নহে। তৈমুর জিজ্ঞাসিলেন—“কবি কত টাকা মূল্যে আমাকে বেচিতে পার?”

করমানি উত্তর করিলেন,—“পঁচিশ টাকায়।”

তৈমুর। পঁচিশ টাকা ত আমার জুতারই মূল্য।

কবি। আমি জুতার কথাই ভাবিতেছিলাম—স্বধু জুতারই কথা—কারণ তোমার নিজের কোন মূল্য নাই—একটা কড়িও নয়।

ভীষণ হইতে ভীষণতর তৈমুরের মুখের উপর কবি এই সত্যকথা বলিলেন। কবি জয়যুক্ত হইলেন—কেননা কবিই একমাত্র সত্যের উপাসক—তাঁহার অন্য উপাস্ত্র নাই এবং সত্য তৈমুরের তরবারি অপেক্ষা ভীষণ।

সুরা-শ্রোত বহিয়া চলিয়াছে—সঙ্গীত-তরঙ্গ হিল্লোলিত হইয়া ভাসিয়া যাইতেছে—সেই উন্নত আনন্দ-কলরব ভেদ করিয়া, বর্ষগোণুখ ঘনকৃষ্ণ মেঘরাশি বিদীর্ণ করিয়া যেমন বিদ্যালতা ছুটিয়া যায়, কোথা হইতে নরীর আর্তি-কণ্ঠরব ক্রুর তৈমুরের কর্ণ ব্যথিত করিল—সে কণ্ঠস্বর পুত্রহারা এবং পুত্রহত্যা তৈমুরের চিরপরিচিত।

তৈমুর ভ্রকুম করিলেন—দেখ এ আনন্দের মধ্যে নিরানন্দ কে আছে—

প্রতিহারী সংবাদ দিল—ছিন্নবসনা, ধূলি-ধূসরিতা এক রমণী,

উন্মাদিনী-প্রায়, ত্রিভুবন-বিজয়ী সাহান-সাহের সহিত সাক্ষাৎ চাহে।

“হইয়া আইস”—তৈমুর হুকুম করিলেন।

পরমুহুর্ত্তে তাঁহার সমক্ষে ছিন্নবসন-পরিহিতা ভাস্করী আলুলায়িত-কুন্তলে-অনারতবক্ষ-অর্দ্ধআবৃত, উন্মাদিনী-প্রায় রমণী প্রসারিত হস্তের তর্জনী তৈমুরের মুখের দিকে লক্ষ্য করিয়া, জিজ্ঞাসা করিল—
“তুমিই কি সেই খঞ্জ যে সুলতান বৈয়াজিতকে পরাভূত করিয়াছে?”

“হাঁ আমিই সেই, অনেককে পরাভূত করিয়াছি—এখনও ক্লান্ত হই নাই। কিন্তু, তুমি কে, রমণি!”

“শোন, তুমি অনেক কিছু করিয়াছ, কিন্তু তুমি পুরুষনাত্র, আমি মাতা। তুমি মৃত্যুর অন্তর, আমি জীবনের সহচরী। তুমি আমার নিকট অপরাধী, আমি সেই অপরাধের প্রায়শ্চিত্ত তোমার কাছে দাবী করিতে আসিয়াছি। আমি শুনিয়াছি তোমার মন্ত্র—‘শায় বিচারই শক্তির প্রস্রবণ’ - আমি সে কথা বিশ্বাস করি না; তথাপি আমি মাতা, আমার প্রতি শায় বিচার কর।”

তৈমুর রমণীর কথার ভিতর প্রচ্ছন্ন অবজ্ঞা অনুভব করিলেও বলিলেন—“বস, তোমার কথা আমি শুনিব।”

রমণী সেই রাজশয়নগণের সঙ্গে এক-আসনে উপবিষ্ট হইয়া বলিতে লাগিলেন—“আমি বহুদূর হইতে আসিতেছি—সে কতদূর তুমি বুঝিবে না। আমার স্বামী একজন ধীবর—সুন্দর, সরল, সুখী। আমি তাঁহাকে সুখী করিয়াছিলাম! আমার এক সন্তান ছিল—তেম্ন সন্তান পৃথিবীতে কাহারও জন্মায় নাই—”

“আমার জাহাঙ্গীরের মত”—তৈমুর অর্ধক্ষুণ্ট স্বরে বলিলেন।

“—আমার পুত্রের বয়স যখন ছয় বৎসর, জলদস্যুগণ তাহাকে

“আমি তৈমুর—আর না বলিয়া থাকিতে পারিতেছি না—আমি ত্রিশ বৎসর ধরিয়া মৃত্যুর খোরাক নষ্ট করিয়া, নিজ হস্তে রক্তের নদী বহাইয়াছি—যে হেতু মৃত্যু আমার হৃদয়ের আলো নিভাইয়া দিয়াছে, আমার জাহাঙ্গীরকে গ্রাস করিয়াছে। মানুষের মূল্য কিছু নাই, রাজ্যের মূল্য কিছু নাই—আমার স্ত্রী খঞ্জ, মানুষের মুণ্ডপাত করিয়াছে, ধরিত্রীকে পদানত করিয়াছে—কিন্তু আজ আমার যাহা মনে হইতেছে তাগ নূতন, একান্ত অভিনব! এই ক্ষুদ্র রমণী আমার সম্মুখে বসিয়া আমাকে লুকুম করিতেছে—তাহার পুত্রকে ফিরাইয়া দিতে বলিতেছে—যেন সে আমার সমকক্ষ বা আমার প্রভু! এ শক্তি সে কোথায় পাইল! সে স্নেহময়ী মাতা—কল্যাণময় পুত্রের জননী; সে পুত্র হয় ত একদিন পৃথিবীর সকল দুঃখ মোচন করিয়া আনন্দশ্রোতে ধরিত্রীকে প্রাবিত করিবে—আমার জাহাঙ্গীর বাচিয়া থাকিলে হয়ত তাহাই করিত—আমি মাত্র নরশোণিতে মৃত্তিকা অভিসিক্ত করিয়া তাহার উর্বরতা বৃদ্ধি করিয়াছি—কিন্তু কিছু রোপণ করি নাই—কি জন্মিবে এই উর্বর মরুভূমি বক্ষে?”

পার্শ্বচরগণকে উদ্দেশ্য করিয়া বলিলেন—“যাও, জনে জনে, দিকে দিকে—জননীর সন্তানকে খুঁজিয়া আন; সে আনিবে তাহাকে রাজ্য দিব—মাতা তিষ্ঠ—তোমার পুত্রকে আনিয়া দিব!” এই বলিয়া ভয়ঙ্কর তৈমুর শিশুর মত মাথা নত করিল। মাতা হাসিলেন—সকলে হাসিল—জননীকে দেখিয়া শিশু যেমন গাসে তেমনি হাসিল। জননীরূপিণী নারী জয়যুক্ত হও!

৬ই আশ্বিন, ১৩৩৪

ইতি

